

# WANTOK

NIUSPEPA BILONG OL PAPUA NIUGINI STRET

40 pes

Namba 774

4 - 10 Me, 1989

30 toea

## Gavman redi long tok orait ... tasol Laina i tok nogat

PRIMIA bilong Enga Ned Laina bai i no inap sainim agrimen bilong K700 milen gol main long Porgera. Dispela agrimen i stap namel long nesenel gavman, ol papa bilong graun, na Enga Provinsal Gavman.

Praim Minista Rabbie Namaliu i tokaut olsem long Tunde (2 Me) olsem ol bai sainim agrimen taim Kabinet i oraitim.

Tasol Primia i tok long Trinde (3 Me) olsem em bai i no inap

sainim agrimen. Em i laik sampela senis i mas kamap aninit long oraitim ol kontrak we ol pipel bilong Porgera i ken aplai na winim.

Mista Namaliu i tok taim ol i sainim dispela agrimen, kampani bai stap long mekim ol wok long main. Tasol olgeta wok i stap bikos Primia Laina na ol nesenel memba bilong Enga i tromoi ol nupela askim bilong ol.

Tasol nau i luk olsem olgeta askim bilong Primia Ned Laina na tupela nesenel MP Albert Kipalan na

Masket Iangalio bai i no inap karim kaikai.

Nesenel Gavman na Placer (kampani) i tok husat i laik kontrak i mas resis. Tasol ol bai givim kontrak long ol namba wan lain tasol.

Wanpela bikman bilong Placer na projek menesa long Porgera, Victor Botts i tok kampani bai i no inap promis long wanem kain kontrak em bai givim long ol papa bilong graun o provinsal gavman. Enga Developmen Koperesen em bisnis han bilong Provinsal Gavman. Em tu bai resis long winim kon-

trak nau i kamap long Porgera Gol Main.

Mista Botts i tok dispela agrimen (Maining Developmen Kontrak) em kampani na gavman i wanbel bai helpim tru ol pipel. Olgeta pipel insait long Papua Niugini bai kisim helpim long dispela.

Em i tok "Mi save provinsal gavman na ol nesenel memba i askim long ol kain liklik kontrak. Tasol kampani bai i no inap givim long ol." Nesenel Gavman i wanbel tru wantaim Placer kampani. i go moa long pes 3



•Primia bilong Enga Ned Laina na Memba bilong Wapenamanda long Nesenel Palamen Masket Iangalio i paitim tok tok long Porgera gol main.

### Pilai i givim skul



"SORI tru tambu. Brata bilong mi save paitim yu olgeta taim". I luk olsem dispela kain toktok i kamap long meri long lephan. Na i luk olsem meri long raithan i kisim taim stret ya. Tasol nogat, dispela tupela meri i stap long wanpela pilai bilong NCD Tieta Grup ol i kolim. "Meri bilong yu em i no birua bilong yu". Long dispela pilai, man bilong em i bin paitim meri long raithan na susa bilong dispela man em meri long lephan.

Ol i kamapim dispela pilai long soim olsem i no gutpela pasim long paitim narapela man o meri o meri bilong bilong yu. Ol i bihainim sampela idea i kamap long long video ol i kolim "Stap Ist". NCD Tieta Grup bai raun long Westen provins na autim dispela pilai long soim olsem em i no gutpela long paitim narapela man o meri.

### Gavman wetim ol asples Panguna long bekim tok

PRAIM MINISTA Rabbie Namaliu i tokaut aste (Trinde 3 Mas) long ol toktok o plen em i bin givim long Not Solomons primia Joseph Kabui na ol mausman bilong papa bilong graun long Panguna las wik.

Wanpela lain minista i bin go pas long ol toktok i bin kamap long kamapim dispela plen. Ol dispela lain em Minista bilong Mineral na Eneji,

Minista bilong Lens ne Fisikol Plening, Minista bilong Provinsal Afeas, Minista bilong Tret na Industri, Minista bilong Leba na Employemen, Minista bilong Foren Afeas, minista bilong Envairamen na Konsevesen. Na Depiti Praim Minista i go pas long ol dispela minista.

Dispela plen i gat ol tingting bilong senisim ol toktok i stap long Bouganvil Kopa Agrimen na bai bihainim nupela Main Developmen Kontrak.

Ol senis long agrimen em ol bisnis developmen, trening na kamapim ol wok, saplai na ol pasin bilong kisim ol dispela saplai, pasin bilong rausim ol wokman, rausim sampela takis na kamapim wanpela pasin bilong tokaut long ol bagarap i kamap long graun na ol arapela samting i stap long graun.

Narapela samting dispela komiti i givim long Mista Kabui na ol lain bilong em ol toktok i bin kamap long Porgera Develop-

men Forum. Ol toktok long dispela forum em long stretim kompensesen, wanpela Spesel Sapot Agrimen, stretim ol Royalti na strongim ol sea long kampani.

Plen i toktok long kisim bikpela kompensesen bilong graun, ol diwai na ol arapela samting long graun.

Spesel Sapot Grant em i 1 pesen bilong olgeta mani kampani save kisim long ol kopa, gol na arapela

i go moa long pes 3



Moa Soka Ripot



8 pes Ragbi Lig Nius

BAIM WANPELA YUS KAR SPESEL \* LONG BOROKO MOTORS, PORT MORESBY, NA YU KEN KISIM TUPELA TIKET FRI, LONG LUKIM PNG RESIDEN 13 I PILAI RAGBI WANTAIM QUEENSLAND RESIDEN 13, 7 ME DISPELA SPESEL RESIS BAI PINIS LONG 5 ME, 1989.

**SPESEL RESIS!**

LUKIM LONG PAGE 8 BILONG RUGBY LEAGUE NIUS LONG MOA TOKSAVE

**PLUS**

Ripot



**AUSTRALIA:** Ol plisman bilong Brisben long Australia i sasim pinis wanpela man bilong PNG long sas bilong spak na draivim kar.

Ripot i tok dispela man i bin spak wantaim na draivim kar i winim spit em ol plisman i makim long en.

Nem bilong dispela man em Wilfred Price Tomo husat i gat 41 krismas olgeta. Wilfred i kamap long kot na i baim fain long 300 Australian dola olgeta.

**Port Moresby**

**MOSBI:** Ol raskol i hensapim famili bilong Nesenel Woks Minista, Paul Wanjik long haus bilong ol long Gerehu.

Dispela birua i bin kamap long Fonde 27 Epril long las wik.

Ol dispela stilman i kisim samting olsem K3,000. Ol i yusim ka bilong gavman i stap long haus bilong minista na ranawe.

Bihain ol plisman i painim dispela ka long Vanapa long Sentral provins.

Ol plisman i no painin yet husat tru i mekim ol dispela trabel.

**Mt Hagen**

**HAGEN:** Ol plisman long Hagen i painimaut nau long wanpela meri husat i bin kisim bikpela bagarap long han bilong em.

Meri ya i bilong ples Karita long Sauten Hailans provins. Ripot i tok wanpela man i mas yusim wanpela naip na sutim meri ya long han. Dispela trabel i bin kamap bihain long wanpela kros bilong pik. Na meri i kisim dispela bagarap taim em i laik pait bek long sevim skin bilong em.

Dispela trabel i bin kamap long Fraide moning long Warawau Plentesen klostu long Hagen.

**HAGEN:** Sampela raskol i go insait long wanpela haus na ranawe wantaim K23 mani na wanpela vidio rekota em pe bilong em i moa long K900.

Plis ripot i tok olsem papa bilong haus i bin go aut taim dispela birua i kamap.

Dispela birua i bin kamap long las wik Sarere long samting olsem 3 klok moning. Ol plisman i no holim yet wanpela man long dispela stil pasin.

**Lae**

**LAE:** Ol plisman bilong Goroka i askim nau wanpela konstebel plisman long K17,000 stil pasin em i bin kamap long 1986. Dispela plisman i save wok olsem wanpela risev plis konstebel long Lae.

Plis ripot i tok 6-pela man wantaim sot gan i hairim wanpela kar na i holim pasim wanpela gavman kar. Dispela gavman kar i bin karim dispela K17,000 pe bilong ol gavman wokman bilong Henganofi Distrik Opis. Na stil pasin i kamap Hailans Haiwe klostu long Goroka na Henganofi.

**Goroka**

**GOROKA:** Ol plisman long Goroka i givim sampela askim i go nau long wanpela. Ol plisman i bilip dispela meri i mas save long moa long K35,000 em i bin lus.

Dispela meri i gat 26 krismas olgeta. Na i save wok olsem kesia bilong lukautim mani wantaim Birua of Menesmen Sevises.

**LO BILONG ADALTRI NA ENTAISMEN**



- YU WANPELA MARIT MAN O MARIT MERI?
- MERI BILONG YU I SLIP WANTAIM NARAPELA MAN?
- MAN BILONG YU I SLIP WANTAIM NARAPELA MERI?
- NARAPELA MAN O MERI I TRAIM GRISIM MAN O MERI BILONG YU?

**OL PIPEL** bilong Manus i redi nau long namba 4 provinsal gavman ileksen em bai i kamap long Ogas 1989.

Ripot i kam long opis bilong Ilektoral Komisina, Luke Lucas, i tok Ilektrol Komisen bai i givim rit bilong ileksen long Fonde 13 Julai. Na nominesen bai i stat long dispela de na pas long Fraide 28 Julai.

Ol pipel bai gat tripela de tasol long vot. Dispela ol de em Sarere 19 Ogas i go inap long Mande 21 Ogas.

Bihain long dispela bai ol i kauntim ol vot. Na olgeta wok bilong dispela ileksen bai i pas long Sande 27 Ogas. Dispela em taim rit o lo bilong karimaut ileksen bai i go bek long Ilektoral Komisin.

Manus i gat 15 konstituensi tasol long bipo. Tasol Lapan Asembli i pasim tok

long 1988 olsem ol ailan bilong Saut Westen Ailan olsem Aua/Wuvulu bai i kamap wanpela konstituensi bilong Manus.

Olsem na ol kendidet bai i resis long 16 konstituensi olgeta long 1989 ileksen.

Nem bilong ol dispela 16 konstituensi em Balopa, Ere Kele, Kali Bipi, Kurti Andra, Lelemasin, Lorengau, Los Negros, Mali, Sapparibe, Bupt Chebeu, Rapatona, Sopot Malai Bay, Karibunai, Tutu Ponam, Not Westen Ailans na Saut Westen Hailans.

Manus Provinsal Gavman

i nogat pati politik na oposisen olsem ol arapela provinsal gavman.

Wan wan memba tasol olsem Primia Stephen Pokawin wantaim memba bilong Kali Bipi, Tarcisius Kasau, memba bilong Los Negros, Paul Pokolau na memba bilong Mali, Philip Pipai Tapo em ol bikpela politikel pati insait long kantri olsem MA, PDM na PPP i sponsa long ol.

Planti ol arapela memba i save resis long ileksen olsem independen. Olsem na olgeta i save bung wantaim long kamapim wanpela

provinsal gavman we i nogat oposisen. Wanpela ripot i kam long kuskus bilong Lapan Asembli, Henry Kalai i tok olsem.

Las ileksen em klostu long 30 pipel olgeta i bin resis. Ripot i tok tu olsem planti kendidet tru bai i resis long 1989 ileksen.

Na i gat bilip olsem planti memba husat i stap nau long provinsal gavman bai i resis ken long wan wan konstituensi bilong ol.

Las kibung bilong Lapan Asembli bai i kamap long Ogas 29-31 1989.

**Toksave bilong kotim manmeri i paul nabaut**

**WIMEN** na Lo Komiti i autim narapela toksave pepa pinis long helpim ol marit i kotim man o meri bilong ol husat i slip wantaim narapela man o meri.

Dispela toksave pepa em long helpim ol pipel long kisim gutpela save long wanpela nupela lo gavman i oraitim long Oktoba 1988. Dispela lo em ol i kolim Adaltri na Entaismen Ekt (Adultery and Enticement Act).

Adaltri em i pasin we wanpela marit man o meri i slip wantaim narapela man o meri. Na Entaismen em i pasin we wanpela marit i laik grisim narapela man o meri husat i no man o meri bilong em, long slip wantaim em.

Siameri bilong komiti Misis

Josepha Kanawi i tok olsem Adaltri em i wanpela bikpela hevi long Papua Niugini na dispela nupela lo bai helpim long stretim sampela bilong ol dispela hevi.

Wimen na Lo komiti i bin autim 3 pela toksave pepa bipo na ol dispela pepa i bin toksave long ol pasin ol meri i ken kisim helpim taim ol i gat hevi.

"Dispela em i namba 4 toksave pepa na em bilong helpim ol man na meri tu", Misis Kanawi i tok.

Ministerial Komiti bilong Lo na Oda i givim mani bilong kamapim dispela toksave pepa. Na ol i kamapim 4,500 toksave pepa long Inglis. Klostu bai ol i printim toksave pepa bilong Tok Pisin. Na bilong Tok Motu bai redi long pinis bilong dispela mun.

**Manus i redi long provinsal ileksen**

**Wanpela lain bilong Saina lukim Mosbi**

**PNG** i ken lainim planti samting long Saina long developim kantri na tu Papua Niugini i gat ol samting Saina i ken yusim long kamapim sindaun bilong ol tu.

Dispela em i toktok bilong Zhai Yongbo, meya na lida bilong wanpela lain bilong Jinan siti long Saina husat i bin lukluk raun long Mosbi las wik.

Ol dispela lain i bin kam raun long bekim wanpela raun ol lain bilong NCDIC i bin mekim long Jinan las yia. Long dispela taim ol i bin sainim wanpela tokorait i tok olsem Jinan em i susa siti bilong Mosbi.

Wanpela man long dispela grup Meng Jianxin i tok olsem i gat ol liklik bisnis ol pipel bilong Papua Niugini i ken lainim long Saina na kamapim long Papua Niugini.

Ol dispela liklik bisnis em long wok



• **Lod Meya bilong Jinan, Zhai Yongbo (lephan) na lain bilong em taim ol i kamap long Mosbi. Siameri bilong NCDIC Josephine Abajah i wokabaut long raithan**

bilong sanapim ol kain kain klos na kamapim ol kaikai. Em i tok olsem i gat planti arapela bikpela wok bisnis ol pipel bilong PNG ken lainim long ol pipel bilong Jinan na tu long ol arapela pipel bilong Saina. Mista Jianxin

em i dairekta bilong Ekonomik na Tret Rilesen long Jinan.

Ol lain bilong PNG i ken lainim ol dispela samting na kamapim ol dispela wok long PNG.

Ol dispela lain i kam tu long stretim ol toktok bilong

kamapim nupela pilai graun long Mosbi. Dispela pilai graun ol i tingting long yusim long Saut Pasifik Gems long 1991.

Wanpela lain ensinia bilong Jinan yet i bin kamapim plen bilong dispela pilai graun. Ol enjinia

bilong Jinan yet bai go pas long ol wok bilong kamapim dispela pilai graun.

Ol dispela lain i bin lukluk raun long bikpela dam long Sirinum na i bin lukluk raun long ol arapela wok bilong NCDIC long Mosbi tu.

# Morobe bai kisim taim

PABLIK Akaunts Komiti (PAC) bai tingting long rausim Morobe Provinsal Gavman sapos em i no givim ol(komiti) mani ripot bilong dispela K7.8 milien em provins i bin givim long ol Developmen Autoriti.

Siaman bilong komiti Soso Tomu i tokaut long dispela long long taim PAC i harim toktok bilong Morobe provinsal gavman.

PAC i bin painim olsem provinsal gavman i bin yusim bikpela mani tru long ol bisnis han bilong en we provins em i no bin kisim profit long ol.

Hia em ol bisnis han we provinsal gavman i bin givim mani long helpim ol. Dispela rekot i karamapim ol wok i stat long 31 Disemba 1987 i kam i inap nau: Morobe Developmen Koperesen Pty Ltd -

K268,588; Yalu Plentesen Pty Ltd - K100,000; Morobe Fud Prosesing Pty Ltd - K75,00; Kum Gie Pty Ltd - K265,000; Niugini Produs Maketing Pty Ltd - K70,000 na Morobe Fams (Wawin) Pty Ltd - K200,000. Olgeta ol dispela bisnis i no bin baim yet dinau bilong ol i go long provinsal gavman.

Komiti i bin painim tu olsem provinsal gavman i bin lusim ol mani ripot bilong Anga Developmen Autoriti.

Deputi Sekreteri bilong Dipatmen bilong Morobe Gus Schweinfurth i tok ol dispela ripot i bin paul wantaim wanpela akaunten bipo long Autoriti na nau i stap long Inglan.

Wanpela memba bilong komiti Jacob Lemeki i bin tok strong tru olsem i no bin gat gutpela wok bung wantaim namel long ol wokman bilong provinsal

gavman.

"Em i luk olsem yupela i no save mani bilong yupela i ran olsem wanem? Provins bilong yupela i stap long wanpela gutpela ples long kamapim ol bikpela bisnis," Mista Lemeki i tok.

Mista Lememki i tok wok bisnis bai i kamap gutpela tru sapos provinsal gavman i putim olgeta bisnis han bilong en aninit long wan wan ministri long provins.

Tasol Primia Joshua Hagai i tok dispela em i wanpela bikpela tingting em i redim pinis long putim kamap long Provinsal Esemblu.

Mista Hagai i tok olsem Primia em i tingting tu long rausim sampela long ol bisnis we i no bin wokim profit.

"Wanpela bikpela astingting bilong

ranim planti bisnis em long helpim ol pipel bilong Morobe bai ol i gat gutpela sindaun," Primia Hagai i tok.

### i kam long pes 1

#### Gavman redi

Seketeri bilong Minerals na Eneji, Bill Searson i tok em yet i no klia tumas long dispela nupela toktok. Bikos olgeta toktok i bin stret pinis long ol bikpela miting bilong Developmen Forum. Olgeta pepa i redi tasol long ol i ken sainim.

Mausman bilong gavman i tok dispela toktok long ol liklik helpim bai kam long kampani i stret pinis. I nogat man bai gat rait long toktok long kontrakt.

Olgeta man i mas resis na winim.

Bai i nogat wanpela rot tru we dispela kain ol agrimen bai stap.

## Ol Momase primia kibung long Wewak

BIKPELA kibung bilong ol primia bilong Momase rijin i kamap nau long Wewak. Ol bikpela toktok bai kamap long dispela kibung em inkam takis bilong ol lokal gavman kaunsil, ritel sels takis na, Momase Invesmen na Developmen Fan.

Ripot i kam long opis bilong Primia Bruce Samban i tok olsem, Mista Samban bai siaman long dispela kibung.

Dispela kibung i bin stat long Trinde 3 Me na bai i pinis long tumora (Fraide 5 Me).

Toktok bilong inkas takis em long painimaut sapos ol lokal gavman kaunsil i save yusim gut dispela mani long lukautim ol pipel o nogat. Dispela toktok i bin kamap bihain long bikpela Nesenel Eben Kaunsil Konprens em i bin kamap long Wewak.

Plantipi pipel husat i stap namel long Is Na Wes Sepik i no amamas tumas long ritel sels takis em ol i save baim i go long tupela provinsal gavman. Olsem na dispela em wanpela bikpela agenda bilong Is na Wes Sepik Provinsal Gavman. Olgeta primia

bai i helpim tu givim sampela kain aidia we ol i ken stretim dispela hevi.

Insait long dispela kibung, bikpela toktok bilong kirapim Momase Invesmen Developmen Fan bai i kirap. As bilong kirapim dispela fan em long sapotim ol bikpela developmen projek insait long Momase rijon.

Na mani bilong dispela fan bai i kam long baset bilong dispela 4-pela provinsal gavman. Ripot i kam long opis bilong Samban i tok klia olsem.

Primia bilong Morobe, Hagai Joshua, Madang, Andrew Wariko, na Is Sepik, Bruce Samban, wantaim Deputi Primia bilong Sindaun, stap insait long dispela kibung.

Dispela em i namba 11 taim bilong ol primia bilong Momase i bung long kain kibung olsem.

Olgeta provinsal seketeri wantaim ol eksekutiv opisa i stap insait tu long dispela kibung. Olgeta provinsal seketeri i bin kibung Mande na Mande.

Insait long dispela kibung ol i stretim ol agenda o wanem samtung ol primia bai i tok-

long kibung.

Deputi Praim Minista, Akoka Doi, i bin opim dispela kibung. Sampela opisa bilong ol Nesenel Dipatmen olsem Yut na Hom Afeas wantaim Dipatmen bilong Praim Minista i kamap tu long dispela kibung.

Ol arapela agenda bilong dispela kibung em Nesenel Yut Divelomen Program Fun, 1991 Saut Pasifik Gems, Kompensesen mani bilong graun na strongim wok bilong ol plisman long ol boda stesin long boda provins.

Ol primia bai i pasim tok tu long sampela samtung em ol i bin toktok long en long namba 10 Momase Primias Konprens.

Dispela em long toktok bilong skwata setelmen em i kamapim bikpela hevi bilong lo na oda nau insait long rijon.

Samban i tok olsem em i amamas long ol agenda bilong dispela kibung. Na tu long Deputi Praim Minista i kamap long dispela kibung.

Em i bilip olsem dispela kibung bai i kamapim sampela gutpela tingting em ol i ken autim long Nesenel Primias Kaunsil Konprens.

## Hai Komisina bungim Namaliu



Nupela Hai Komisina bilong Australia long PNG, Allan Taylor (lephan) i redi long givim pas bilong Praim Minista bilong Australia Bob Hawke i go long Rabie Namaliu. Ol arapela bikman bilong Australia Des Walsh, Laurie Engel, Kepten Paul Gilmour-Walsh na David Mackie i sanap lukluk i stap.

### i kam long pes 1

samtung ol i save salim. Dispela grant bai go long provinsal gavman na ol i tingting olsem ol inap long bungim K5 milion long wan wan yia.

Royalti mani bai senis tu. Provinsal gavman bai kisim 80 pesen ol papa bilong graun bai kisim 5 pesen na narapela 5 pesen ol bai putim

## Gavman wetim ol asples Panguna

long stretim sindaun bilong ol lain long bihain taim. Bipo, provinsal gavman save kisim 95 pesen na ol papa bilong graun save kisim 5 pesen royalti.

Gavman bai givim 4.9 pesen sea bilong ol long kampani long ol papa bilong graun na

provinsal gavman na narapela 5.1 pesen ol bai salim long ol.

Provinsal gavman na ol papa bilong graun bai kisim bikpela mani long dispela plen.

Namba tri toktok long plen em long kamapim nupela na stretim ol samtung

olsem rot, ol skul na ol haus sik o klinik. Ol dispela wok bai kamap insait long wanpela 5 yia program na bai kostim K200 milien.

"Gavman bilong mi i bin kamapim ol dispela gutpela tingting long helpim na stretim olgeta hevi.

**To'o**  
TORO GO LONG MIS PNG KONTEST LONG HAILANDA HOTEL...

EM LUKIM OL MERI I WOKABAUT I GO NA EM SINGAUT NABAUT...  
AIYOOO! MIS PNG KALA LEB!! YU LEWA YAA!!

NAU EM KALAP I GO ANTAP LONG PLATPOM NA STAIL NABAUT I STAP...

OL SEKIURITI I KIRAP NA NEKIM EM...

NAU OL I TROMOI EM I GO AUT...

HIA EM OL TOKAUT BILONG  
**WANTOK**

**Sekap long mani**

Nau i namba tu wik nau bilong Pablik Akaun Komiti i harim ripot bilong wokmani bilong ol provins na ol han bilong gavman we i no bin gat gupela ripot bilong rot ol i yusim mani.

Las wik i bin gat ripot bilong Nesenel Providen Fan i kamap. Ripot i soim olsem bikipela mani tru i go long stretim haus bilong dairekta bilong Fan. Na tu i go long ol arapela likik wok we i no gat gupela ripot bilong rot we mani i go.

Dispela wik i taim bilong ol provins i kamap long ai bilong PAC na givim ripot. Morobe i kisim taim bikos ol tu i no gat gupela ripot long mani bilong ol wok i kamap long provins.

I tru olsem sampela bilong ol toktok i gat gupela as. Sampela ol asua i mas kamap long bipo yet.

Tasol dispela pasin bilong bosim mani i mas stap strong. Sapos i gat gupela program i kamap pinis, orait bai i isi long sekap oltaim na wok bilong bosim mani na luksave long mani i go long wanem rot bai i stap stret.

I gat planti wok i stap long provins we ol pipel i nidim mani bilong gavman long kamapim ol kain samting olsem helt senta, ol rot, ol skul na ol liklik wok

**Ol wokman i mas putim nem long buk**

OL WOKMAN bilong Is Nu Briten Provinsal Gavman nau bai i mas sainim nem bilong ol long "log buk" long taim ol i yusim ka bilong provinsal gavman.

Dispela askim i kamap long wok Pablik Akounts Komiti (PAC) i mekim long wok bilong Is Nu

Briten provinsal gavman long asde (Me 3).

PAC i bin tokim 4-pela bikman bilong provinsal gavman olsem ol (provinsal gavman) i bin yusim bikipela mani tru long ol ka.

Tasol Sekreteri bilong Dipatmen bilong Is Nu Briten Nason Paulias i tok ol i bin yusim dispela sistem longpela taim

na i no gat sampela program.

Em i tok long buset ol i putim mani long dispela seksen. Olgeta divisen i save kisim kar na ol Asisten Seketeri i lukautim ol ron bilong dispela ol kar.

Mista Paulias i tok olgeta bikman bilong ol dipatmen i kisim ol kar na ol i yusim long mekim ol wok long

opis na ol wok bilong ol yet. Na ol narapela opisa bilong dipatmen i no nap long stilim ol kar bikos olgeta i gat ol plet namba bilong provinsal gavman yet.

"Komyuniti long Rabaul i save wok gut tru wantaim provinsal gavman na ol dispela kain samting i no inap long kamap. Bikos ol man i no nap

ranawe." Em i tok. Tasol Siaman bilong PAC, Soso Tomu i tok komiti i no nap bilip inap ol i lukim ol samting ol i toktok long en long pepa.

Em i tok tu olsem ol bai i salim wanpela pas long provinsal gavman na toksave olsem ol wokman i mas yusim gen ol "log buk".



**Ol memba i raun long Australia**

OL 6-pela memba bilong Palamen i go raun nau long Australia. Bai ol i raun inap long 12-pela de olgeta.

Namba tu spika bilong Palamen Christopher Sambre i go pas long dispela lain. Ol arapela memba em Joel Paua (Westen Hailans), Bob Bubeck (Westen Provins) Kas-tan Maibawa (Isten Hailans), Tom Pais (Madang), na Wagi Merimba (Simbu). Asisten dairekta bilong Fainans na Edministresen long Nesenel Palamen, Jack Helai i go wantaim ol dispela memba.

(l-r) Deputi Hai Komisina bilong Australia, Howard Brown, Namba tu Seketeri, Mathew Neuhaus na Deputi Spika bilong Palamen, Christopher Sabre.

**Ol haus piksa senisim program**

I BIN gat planti toktok long ol wik i go pinis olsem ol haus piksa long Mosbi na Lae i no moa soim ol piksa.

Tasol dispela i no tru. Long wanem Wards, Skyline na Gerehu long Mosbi na Huon na Lae haus piksa nau i soim yet ol piksa.

I tru olsem i gat sampela haus piksa i pas. Ol dispela haus

piksa em Tropical wantaim Musmus long Madang na Tarka haus piksa long Lae. Tasol ol i bin pas yet long 1987 i kam inap nau. Long wanem raskel pasin i wok long kamap bikipela na ol man i pret long wokabout long nait.

Dispela i wanpela as we Papua Skyline Theatre Pty Ltd i bin pasim ol dispela haus piksa. Sapos ol i no

pasim bai ol i lusim planti mani bikos i no gat planti man i save kamap.

Hia em nupela program bilong Wards na Skyline haus piksa long Mosbi. Wards i save soim piksa long olgeta de bilong wik na long wiken wantaim. Skyline i save pas long Mande, Tunde na Trinde. Na i soim ol piksa long Fonde i go inap long Sande.

**Ol skul kisim mani nau**

SAMTING olsem 103 komyuniti skul long Simbu provins bai kisim helpim mani bilong ol neks wik.

Provinsal minista bilong Fainens Edward Bare i tokaut olsem ol i redim sek pinis. Na ol wan wan memba bilong ol bai tilim mani long ol skul.

Mista Edward i tokaut olsem provinsal gavman i makim K246,000 olgeta. Dispela mani i kam anit long Fri komyuniti skul edukesen skim.

**Wantok**

P.O. Box 1982, Boroko.  
Telephon: 252500, Teleks: NE 22213,  
Faks 252579.

**PE BILONG WANPELA YIA, 52 NIUSPEPA**

PLES	AIR	SURFACE
Port Moresby	K20	K20
PNG	K29	K29
Australia	K60	K39
New Zealand & Pacific	K78	K46
America & Europe	K118	K60

Printed and published by Anna Bernadette Solomon, of Bitten Place, Gordons, at Allotment 2 Section 209, Hohola.



**Nupela pe bilong kopra**

PE bilong kopra long mun Me bai i go antap long K2 wan tan. Kopra Maketing Bot (CMB) i tokaut long en long Mande (1 Me).

Dispela i no bikipela mani tumas tasol ol man i no ken les long wok. Bikos em i

makim olsem i no long taim bai pe bilong kopra i go antap long wol maket.

Ol pe bilong wan tan kopra bilong mun Me nau i stap olsem. Smuk - K226, F.M.S-K228 na Hot Eia - K231. Dispela bai i kamap long ol bikipela bris olsem Mosbi, Alotau, Lae, Madang,

Wewak, Kavieng, Rabaul/Taboi, Kimbe na Kieta.

Tasol pe bilong kopra long ol liklik bris i bin go daun pinis na nau pe i stap olsem, Namatanai-K35, Kandrian-K35, Samarai-K32, Buka-K36, Finschhafen-K40 na Lorengau-K45 long wan wan tan.

**Ol meri Toma i soim rot**

WANPELA bikipela bung i bin kamap long amamasim 5 yia plen bilong Toma Komyuniti Wimens Asosiesen na bisnis han bilong ol em ol i kolim Toma Ninggit Grup.

I bin gat bikipela singsing tru i kamap na ol i bikman na meri na ol komyuniti

lida i stap insait long dispela bung. Primia Sinai Brown, Misis Margaret Namaliu, ol provinsal minista na Nesenel Minista bilong Kalsa na Turis Gerald Boena tu i bin stap insait long dispela bikipela bung.

Presiden bilong Toma Komyuniti Wimens Grup Misis Philomena Advent i

toksave long sampela wok grup bilong em i kamapim nau. Hia em ol dispela wok, Awenes Trening, Praimeri Helt Kea, Risos Senta, Fan Raising na Wimen in Bisnis.

Ol i redi nau long opim Brens na Tren-ing Yunit long pinis bilong dispela mun.

# Anam i givim ona long God long han bilong em

I GAT ol pipel husat i save givim ona na tok amamas long God long maus bilong ol. Mi mekim olsem long han bilong mi. Sampela pipel i mekim olsem long ai o yau bilong ol. Sapos mi autim tok amamas bilong mi long maus, ol pipel bai harim

tasol bai ol i lusim tingting hariap. Olsem na mi autim tok bilong God long han bilong mi, na bai inap stap long-pela taim. Ai bilong mi i no gutpela moa nau na han bilong mi i tait tu, tasol mi save olsem mi stap long han bilong God."

Dispela hap toktok i bilong wanpela tisa, atis na wokman bilong Luteran-sios, David Anam.

David Anam i gat 80 krismas nau na em i ritaita na i stap long ples bilong em long Ngasegalatu long hap bilong Finsdafen. Long Sarere 22 Epril em i bin kisim wanpela spesel prais mani

inap long K1,500. Dispela prais mani kam long Leipzig Mission bilong Is Jemani na Evanjelikal Luteran Sios bilong Papua Niugini.

Leipzig Mission i luksave na amamas long gutpela wok David Anam i mekim long sios na ol i givim K1,000, Orait ELC-PNG i givim narapela K500.

I bin gat bikpela bung i kamap long taim bilong givim presen long David Anam. Bisop Getake Gam na Bisop Yanac Apo i bi kamap long dispela bung wantaim rijonal memba bilong Morobe Utula Samana na primia bilong provins Hagai Josua. Dokta Ronald Schsrdt i makim ovasis sios long Amerika, Kanada na Australia. Na Dokta Renck i makim Luteran Sios long Bavaria na Northelbian.

Ol bikman husat i kirap mekim liklik toktok i bin mekim tok amamas na tenkyu long bikpela wok David Anam i mekim long wok bilong sios. Na mak em i lusim stap nau em ol kaving em i sapim long bilasim haus lotu.

Wanpela bikpela wok tru David Anam i bin kamapim em ol kaving i stap nau long

haus lotu long ples Ngasegalatu. Haus lotu i wok long bagarap nau na ol pipel i wok long stretim gen. Memba bilong Morobe, Utula Samana i promis long givim K1,000 long helpim wok bilong stretim gen dispela haus lotu.

Mama i bin karim David Anam long yia 1909. Na em i wanpela bilong ol namba wna lain pipel long kamap long sku! em sios i bin kirapim.

Mama bilong David i bin dai bihain tasol long em i karim David. Na wanpela susa bilong papa bilong David i kisim em na lukautim. Na long taim David i bikpela ol brata bilong papa i skulim em long pasin bilong sapim ol kaving.

Orait long taim David bikpela em i stat skul. Long skul em i save bikhet liklik tasol em i save go skul oltaim. David i wanpela bilong ol sumatin em Misineri Bohter i bin skulim long Logaweng.

Long yia 1924, sios i kirapim wanpela tisa semineri long Hopi, Bukawa. David i bin go skul na greduet long 1948. Ol wanskul bilong em i bin go tisa long ol kongregesen bilong sios. Tasol David i bin stap bek



Bisop Gam i givim presen long David Anam.

long arapela 4-pela yia gen na helpim misineri long skulim ol studen. Em i amamas long wok bilong em bikos em i gat bikpela laik tru long musik na taur ben bilong skul.

Long taim David i bin pinis skul na go bek long ples, em i painim olsem ol Jabem i lusim sios na go bek long bihainim ol haiden pasin gen.

Long yia 1934, em i bin patrol i go long hap bilong Hailans wantaim Misineri Herrlinger, Lechner na Wilhelm

Bergmann. Ol i bin wokabaut i go kamap long Hagen na i go bek. Na dispela raun bilong ol i karamapim 6-pela mun. Long taim o i go bek, David i bin sik nogut tru na klostu em i dai.

Long 1938, David Anam i go bek long ples bilong em. na ol Jabem pipel i stat long sanapim sios bilong ol. David i askim Misineri Herrlinger long sapim wanpela kaving long bilasim. Misineri Her-

i go moa long pes 12



• Lapun David Anam i malolo long ples.

## Is Nu Briten na Not Solomons i bekim gut ol askim

KAGUA-ERAVE memba long Nesenel Palamen Soso Tomu i tok long asde (Me 1) olsem gavman i mas gat sampela rot long sekap long em ol mani ol provinsal gavman i kisim long ol gol main long kantri.

Memba i mekim dispela toktok bihain long gavman i tokaut long givim 10 pesen mani long Enga provinsal gavman na ol papa bilong graun long Pogera Gol Main.

Em i tok planti provinsal gavman i no save yusim gut ol dispela kain mani long

helpim ol pipel. "Dispela em i mani bilong gavman. Na gavman i mas save long wanem wok i kamap bilong dispela mani. Long stapim dispela kain pasin nesenel gavman i mas gat opisa bilong em i wok wantaim provinsal gavman," Mista Tomu i tok.

Em i tok em i siaman bilong Pablik Akaunts Komiti. Na i lukim olsem planti ol mausman bilong ol provins i no save bekim gut ol askim bilong komiti.

"Ol i no toktok gut bikos ol i pret long tokaut long ol rong bilong ol. Mi ken tok

olsem tupela provins em komiti i no painim hevi long kisim ansa bilong ol em Not Solomons na Is Nu Briten," em i tok.

Mista Tomu i tok tu olsem em i nogat toktok long dispela 10 pesen mani i go long ol papa bilong graun. Em i tok ol i ken wokim wanem samt-ing laik long man ya. Bikos em i mani bilong ol.

"Dispela em i wanpela bikpela samt-ing em Namaliu gavman i wokim long helpim kantri na tok amamas bilong mi go long dispela gavman," Mista Tomu i tok

### SKELIM TOK... Josepha Namsu



LONG Mande las wik (24 Epril) ol eksekutiv bilong Nesenel Kaunsil bilong ol Meri i kamapim narapela "Konsaltativ" miting wantaim ol arapela meri lida bilong ol nesenel winems grup long Mosbi. Ol i kamapim dispela bung long skelim gen ol toktok i bin kamap long narapela "Konsaltativ" mitin long Madang long Mas.

Tripela bikpela toktok i bin kamap na planti nesenel winems grup i laik save gut long as bilong ol dispela toktok.

Namba wan toktok em long senisim nesenel kaunsil bilong ol meri na kamapim Nesenel komisin bilong ol meri.

Dispela i min olsem ol meri bai rausim lo i kamapim Nesenel Kaunsil bilong ol Meri na kamapim narapela lo long oraitim Nesenel Komisin bilong ol Meri.

Insait long dispela komisin bai i gat ol nupela pasin bilong kamapim ol wok na tu bai ol i givim nupela nem long ol grup bilong ol meri.

Namba tu toktok em long rausim ol het tok bilong Nesenel Kaunsil bilong ol Meri na kamapim ol nupela tingting long banisim wok bilong nupela komisin.

Het tok bilong kaunsil em olsem ol meri ol i samt-ing bilong welfea.

Nau ol i laik go pas long tingting olsem ol meri ken mekim ol wok bilong kamapim dispela kantri tu na ol i no bilong sindaun na bikmaus long kisim helpim long ol arapela.

Namba tri toktok em long rausim kaunsil

i stap nau aninit long Dipatmen bilong Hom Afeas na putim aninit long Dipatmen bilong Pesenel Manesmen. Ol i kamapim dispela tingting bikos ol i laikim kaunsil i mas stap klostu long ples we ol bikman bilong gavman save autim na oraitim tingting bilong ol. Kaunsil i bilip olsem Hom Afeas i no stap klostu long ples we gavman i save kamapim ol disisen.

Ol i tok olsem taim Kaunsil i stap aninit long Hom Afeas em i luk olsem wanpela welfea bodi na sapos kaunsil i stap aninit long Pesenel Manesmen, em bai ol pipel i luksave olsem wanpela risos bodi.

Long dispela bung ol lida bilong ol nesenel Wimens grup i no kisim gutpela bekim long tingting bilong Kaunsil long kamapim ol senis.

Sampela meri i sem long pasin oleksektiv bilong Kaunsil i laik kisim wari i stap insait long haus bilong ol, i go long narapela haus.

Bikos dispela wari, ol meri yet inap long stretim insait long haus bilong ol. Nau sapos yumi go pasindia long narapela haus, husat bai was long yumi?

Nau ol samt-ing i orait wantaim papa bilong narapela haus, tasol bihain taim bai yumi ol meri i stap olsem wanem?

Ol meri i wari long nupela tingting bilong lusim welfea wok na kamapim risos wok.

Stat long bipo yet, na i kam inap nau, wok bilong ol meri em ol welfea wok. Long ol liklik Wimens klap, ol meri i lainim samap, kuk, lukautim pikinini na haus. Bilong wanem rabisim dispela kain wok?

Ol lain meri bilong ol sios grup i mekim ol welfea wok na wok mari mari bilong lukautim ol turangu long ples. Bilong wanem rabisim dispela kain wok?

I no gat wanpela gutpela ansa i go long ol meri olsem risos developmen em i mobeta long welfea wok.



**DZEZKAZGAN - Rasia:** Ol niusman i sanap toktok wantaim tripela man Rasia husat i bin raun antap long skai long roket bilong ol. Ol man ya (l-r) Valery Polyakov, Alexander Volkov na Sergeri Krikalev i bin kam daun gen long graun bihain long ol i raun long roket bilong ol em ol i kolim Mir.

## Fiji no amamas long toklukaut bilong ACTU

GAVMAN bilong Fiji i belhat long Australia Kaunsil ov Tret Yunian (ACTU) bikos

ACTU i tokaut slem bai em i askim long ovasis yunian tu long no ken mekim wok bilong helpim Fiji.

Presiden bilong

ACTU Simon Crean i bin mekim dispela toklukaut long Fiji long wanpela bung bilong ol tret yunian long hap bilong Saut Pasifik. Dispela kibung i bin kamap long Brisben, Australia.

Las wik, gavman bilong Fiji i tokaut oslem bai em i sensim sampela lo bilong tret

yunian insait long kantri. Na dispela senis bai stapim sampela wokman bilong gavman long kamap memba bilong yunian na long go pas long ol straik.

Ol tret yunian long Fiji i bin kros tu bikos ol i tok gavman i brukim promis bilong em. Bipo gavman i bin

tokaut olsem em i no inap long subim het i go insait long wok bilong ol tret yunian long Fiji.

Gavman bilong Fiji i bin mekim dispela promis bihain long ol tret yunian bilong Australia i tokaut olsem ol i no inap long mekim wanpela wok bilong helpim Fiji.



**BEIJING - Saina:** Dispela poto i soim ol plisman i holim han long traim stapim ol studen long brukim banis na mekim bikipela protes. Tasol ol studen i strong na brukim lain i go insait bung long hap bilong Tiananmen Square.

## Ol Pasifik kantri sutim tok long Amerika

OL KANTRI long hap bilong Saut Pasifik i sutim tok nau long Amerika. Bikos Amerika i laik putim tambu long kain samting olsem wel bilong kopra na welpam.


Amerika i mekim olsem bikos nau ol i pret long man i kisim sik bilong lewa na dai. Ol i tok olsem wel bilong kokonas na welpam i gat planti kolestrol tumas. Kolestrol em i samting i save kamapim sik bilong lewa.

Saut Pasifik Sekreteriat i makim 16 Pasifik Ailan kantri. Na ol i sutim tok long ol lain sapota bilong ol soya bin fama bilong Amerika long go pas long toktok bilong tambuim

kopra na welpam. Ol i tok dispela grup i no wari tumas long helt bilong man. Ol i wari bikos bisnis bilong ol i save resis strong wantaim wel bilong kopra na welpam.

Ripot i tok olsem long plen bilong gavman bilong Amerika, olgeta kaikai we i gat wel bilong kokonas na welpam long en i mas gat toksave i stap tu.

Bikipela wari i kamap nau long ol ailan kantri long Pasifik na tu long Indonesia na Malesia. Bikos sapos dispela tambu bilong Amerika i kamap strong, bai ol kantri long hap bilong Pasifik na Esia husat i save kamapim kopra na welpam bai kisim taim.



**KEP KANVERAL - Florida; Amerika:** Dispela poto i soim roket bilong Amerika ol i kolim Atlantis. Amerika i bin salim dispela roket i go antap pinis long skai long 28 Epril. Na em i karim liklik roket ol i kolim Magellan. Magellan bai lusim bikipela roket ya 6-pela aua bihain long em i lusim graun. Na Magellan bai ran inap 15 mun olgeta long go kamap long planet Venus.



**WINDHOEK - Namibia:** Ol lain soldia bilong Saut Afrika i bin helpim ol plisman bilong Namibia long pait wantaim ol rebel soldia bilong SWAPO. Saut Afrika i rausim ol soldia bilong em long bus nau na redi long plen bilong Yunaitet Nesen long givim independens i go long Namibia.



**TOKYO - Japan:** Praim Minista bilong Japan, Noboru Takeshita i apim han na singaut long taim em i bin kamap praim minista. Nau i gat bikipela toktok i kamap olsem em i bin kisim grismani long wanpela bikipela kampani. Olsem na em i tokaut pinis olsem bai em i pinis long wok bilong em.

# Ol Saina studen i givim ol askim long gavman

OL STUDEN long Saina i givim wanpela pepa we i gat ol askim bilong ol i go long gavman bilong ol. Na ol i tok tu olsem sapos gavman i no bekim ol askim bilong ol, bai ol i stat long protes gen.

Ol studen i tokaut long dispela insait long wanplea bung wantaim ol niusman.

Orait bihain ol i kism ol wilwil na ran samt-ing olsem 10 kilomita i go kamap long hetkwata bilong Sainis Komyunis Pati long givim ol dispela askim bilong ol.

Ol askim ol studen i givim long gavman em hia; 1. moa fridom i go long ol niuspepa na redio, 2. stapim pasin bilong kism grismani na 3. rausim nem nogut gavman i bin givm long olupela

seketeri jeneral bilong pati, Hu Yaobang.

Hu Yaobang i bin traim long kamapim ol senis insait long Saina long 1987. Tasol gavman i no laik na ol i rausim em long wok em i bin holim. Orait em i dai long 15 Epril long dispela yia. Na bihain long indai bilong em, ol studen insait long knatri i stat long mekim ol bikipela protes



**KUALA LUMPA - Malesia:** Nupela king bilong Malesia nau em Sultan Azlan Muhibuddin Shah. Em bai holim wok bilong king inap long 5-pela yia. Dispela poto i soim em i raun wantaim Praim Minista bilong Malesia Mahathir Mohamad (raithan).

## Gol kaving i karamapim pes

WANPELA lain Amerika husat i save mekim wok bilong painim ol samtng bilong bipo long hap bilong Ijip, i tokaut pinis olsem ol i painim wanpela bodi bilong meri na i gat wanpela gol kaving i karamapim ol pes bilong meri ya.


Profesa C. Wilfred Griggs bilong Brigham Young Yuni-vesiti i tok lain bilong em i bin painim dispela samtng long 20 Februari.

Profesa Griggs na lain bilong em i bin painim bodi bilong dispela meri long wanpela mamat.

Ol save man i bilip dispela bodi i bilong yia 100BC samtng.



**GAZA STRIP - Isrel:** Dispela liklik manki Palestain i krai nogut tru long taim ol soldia bilong Isreal i karim em i go. Tasol bihain ol i rausim em na givim em bek long mama bilong em.



**EDINBRA - Skotlan:** Dispela poto i soim liklik bebi gorila ya nem bilong em i Secondi. Em i namba wan pikinini wanpela mama Gorila i karim long hap bilong Skotlan.



**PENSILVANIA - Amerika:** Nogut yu ting i gat kain pilai olsem long PNG tasol. Dispela poto i soim wanpela bilong ol dispela kain laki loto masin we praismani i wok long surik i go antap na kamap pinis long mak bilong moa long K100 milien.



**MANIKGANJ - Banglades:** Bikipela win tru ol i kolim tonedo i bin kamapim bikipela birua tru long planti ples long Banglades. Na moa long 400 pipel i dai pinis na planti blong ol i lus yet. Ripot i tok tu olsem win i bagarapim moa long 30 ples. Poto i soim meri ya i sindaun krai long bodi bilong mama bilong em i

# Ol Studen baim ful pe long PMV

Dia Edita,  
Mi wanpela manki bilong Pangia tasol nau mi stap long Rari Haikul insait long Satem Hailans. Wari bilong mi long ol PMV draiva i save kisim mani nating long ol studen.  
Ol draiva i save abrusim mak na kisim moa mani. Osem na dispela i no stret tru. Mi ting dis-

pela pasin i no stet. Mipela ol sumatin i no save wokmani. Olsem na ol draiva i mas kisim mani long mak bilong em. Maski long kisim K2 o K3 moa.  
Mi askim gavman long stretim dispela hevi. Olsem na mipela ol pipe studen i ken baim hap mani tasol. Hau dispela kain pasin i kamap na stilim mani long ol.

Pe bilong PMV long Mendi Tari em. Olsem na ol studen i mas-baim hap pe. Em i min olsem mipela ol studen i mas baim K4 tasol na i no K8. Em tasol liklik wari bilong mi.  
**Korowa Dick, Maia Mari, Tari High skul, P O. Box 18, Tari, Saten Hailans.**

# Kampani mas givim yunifom

Dia Edita,  
Mi wanpela manki i wok wantaim kampani long Tari. Mi laik kampani i mas givim mipela ol wokman ol yunifom, ovarol na su. Na tu pe bilong mipela i no go antap liklik.  
Mipela i laikim bai pe bilong mipela i go antap long K81. Bikos mipela i save kisim dispela wankain pe

taim mipela wok wantaim kampani long Hagen i kam inap nau. Dispela i no gutpela tumas.  
Leba dipatmen tu i mas sekim kampani long pe bilong mipela. Mipela i wok long brukim bun i go yet. Na wanem taim bai mipela i kisim gutpela helpim i kam long kampani? Klostu bai mipela i lapun nau.

Mi laikim bai mipela ol wokman i yusim yunifom, ovarol na su. Mipela i laikim su bilong karamapim lek, ovarol long karamapim mipela long kol na yunifom long soim olsem mipela em ol sevisman.  
**David Iriabu, Wabia Plis Stesen, P.O. Box 10, Tari, SHP.**

# Watpo larim ol refuji i stap?

Dia Edita,  
Mi wanpela manki Last Wiru bilong Pangia tasol mi stap long Tari haikul.  
Mi laik autim wari bilong mi i go long Praim Minista.  
Mi no amamas long taim em i tok long larim ol refuji bilong Irian Jaya long kamap sitisen bilong Papua Niugini.

# I gat as bilong ol takis

Dia Edita,  
Mi laik bekim pas bilong man ya Jack N.Y bilong Kimbe. Poro ya i bin komplem long takis bilong Provinsal Gavman na lokal gavman long hap em i stap long en.  
Olgeta man na meri long ol taun, viles o setelmen we krismas bilong ol i 18 yia o moa i mas baim takis i go long wanem atoriti i lukautim ol.  
Bilong wanem bai ol i baim takis? Yu stap isi na harim. I gutpela yu sapatim memba na i winim ileksen, tasol bai em i kisim mani we na helpim ol wok developmen?  
Mama gavman, i katim mani i kam pinis tasol dispela mani i no inap long wokim olgeta wok. Olsem na yu mas baim het takis long helpim ol wok i gohet.  
Yu bin tok olsem yu no bilong dispela hap bai yu baim takis, ol asples tasol i mas baim takis.  
Yu i no wanpela king bai ol narapela man na meri i stretim olgeta wok na yu bai i stap o raun na yusim natim pablik toilet, wara saplai, maket yu save baim kaikai long en, ol marasin long haus sik, klinim taun we yu save painim wok long en na baim rent long hap graun yu save stap pasindia long en.  
Yu tok tu olsem provinsal gavman long Wes Nu Briten i mas askim pastaim Saten Hailans gavman sapos yu inap baim takis o nogat.  
Yu tok pinis olsem em i asua bilong yu yet long tusim ples na kam long Kimbe. Yu lukim?  
Saten Hailans gavman i no salim yu long painim wok long olgeta hap. Ol i wetim yu tasol long go bek na wok long graun na helpim ol wok kamap long hap bilong yu.  
Olgeta hap long PNG i gat takis i stap. Maski yu swim long Kimbe i go long Lae, hangamap long ol haiwe trak i go antap long Mendi o Tari, mi sori long yu. Bikos takis bai wet i stap.  
Yu stap klostu long ol planti blok na hap graun bilong gavman tasol gavman i no inap givim nating graun o blok long les man.  
Yu mas yusim het bilong yu na go long rait man orait opis long kisim save long ol blok na hap graun. No ken wetim mama long spunim kaikai i go long maus bilong yu.  
**Madul Wartalai, Dept. of Works, Box 500, Rabaul.**

Sapos Praim Minista i laik wokim dispela orait, em i mas kisim tingting bilong ol pipel pastaim.

Sapos em i no wokim dispela bai kantri i kamap olsem Fiji. Bai Ami i tekova long gavman. Mi ting olsem planti Wes Irian bai i kam stap long Papua Niugini na bai namba bilong ol man long PNG bai i go daun olsem long Fiji.

Em tasol liklik tingting bilong mi. Yu husat brata o susa i laik bekim pas bilong mi rait tasol long Wantok Niuspepa.

**Jack Lenei Tawia, Tari High School, P.O.Box, 18 Tari, SHP.**

# Pasim ples bilong wokabaut

Dia Edita,  
Mi laik autim wari long dispela bris long Eruku long Lae. Mi save lukim planti man i save sindaun na



pasim spes bilong mipela sampela long go kam.

Planti taim mi save lukim na i no stret long tingting bilong mi. Mi laik ol man husat i save sindaun long dispela bris i mas klia long dispela hap.

Yu man yu mas yusim het bilong yu na bihainim lo. Ating yu mi kanaka o wanem samtig? Yumi skul ha kisim save nating tasol no gat gutpeal het na respek bilong yumi.

Dispeal bris i no haus bilong yu o bet bilong yu long sindaun. Yupela i pasim rot bilong ol manmeri na pikinikini long go kam long stua o bas stap.  
Narapela wari bilong

mi em long ol kar i save go kam long Wau Bulolo rot. Ol i pasidia save tromoi pipia nabaut arere long rot na i no gutpela tumas.

Pipia i save sting na smel. Na planti man i save go kam long dispela rot na bai smel i givim ol sik. Sapos yu karim ol pipia i kam yu mas tromoi stret i go daun long wara na i no long sait o arere long rot.

Em tasol wari bilong mi. Sapos yu husat man i laik sapatim o egensim mi rait tasol long Wantok Niuspepa.

**Robert C. Oziga, 10 Mile, Morobe Province.**

# Kundu i bilong PNG

Dia Edita,  
Mi wanpela boi Kabwun long Morobe provins. Tasol nau mi stap long Mosbi na mi raitim dispela pas.  
Mi bin lukim pas biang brata Waku Mobs long Wantok Namba 772. Mi no amamas tumas long dispela pas na mi laik mekim sampela toktok.

Mi lukim long pas bilong yu we yu tok ol Finsafen long Badili i save painim kundu nating. Yu tok olsem yu sem long harim ol kundu i kraik.  
Brata Waku, dispela em i kastam bilong mipela. Ating yu jeles na mekim dispela toktok. Arapela samtig tu i no gat wanpela Finsafen i stap long

Badili. Ol Kabwun tasol i pulap na dispela tototk yu mekim i no tru.  
Mi ken tokim yu stret olsem ating yu mas bilong ovasis kantri na yu mekim dispela kain toktok. Na tu yu les long harim kundu.  
**Dickson Sengi, P.O. Box 4593, BOROKO, NCD.**

# Stail musik ya!

Dia Edita,  
Mi wanpela mangi Simbu i bin go raun pinis long Rabaul. Mi laik bekim pas bilong pren ya, Ambrose Skeipa.  
Pren mi laik tokim yu olsem dispela taun em i bilong ol Tolai na em i wanpela hap bilong PNG i go pas long olgeta kain amamas na ol samtig bilong ol waitman.  
Long Simbu na olgeta hap bilong PNG

mipela i save laikim tru ol musik bilong ol Tolai. "Ol kas mangi....a?"  
Long Rabaul taun tu i gat ol man bilong ol narapela hap long PNG i gat ol bas i wok long raun nabaut i stap.  
Tokim ol i mas putim musik bilong ples bilong ol tu na bai yumi tu kalap long en na harim.  
Mi tokim yu, mi stap long ples bilong mi

long Simbu, tasol mi laik go bek long wanem "Rabauli swit moa moa yet, tasol solwara i katim."  
Pren yu toktok nating tasol sapos yu go bek long Sepik bai yu wari long Rabaul das taun.  
**Gerad Naneso, Kup Community School, Box, 132, Kundiawa, Simbu provins.**

# Pulim yu yet go bek long ples

Dia Edita,  
Mi wanpela manki bilong Surinki long hap bilong Enga tasol nau mi stap long hap bilong Arawa insait long Not Solomons provins.  
Mi laik egensim pas bilong wantok ya Etata Yolo i bin kamap long Wantok Niuspepa 23 Mas. Het tok bilong pas ya em "Pulm ol Enga i go bek long ples."  
Mi laik askim yu sampela kwesten long dispela pas bilong yu. Yu bilong wanem hap

stret? Na yu stap we na yu raitim dispela pas?  
Brata yu bin tok olsem liklik ples bilong yu em Yambuli long hap bilong Enga. Tasol ples bilong yu Yambuli i bin ranawe i kam daun olgeta long Lae na yu kam stap long Lae o olsem wanem? Watpo yu no laik stap long kol ples Yambuli na wokim sampela wok olsem planim kaikai na kumu?  
Brata ating mobeta yu mas yusim het

bilong yu bipo long yu raitim kain pas olsem i go long niuspepa.  
Bikos yu tok yu bilong ples Yambuli na nau yu stap long Morobe provins. Sapos yu stap long ples na yu raitim dispela pas bai i orait liklik. Tasol yu stap long Lae siti na i no gutpela tumas long mekim kain toktok olsem long daunim poin bilong ol Enga.  
**Mangori Roandi, P.O. Box 481 Arawa**

# Ai pas man nidim helpim

Dia Edita,  
Mi laik autim bikpela wari bilong me. Mi wanpela aipas man. Mi no gat wanpela man i save helpim mi. Na tu mi no gat wanpela mani stret.

Mi laik askim helpim long ol Tarangu Laip Sevis. Ol i ken helpim mi o nogat?  
Adres bilong mi em:  
**Stiven Bebei, Finomu Viles, C-/ CM Utai, Ambanab Sab Distrik, Wes Sepik Provins.**

# Kamapim plis stesin

Dia Edita,  
Mi wanpela grasrut manki bilong Nabak konstituensi insait long Nawae long Morobe provins. Nau mi stap long Bulolo stesin na raitim dispela pas i go long Memba bilong Nawae na Minista bilong bilong Hom Afeas na Yut, Timothy Bonga.  
Mipela ol pipel i bin askim yu long sanapim wanpela plis stesin. Bikos nau i gat kain kain trabel i kamap na bagarapim sindaun bilong ol pipel.  
Dispela em wanpela bikpela wari tru bilong ol pipel insait long Nawae Iektoret.  
**Koyonu Kayonggau P.O. Box 190 Bulolo MP**





**YOU WILL KNOW  
ITS GRIP**



**WHEN YOU SEE ONE!**



Seen an eighteen wheeler or those huge logging trucks ? Imagine the reliability and their performance if each wheel had one of these tyres. For all logging and off-the-road Hauling.

# Timber King

**FOR POSITIVE TRACTION AND SUPERIOR STRENGTH!**



**INCREASED IMPACT RESISTANCE**  
With a casing of high grade nylon the Timber King resists the destructive effect of heat, resulting in increased impact resistance to heat buildup. Giving you a tyre designed for superior strength and long wear.

**EXCELLENT RETREADABILITY**  
The Timber King has tread compounds made with a combination of tough, cut-resisting rubbers. This helps to minimize wear on the road and chipping off the road. That's why it gives excellent retreadability.

**SUPERIOR LATERAL AND FORWARD TRACTION**  
The massive Chevron pattern of the Timber King truck tyre allows good self-cleaning-keeping stones and other materials from lodging in the tread-for positive full-time traction. Hence side slips on and off the road can be avoided.

**HIGH LUG-TEARING RESISTANCE**  
Even in the most punishing conditions, the Timber King truck tyre offers high lug-tearing resistance. Made possible by its sharply angled lugs and deep contoured tread grooves.

**GOODYEAR**  
The greatest name in tyres

Also see the complete line of quality truck tyres by GOODYEAR

**BOROKO MOTORS TYRE CENTRES:**

- PORT MORESBY Ph: 25 5255
- LAE Ph: 42 1144
- ARAWA Ph: 95 1565
- POPONDETTA Ph: 29 7175
- MT HAGEN Ph: 52 1715
- MADANG Ph: 82 2433
- RABAUL Ph: 92 2777
- KIMBE Ph: 93 5540

# Ol kaunsil i wok tru

**Dia Edita,**  
Mi laik sapotim pas bilong brata John Kaiyo na Albert Seato. Tupela i bin egensim tingting bilong nupela Sandaun Provinsal Gavman long rausim Lokal Gavman Kaunsil.  
Mi tu mi no amamas long tingting bilong gavman long pinisim wok bilong Lokal Gavman Kaunsil. Dispela tingting no wanpela stretpela tingting.  
Gavman i mas luk-

save olsem bipo taim mipela i no kisim provinsal gavman yet, lokal gavman kaunsil i bin wok strong tru wantaim nesenel gavman. Tasol provinsal gavman i kamap na laik rausim lokal gavman kaunsil.  
Mi gat wanpela askim long dispela. Sapos gavman i pinisim lokal gavman kaunsil, inap gavman i salim olgeta provinsal memba i raun long olgeta ples insait long wan wan konstituensi long kisim wari bilong

ol pipel?  
Lokal gavman kaunsil tasol i save mekim olsem. Na mi no ting provinsal gavman inap long bihainim dispela.  
Sapos provinsal gavman inap long mekim olsem orait em i ken rausim lokal gavman kaunsil.  
Em tasol liklik sapot bilong mi.  
Benedict Aquire,  
Aitape West Association President,  
P.O. Box 1358,  
Port Moresby.



**Salim pas i kam long:**

**WANTOK NIUSPEPA P.O. BOX 1982 BOROKO**

# Asua bilong papamama

**Dia Edita,**  
Mi wanpela manki bilong ples Bairap long Yangkok Sab Distrik bilong Wes Sepik provins. Tasol nau mi kam stap long Wau insait long Morobe Provins.  
Mi laik toktok long ol raskol pasin i kamap bikpela nau insait long ol taun na sidi bilong PNG.  
Mi bin lukim wanpela bikpela raskol pasin long ai bilong mi stret.  
Sampela raskol manki i hensapim na

kilim wanpela manki Finsafen. Dispela trabel i bin kamap long Wau long stat bilong dispela yia.  
Olsem na askim bilong mi i go nau long Nesenel Gavman. Ating yupela i mas lukluk gut long ol dispela raskol pasin i kamapim sampela strongpela lo, kaupusim ol papamama bilong ol pikinini husati kamap raskol. Bikos pikinini i kamap raskol long asua bilong papamama. Long wanem ol

dispela papamama i no save skulim gut ol pikinini bilong ol.  
Sapos Gavman i mekim olsem bai ol papamama i pret na skulim gut pikinini bilong ol. Na dispela bai i helpim long stapim ol raskol pasin insait long kantri.  
Em tasol toktok bilong mi.  
Thomson Morei,  
Wau Community School,  
P.O. Box 82,  
WAU,  
Morobe Provinces.

# Senisim progrem bilong soka

**Dia Edita,**  
Mi laik autim liklik wari bilong mi long sait bilong ol soka sapotim long Arawa. Dispela kain pasin ol bikman bilong Arawa Soka Asosiesen i mekim long skelim ol gem no gutpela tumas.  
Ol i no save miksim ol divisen olsem sampela arapela senta i save wokim we bai i gat gem bilong olgeta divisen long Sarere na Sande. Wokim olsem 4 prima, 4 namba wan na 4 namba tu na U'19 divisen long pilai long Sarere na Sande wantaim.  
Tasol pasin nau ol i wokim em i no gutpela long wanpela divisen i pilai long Sarere na narapela long Sande. Em i no gutpela tumas long ai bilong ol sapota long lukim. Ol sapota laik lukim sampela gutpela pilai long Sarere. Inap yupela ol bikman bilong Arawa Soka

Asosiesen i sensisim dispela progrem bilong yupela.  
Na tu ol referi mas kamap long taim stret na statim pilai. Hia long Arawa ol referi i save laik referim gem bilong primia tim tasol. Mi laik askim ol bilong wanem?  
Mipela olgeta divisen i baim asosiesen wan kain mani tasol. Kamap kwik long taim na statim pilai.  
Max Bilex  
P.O.Box 5, Arawa

# Salim ol dropaut long teknikel skul

**Dia Edita,**  
Mi wanpela manki bilong Enga tasol nau

mi stap long Kieta. Mi ken tok olsem Enga em i wanpela

lus tingting provins insait long PNG. Tasol ating bikman antap i

bin marimari na kamapim dispela bikpela Pogera Gol Main insait long provins.  
Em i gutpela sans stret bilong ol yangpela skul dropaut insait long provins nau. Bikos nau yet ol dropaut i save stap nating na mekim planti raskol pasin long taun na long ol ples wantaim.  
PJV Kampani bai i go pas long kisim gol long dispela main. Olsem na askim bilong mi i go olsem.  
Inap long provinsal gavman wantaim PJV Kampani i kisim ol dropaut studen na salim ol long teknikel

skul? Ol i ken kam bek na wok long dipela bikpela gol main.  
Mi lukim olsem dispela progrem tasol i ken helpim long stapim ol bikpela raskol pasin i kamap nau insait long provins.  
Na tu dispela i ken helpim ol papa graun wantaim ol pipel insait long provins long kisim gutpela bekim long dispela developmen.  
Em tasol wari bilong mi.  
Elias Lemben,  
P.O. Box 96,  
Kieta-NSP.



# Giamanim ol grasrut

**Dia Edita,**  
Mi wanpela grasrut manki bilong Lae tasol nau mi stap long Madang. Mi laik autim wari bilong mi long wanpela pasin i no stret tumas long ai bilong mi.  
Yumi save olsem ol grasrut pipel i save painim taim tru long kamapim gutpela sindaun insait long taun.  
Olsem na mipela i save kamapim ol liklik bisnis nabaut olsem bilong katim gras.  
Mipela i save go katim gras long haus bilong ol arapela man. Na ol i save baim mipela. Dispela i no bikpela mani tumas. Tasol inap long baim liklik samting em mipela i laikim.  
Tasol sampela man i no save baim mipela gut. Ol i save giamanim mipela long katim gras na tok bai ol i baim mipela long Fraide taim ol i kisim pe.  
Mipela kamap long Fraide bai ol i tok sori tumas kam bek long tumora na kisim pe. Ol i save giamanim mipela i go i kam olsem ol pik na dok bilong ol.  
Dispela pasin i no gutpela tumas. Yupela i askim mipela long katim gras na mipela i mekim. Olsem na yupela i mas baim hatwok bilong mipela.  
Em tasol wari bilong mi. Yu husat man o meri i lukim dispela pas na laik bekim orait rait tasol long Wantok Niuspepa bai mi lukim.  
Daerus Bonny,  
P.O. Box 69,  
MADANG.

manim mipela long katim gras na tok bai ol i baim mipela long Fraide taim ol i kisim pe.  
Mipela kamap long Fraide bai ol i tok sori tumas kam bek long tumora na kisim pe. Ol i save giamanim mipela i go i kam olsem ol pik na dok bilong ol.  
Dispela pasin i no gutpela tumas. Yupela i askim mipela long katim gras na mipela i mekim. Olsem na yupela i mas baim hatwok bilong mipela.  
Em tasol wari bilong mi. Yu husat man o meri i lukim dispela pas na laik bekim orait rait tasol long Wantok Niuspepa bai mi lukim.  
Daerus Bonny,  
P.O. Box 69,  
MADANG.

# Ol stail musik ya

**Dia Edita,**  
Mi wanpela manki bilong Rabaul insait long Is Nu Briten provins. Tasol nau mi stap long Arawa insait long Not Solomon provins.  
Mi laik bekim pas bilong ol man na meri husat i save jeles long musik bilong mipela ol Tolai. Na tu long ol ka em mipela i save stailim.  
Las yia long Kimbe, ol i bin komplem long ol Tolai i stailim ka.  
Na long Wantok Namba 772, wanpela man gen i kros long musik bilong mipela.  
Brata, ating yu westim taim bilong yu long rait i kam long Wantok Niuspepa ya. Sapos yu kalap long bas na les long harim draiva i pilaim Tolai musik orait, mobeta yu askim draiva long wanem kain kaset yu laikim. Na

draiva i ken pilaim long yu.  
Askim bilong mipela i go olsem. Bilong wanem na mipela ol Tolai i save laikim musik bilong "Ararua Ben"? Mipela i no save toktok olsem long musik bilong yupela.  
Ating i gutpela sapos yupela ol dispela man o meri i mekim wanpela solo kaset bilong yupela yet. Na yupela i ken singsing long tokples bilong yupela tasol na harim.  
Brata, ating yu les tru long kros ya. Bai yu mekim wanem bikos yu stap long ples bilong mipela ol Tolai ya.  
Lucas Rooia,  
P.O. Box 661,  
Arawa-NSP,  
PH: 95-1081

# Senisim gavman

**Dia Edita,**  
Mi no lukim wanpela senisim liklik dispela gavman i wokim. Ol plisman i kam long stapim wanpela trabel. Tasol ol i no bin wokim wanpela samting.  
Ol i lukim wanpela man i dai i stap na ol i pret na ranawe. Na yupela i ranawe bai husat i stapim dispela trabel?  
Olsem na mi laikim nupela gavman long senisim gavman bilong Namaliu.  
David Bang  
Bunom-Wo Banz,  
W.H.P.

# Bihainim lo bilong siti

**Dia Edita,**  
Mi wanpela meri Sepik na mi laik bekim pas bilong brata ya, Sko Boko. Sko i tok long ol plis na ol siti kaunsil i no save wok gut.  
Brata mi no meri o susa bilong wanpela plisman. Tasol yu na mi yumi mas save olsem yumi olgeta i no save wokim stretpela samting tasol. Yumi olgeta i save mekim asua.  
Brata mi bin raun long Mosbi na Lae na mi save lukim olsem ol siti kaunsil save wokhat tru long klinim siti.  
Brata mi laik askim yu olsem, sapos yu lukautim haus bilong wanpela bikman, em bai yu lukim olsem i mas klin olgeta taim. Na sapos wanpela man i

kam na wokim pipia, bai em i kros o nogat?  
Mi laik tokim yu stret olsem mi yet mi bin lukim olsem ol wantok bilong yu i no save harim tok. hamas taim ol plisman o siti kaunsil i stapim ol long wokim dispela samting. Ating het bilong ol olsem ston olsem na ol i no save harim tok liklik.  
Brata, sapos ol wantok bilong yu no gat mani long stap long siti tokim ol long go bek long ples.  
Narapela samting yu mas save olsem plis i stap long helpim yu mi na kantri wantaim. Na i no gutpela long yu daunim ol narapela brata.  
Tina Boiboi  
Hawihuan Nien Negrie  
Box 8, Yangoru. Wewak, ESP.

# Pret long 24 aua stua

**Dia Edita,**  
Mi wanpela man i save laik ridim Wantok Niuspepa olgeta taim. Olsem na mi laik autim liklik wari bilong mi. Nau mi stap long Mosbi.  
Sampela taim long nait mi save go long ol 24 aua stua na mi save lukim planti man i stap long ai bilong stua. Sampela bilong ol i spak na sampela i luk olsem ol raskol. Na dispela i save wokim ol manmeri pret nogut tru long go long ol dispela kain ples olsem.  
Mi ting i no mi tasol. Planti man tu i mas pret taim ol i lukim ol dispela ol kain man i stap long ai bilong ol stua.  
Olsem na mi laik tokim ol man i

save ranim ol 24 aua stua. No ken larim ol dispela kain man i stap na wokim planti nois long eria bilong yu.  
Ol pipel i save laik baim samting long nait tasol taim ol i lukim dispela kain ol man ol i save pret. Yu laik wokim profit na yu wokim stua. Na sapos yu larim ol dispela kain man i stap, bai mi tokim yu stret, yu no inap wokim wanpela profit.  
As bilong raitim dispela pas em olsem. Sampela taim trabel i save kamap long ol dispela kain ples.  
Genito Botu,  
East Boroko,  
P.O.Box, 4523, Boroko, NCD.

# Laina amamas long Namaliu

PRIMIA bilong Enga i amamas long gavman bilong Praim Minista Rabbie Namaliu long strong long stretim ol tok-tok namel long gavman na Porgera Gold Main.

Mista Laina i tokaut olsem em i amamas bikos provinsal gavman, nesanel gavman, papa bilong graun na tu kampani i mas stretim olgeta toktok pastaim na bihain statim wok.

Sapos ol toktok i no stret, dispela i ken kamapim bikipela belhevi. Em i no laikim wankain hevi i kamap long Bougainvil i kam long Porgera Gol Main.


Praim Minista i mekim bikipela wok tru. Em i bungim tupela sait wantaim na sainim agrimen.

Primia Laina i mekim dispela toktok long ol pipel husat i kamap long tok amamas long em bihain long ol toktok i pinis long Mosbi.

Dispela em i namba wan taim. Ol gavman i bung na stretim ol hevi. Ol i bihainim tru pasin PNG o Melanesien stret long pinisim ol hevi.

Em i tok i gutpela i mas gat planti toktok pastaim orait ol i ken sainim agrimen. Na ol i no ken wansait na sainim agrimen long laik bilong ol yet.

Mista Laina i tokim gavman bilong Namaliu olsem ol pipel bilong em i no inap



• Namaliu

• Laina

kamapim dispela hevi moa. Bikos olgeta tok-tok i stret na ol pipel bilong Enga i save olsem dispela Gol Main em bilong ol tu.

# Laina laikim nupela sekreteri

PRIMIA bilong Enga provins, Ned Laina i no amamas tumas long gavman i kisim longpela taim long makim nupela sekerteri bilong Enga provins.

Em i tok gavman bilong em i skelim wok bilong Luke Kembol na painimaut olsem em i no gutpela tumas. Em i slek na i no save karimaut ol wok bilong provinsal gavman.


Mista Laina i tok olgeta toktok i orait pinis. Tasol dispela ol toktok i no stap insait long gavman gaset (buk bilong gavman) yet.

Olgeta toktok na

wok bilong bikipela Porgera Main i klostu pinis nau. Olsem na gavman i mas makim kwik wanpela man long kam kisim ples. Dispela i ken helpim provinsal gavman long traim stretim ol wok long provins.

Primia i tok olgeta wok bilong provins i slo tru. Bikos i no gat wanpela gutpela lida long mekim ol dispela wok. Dispela tu i daunim ol wok bilong pablik sevans insait long provins.

Praim Minista na Dipatmen bilong em i no ken harim ol giaman toktok bilong ol politik na pulim dispela toktok i go long-



• Kanawi

pela taim.

Nau gavman bilong Enga provins i luk-save olsem Michael Puio i olsem nupela sekerteri bilong provins. Mista Wep Kanawi i mas hariap long stretim ol toktok. Ol i no amamas pulim dispela toktok i go longpela taim.

**Long stopim ol binatang i save kaikaim yu i no ken kam klostu long yu.**

# SPREIM YU YET... I NO OL!


Aerogard i **no** bilong kilim dai ol binatang...tasol taim yu spreim long skin bilong yu bai ol i no ken kam klostu long yu...na lukautim yu long ol binatang long kaikai yu.

**No ken spreim Aerogard nambaut o long ol binatang, ...spreim long long yu yet!**



## IGAT TUPELA KAIN AEROGARD, SPRAY NA LOUSEN

Lousen em i gutpela long ol liklik bebi na pikinini bilong wanem yu ken putim long hap yu laikim. Na i wok olsem marasin tu long pinisim mak bilong ol binatang i stap pinis long skin.



# AEROGARD

Lukautim yu long ol binatang, malaria na ol narapela sik nogut.

## Ol Kerowagi singaut long K200,000 kompensesen

OL LAIN pipel bilong Kerowagi bai pasim hap bilong Hailans Haiwe. Nau ol i wetim K200,000 na 100 pik long ol lain bilong Westen Hailans bihain long indai bilong wanpela man.

Memba bilong Lowa Korongle na Minister bilong Komes/Bisins Developmen Guma Wau i tok ol pipel

bilong Kerowagi i no amamas tumas. Ol i save olsem 4-pela pipel bilong Kerowagi i bin dai long han bilong ol Hagen na i no gat kompensesen.

Minista i tokaut olsem man husat i dai nau tasol em Goire Andan. Em i gat 21 krismas na em i bilong ples Ganigle.

Em i wanpela man bilong baim kopi long dispela eria long Kerowagi.

### CALLING ALL BANDS

Mipela salim samting bilong Musik...

Emplifaia  
Spika  
Miksa  
Dram  
Kibod

Maut Ogen  
let bilong Gita  
Skin bilong Dram  
Ol Songbuk na Kodbuk  
Mekim pairap bilong gita nating olsem pawa gita wantaim pick-up bilong gita.  
K33.50 tasol.

Bateri Emplifaia bilong Gita LID na BEIS K140.00 tasol Post Nating.

Rook's Radio, P.O. Box 191,  
Lae. P.N.G. Telefon: 424616

# Charles Ledger-man husat i givim kinin long wol

YUMI ol pipel bilong Papua Niugini i klia long marasin ya kinin. Bikos em i marasin bilong sik malaria na taim man i gat dispela sik na go long haus sik, em i save kisim dispela marasin.

Ol i wokim marasin ya long skin bilong diwai kinkona (*chinchona*) na dispela diwai em i wanpela diwai bilong Saut Amerika. Bipo i no gat diwai ya i gro long ol arapela kantri long wol. Na ol kantri long Saut Amerika i bin putim bikpela tambu tru long ol pipel i karim diwai ya i go aut long ol arapela kantri.

Na kinin i kam kamap long ol arapela hap bilong wol olsem wanem? Sampela stori i tok meri bilong bikman bilong Spen nem bilong em Kautes Chinchon i bin sik nogut tru long 1638 na ol i givim em paura ol i wokim long skin bilong diwai kinkona. Na long taim em i orait, em i luksave olsem dispela

dwai inap long helpim ol arapela man-meri husat i kisim sik malaria. Na em i karim dispela diwai i go long ol arapela hap bilong Saut Amerika na long Spen.

Tasol i gat buk i kamap nau we i stori long man tru husat i bin karim diwai kinkona i kam long ol arapela kantri long wol. Dispela man nem bilong em i Charles Ledger. Na Dokta Gabriele Gramiccia i raitim dispela buk we i stori long bikpela hatwok em man ya Charles Ledger i bin mekim.

Charles Ledger em i bilong kantri Ingran. Mama i bin karim em long yia 1818. Na long taim em i bin gat 18 krismas em i lusim Ingran na i go wok long Peru long Saut Amerika. Em i wok wantaim wanpela kampani bilong Ingran long Peru na em i lainim gut tru tokples Spen na tokples bilong ol lain India asples. Long dispela taim Peru i bin stap aninit long gavman bilong Spen.

Ledger i gat wanpela gutpela pren tru

husat i wanpela asples India bilong Bovia. Nem bilong man ya em Manuel Incra Mamani. Mamani i save gut tru long 29 kain kain diwai kinkona. Na em wantaim Ledger i wok long bikbus raun long hap bilong Andes. Ol i laik painim diwai em inap long kamapim moa kinin.

Long taim bilong wokim kinin ol i save kisim ol skin bilong diwai kinkona na draim. Orait bihain ol i bruim liklik na miksim wantaim wara na ol i draim gen. Orait em i kamap olsem paura. Na taim man i sik bai em i ken miksim paura gen wantaim wara na dringim.

Ledger i gat plen bilong bungim ol sid bilong kinkona diwai na karim ol i go long ol arapela kantri i stap aninit long gavman bilong Ingran. Na bai em i salim long ol na ol i wokim plantasin na planim ol dispela marasin diwai.

Tasol i gat bikpela tambu tru long ol ausait man i mekim olsem. Na gutpela pren bilong Ledger, Manuel i bin helpim em. Gavman bilong Bolivia i painimaut long dispela na ol i kalabusim Manuel. Long taim em i stap long kalabus ol i paitim em nogut tru bikos em i no laik tokaut olsem em i helpim man ya Charles Ledger. Em i kisim bikpela bagarap na em i dai.


Hatwok bilong Ledger i lus nating bikos gavman bilong Ingran i no gat laik long kamapim kinkona plantasin. tasol ol lain bilong Holan i laikim na Ledger i salim long ol. Orait ol i karim ol dispela sid i kam na planim long ol plantasin long hap bilong Java long Indonesia na ol arapela kantri long wol. Long dispela taim Indonesia i bin stap aninit long gavman bilong Holan.

Gavman bilong Holan i no bin givim bikpela mani tumas long Ledger. Ol i bin givim em 100 paun tasol. Na bihain, bilong taim Ledger i bin gat 78 krismas ol i givim em 100 paun pensen mani long wan yia inap long taim em i dai.

Ol dispela sid em Charles Ledger i bin stilim long kantri Bolivia i bin strongim gen bisnis bilong groim kinkona diwai. Bikos dispela nupela kain kinkona diwai bilong Bolivia i save kamapim moa kinin marasin.

Long yia 1881 ol i givim nem *Chinchona ledgeriana* long dispela kain kinkona diwai em Charles Ledger i bin karim i kam long Bolivia.

Long taim bilong Namba tu Wol Woa, long taim ol soldia bilong Japan i kisim Filipins, ol Amerika i bin karim ol sid bilong diwai kinkona tu na ranawe long tripela balus. Ol Japan i bin sutim tupela balus ya i go daun na wanpela tasol i bin go kamap gut. Ol i kisim dis-



• Nupela memorial ston long matmat bilong Charles Ledger.

pela sit bilong *Chinchona ledgeriana* i go bek long Saut Amerika na groim long ol plantasin. Ol i nidim marasin ya long helpim ol soldia husat i pait long ol ples we i gat sik malaria.


Charles Ledger i bin go bek long Saut Amerika na em i traim gen long kisim wanpela enimal we i gat tambu tu long en i kam long Australia. Nem bilong dispela enimal em lama (llama). Em i gat naispela gras tru na ol pipel i save yusim long wokim ol klos bilong putim long kol ples.

Ledger i bin hatwok tru long hait long ol ples maunten na karim ol dispela lama i go kamap long nambis bilong Chili. Em i putim ol long sip na karim ol i go kamap long Australia. Tasol tarangu hatwok bilong em i lus nating gen bikos gavman bilong Australia i tok ol i laikim ol sipsip tasol na maski long lama.

Long taim Charles Ledger i bin dai long Australia long yia 1905, em i bin wanpela rabis man tru. Em i bin gat 87 krismas long dispela taim. Matmat bilong em i stap long Rokwud Methodis Semetri long Sidni, Australia.

Dokta Gramiccia i painimaut long matmat bilong Ledger na em i askim wanpela bikpela marasin kampani bilong Holan, ACF Chemiefarma na ol i givim mani. Orait em i sanapim nupela memorial ston long matmat bilong Charles Ledger.

Na aninit long nem bilong Charles Ledger em i raitim hap tok ya, "He gave quinine to the world." long Tok Pisin bai yumi tok, "Em i givim kinin long wol."



• Piksa bilong diwai chinchona. Ol i save wokim marasin kinin long skin bilong em.

## Anam i givim ona long God long han bilong em

i kam long pes 5

rlinger i tok orait na David i sapim wanpela angelo i holim stik bilong kendel long tupela han bilong em. Bihain long dispela, laik bilong David i strong tru long sapim ol kain kaving olsem bilong bilasim sios.

Long taim Namba tu Wol Woa i kamap, wanpela misneri i bin askim David long kamap pasto bilong sios. Tasol David i tok

em i laik stap man nating na mekim wok bilong sios. Long 1940 em i wok wantaim misneri Bar long Logaweng inap sios i singautim em long go tisa long ples Samasam. Long taim em i go long Samasam em i bung wantaim ol arapela pipel na kirapim wanpela skol.

Long taim woa i bin kamap na ol pipel i ranawe i go hait long bus, David salim pas long ol arapela tisa na tokim ol olsem ol i no mas givap long wok

bilong ol. Olgeta yet i pasim tok long strong long wok bilong ol. Em i save raun insait long bus tu na lukim ol.

Wanpela de taim em i raun i go na ol lain soldia bilong Japan i bin holim em na tokim em long kkarim ol kago bilong ol. Ol soldia i putim planti kago tumas long bak-sait bilong na em i pundaun. Orait wanpela soldia i kirap paitim soldia bun bilong em long as bilong raifel.

David i spetim blut tasol em i mas kairm ol kago na bihbaim ol. Long taim ol i kamap long wara Busene long hap bilong Bukausip, em i hait tasol na ranawe i go bek long ples.

Bihain long woa, i bin gat planti ol haus em ol ami i bin sanapim pinis. Ol i yusim ol dispela samting long sanapim gen ol haus long stesin. Na David i stat long wok tisa gen. Long 1954, David na ol arapela pipel bilong ples i

stat long stretim gen haus lotu long Nagasegalatu bikos long taim bilong woa dispela haus lotu i bin bagarap.

Long 1957 ol i opim haus lotu. Na long nait pikinini meri bilong David i sik nogut tru. Long samting olsem 3 klok bikmoning ru ol i no inap helpim em moa na em i dai. Ol pren na pipel i kam long haus bilong em long tok sori long taim ol i kisim toksave. Wanpela bilong ol em

Dokta Kuder na em i tok, "long dispela de ol Jabem i givim ofa na ofa bilongni."

Long 1958 i go inap 1960, David Anam i wanpela at tisa long Bumayong Haiskul long Lae. Orait em i go bek long Finsafen na helpim Pastor Nae-man.

I gat wanpela bun i stori long laip bilong David Anam. Nem bilong dispela bun ya em David Anam. Na em i bi tok, "Mi yet i

laikim tru wok tisa. Na mi no ting wanpela rapela wok i winim wok bilong tisa."

Tude David i lapun tru na strong bilong em i pinis nau. Na long 7 Epril long dispela yia em i iwnim 80 krismas. David na meri bilong em Tai-waluo i gat 7-pela pikinini husat i stap laip yet. a 4-pela tumbuna.

Na ol dispea 4-pela tumbuna i gat 32 pikinini.

## Kisim Imunaisesen sut

### Ol pikinini bilong yumi i wok long dai

WATPO na ol pikinini i wok long dai? Watpo na ol pikinini i wok long kisim o dai yet long ol dispela birua sik, misels, huping kof, dipteria, tetanes na pigbel? Watpo na sik polio i bagaraim lek bilong ol na TB i bagarapim bodi bilong ol? Watop na olgeta yia, 3-pela pikinini long PNG i save dai long wan de? Na watpo ol dispela sik i save kilim 5 milion pikinini long wol long wan yia? Insait long PNG *Helt Nius* bai yumi painim ansa bilong ol dispela askim na helpim long stapim dispela hevi. Namba wan wik em long luksave long as bilong ol dispela hevi. Sapos man i luksave long as bilong hevi orait, bai em inap long stapim ol dispela sik nogut.

Wan wan sik i gat as bilong en.

#### Bodi Bagarap

Long taim mama i karim pikinini, sampela bilong ol i save kamap nogut wanpela hap bilong bodi i bagarap, o ai o lewa bilong pikinini i gat sik. Pikinini kamap olsem bikos asua i kamap long taim bebi i wok long gro yet long bel bilong mama.

Ol arapela sik olsem kensa bilong maus o lang i save kamap sapos man i smok tumas o kaikai buai tumas. Yumi yet i mekim na yumi painim ol dispela sik.

Tasol ol sik i save mekim planti bikipela manmeri i sik na i save kilim planti bebi tru em ol dispela sik yumi kisim long ol arapela man. Ol dokta i kolim ol dispela kain sik, komyunikebel disis bikos sik i save kalap long wanpela man i go long narapela.

#### I gat as

Wan wan bilong ol dispela komyunikebel sik i gat as bilong en yet. I gat ol liklik binatang tru ol i kolim jem i save

kamapim sik. Man i no inap long lukim ol dispela binatang. Yumi mas yusim masin ol i kolim maikroskop long lukim ol dispela jem.

I gat kain kain jem. Sampela i save kamapim poisin bilong kus nogut olsem huping kof. Poisin bilong ol arapela jem i save bagarapim ol masel long bodi na kamapim kain sik olsem polio. Ol jem i gat rot bilong ol yet long go insait long bodi bilong man na kisim ples.

#### Long Bodi

Jem bilong malaria i go insait long bodi bilong man long taim ol natnat i kaikaim yumi. Jem bilong gonoria, sifilis na AIDS i go insait long bodi bilong yumi sapos yumi slip wantaim man o meri husat i gat dispela sik.

Jem bilong sik misels, huping kof, TB, dipteria i ken go insait long bodi bilong man sapos arapela man husat i gat dispela sik i kus na gutpela man i pulim win wantaim ol jem ya.

Jem bilong sik tetanes i save stap long graun o long pekpek bilong ol enimal. Na long taim yumi katim skin bilong yumi, dispela jem i ken go insait long bodi, o long taim mama i karim nupela bebi na ol i katim rop bilong pikinini long doti naip, dispela jem i ken go insait long bodi.

#### Doti wara

Jem i save kamapim sik polio i save stap long doti wara na i save gro insait long bodi sapos yumi dringim dispela wara. Na jem bilong sik pigbel i save kamapim sik long taim man i kaikaim mit bilong pig i no tan gut.

#### Save i soim rot

Em i isi tru long jem i kalap long bodi bilong wanpela man i go long narapela. Sampela taim jem i stap long bodi bilong man tasol man i no pilim sik. Na long taim em i raun i go toktok o kaikai o dring o slip wantaim narapela man, bai jem nogut i kalap i go. Jem bilong sik misels inap stap long bodi bilong wanpela pikinini moa long tu wik bipo pikinini i sik.

#### Bodi i pait

Long taim ol dispela jem i go insait long bodi bilong yumi, bai bodi i pait long kilim ol. Tasol sapos taim i sot, bai ol dispela jem nogut i win na yumi sik. Laki tru na bodi i luksave pinis long ol dispela jem nogut olsem na neks taim bai bodi i redi tasol long autim ol...em sapos dispela sik i no kilim yumi...Olsem na ol sik olsem polio na misels i save kamap wanpela taim tasol long yumi.

Ol dokta i mekim bikipela wok tru long painimaut olsem wanem bodi bilong yumi i save kilim ol dispela jem nogut. Na ol i save pinis long wokim ol marasin em bodi bilong yumi i ting i wanpela sik nogut.

Marasin ya i no inap long mekim yumi i sik tru. Ol pikinini husat i kisim dispela kain marasin i save pilim sik liklik. Tasol long taim ol jem bilong ol sik nogut i go insait long bodi bilong yumi, bai bodi i redi pinis long kilim ol dispela jem.

Dispela sut bilong kamapim strongpela banis long bodi bilong yumi em ol i kolim - imunaisesen. Bodi bilong yumi i ting olsem ol jem nogut i go insait na bodi i

redi pinis long kilim ol dispela jem.

Sampela taim man i ken kisim wanpela sut tasol long kamapim dispela banis bilong bodi - sut bilong stapim sik misels em wanpela bilong ol. Tasol sampela taim man i mas kisim sut tripela taim bipo long bodi i ken sanapim strongpela banis. (lukim pes 4 bilong Helt Nius).

#### Imunaisesen

Imunaisesen o sut bilong kamapim strongpela banis long bodi, em i wanpela gutpela rot tru man i painim long helpim lap. Na dispela rot i sevim laip bilong planti milion manmeri long wol. Sut ol i givim long stapim sik smolpoks i pinisim dispela sik nogut long wol tude.

Tasol sapos em i isi tru long kisim ol dispela sut, watpo na ol pikinini i wok long dai yet? Wanpela as em bikos planti pipel i no save yet olsem ol dispela sik i birua bilong man na nau i gat rot long stapim ol dispela sik. Na narapela as bilong dispela hevi em bikos yumi i no painim gutpela rot yet long kisim ol dispela sut i go long olgeta ples insait long kantri.

Sampela taim ol papamama i no save long wanem hap tru ol i mas kisim pikinini i go kisim sut. Sampela taim ol papamama i wet i stap tasol i no gat man i kamap long givim sut long ol pikinini. Sampela taim papamama i les long kisim pikinini i go kisim sut. Na sampela i ting olsem wanpela sut tasol em inap na ol i no kisim pikinini i go bek pinisim sut bilong em.

# THERAPY CENTRE

Ph: 25 3595

SWEDISH MASSAGE  
CHINESE MASSAGE  
MUSCLE BALANCING  
STRESS RELIEF  
SPORTS INJURIES  
BACK ACHES  
STOMACH DISORDERS

WEIGHT GAIN PRODUCTS  
VITAMINS & MINERALS  
PROTEIN POWDER  
BODY BUILDING PACKS  
CALCIUM TABLETS  
ENERGY TABLETS

LOSE WEIGHT PRODUCTS  
LOW CALORIE FOOD  
VITAMIN & MINERALS  
APPETITE SUPPRESSANTS  
FLUID RELEASE TABS  
DIGESTIVE TABS  
BLOOD PRESSURE TABS

# Alkohol em i wanem samting?

ALKOHOL o dring bilong mekim man i spak i no nupela samting long Papua Niugini. Man i ken wokim dispela kain dring long ol frut, o kain samting olsem wit, rais, soghum na ol kain kaikai olsem em ol i kolim grein.

Kain alkohol i stap insait long bia, wain na ol strongpela dring em ol i kolim ethylalcohol. Na ol dispela kain strongpela dring i gat narakain mak bilong ethylalcohol long ol.

Sapos man i dring planti alkohol tumas bai bodi bilong em i pat. Sampela man-meri i ting olsem alkohol em i kaikai bikos i mekim bodi bilong man i strong. Tasol dispela i no tru. Alkohol em i no kaikai bikos em i no gat ol samting bilong mekim bodi bilong man i gro gut.

Long taim alkohol i go insait long bodi bilong man, bai em i go stret long bodi bilong man. Orait blut bai karim i go long lewa. Na lewa bai pamim i go long kru bilong man na long ol arapela hap bilong bodi. Long taim yu dringim bia o ol strongpela dring, bai blut karim alkohol i go long kru bilong man na ol arapela hap bilong bodi, insait long 10 minut.

Bodi bilong yu bai i traim long rausim dispela alkohol. Tasol bai bodi inap long rausim liklik tasol inap long mak bilong 10 pesen. Bodi i rausim dispela long taim man i go pispis na sampela i kam ausit long maus long taim man i pulim win. Olsem na maus bilong man i save smel long taim em i dringim ol strongpela dring.

Orait 90 pesen bilong alkohol i stap yet insait long bodi na bodi bai i mekim bikpela hatwok nau long brukim na rausim. Dispela wok i kamap insait long liva brukim alkohol na senisim i go long ol arapela samting.

Tasol dispela wok bilong liva i save kamap isi isi tru. Eksampel, liva bai i wok inap wan aua samting long rausim alkohol em i bin stap insait long wanpela glas bia o wain em man i dringim. I no gat narapela rot we liva inap long wok hariap long mekim dispela wok.

Watpo na man i save spak? Sapos man i dringim moa long wanpela glas wain o bia o spirit long wan aua, bai, liva bilong em i no inap long rausim olgeta alkohol i stap insait long ol dispela dring. Mekim olsem na kru bilong em bai i paul na i mekim man i spak.

Ol plisman na ol dokta i ken luksave long hamas alkohol i stap long taim ol i sekap long hap pispis o blut bilong man.

Waswas long kol wara o dringim planti kopi bai i no inap long mekim spak i pinis. Sapos yu pinis long dring na wet inap long bodi bilong yu i rausim ol alkohol, bai yu no inap long spak tumas.

Sapos man i bin dring planti strongpela dring tumas, bai em i painimaut olsem het bilong em i pen na bodi bilong em bai i no gat strong tru. Dispela samting i kamap bikos alkohol i posinim bodi bilong man.

Kain kain samting i save kamap long taim man i dringim planti strongpela dring na em i spak.

Yu mas save olsem alkohol em i wanpela kain marasin. Em i save mekim kru bilong man i paul liklik na mekim man i kamapim kain kain samting em i no save mekim sapos em i stap nating. Hia em sampela eksampel:

Bai yu ting yu inap mekim ol samting em yu no inap long mekim.

Bai yu paul na i no inap klia wanem samting i orait na wanem samting i kranksi.

Bai yu mekim ol samting em bihain bai yu sem gen.

Long taim alkohol i wok long kisim ples long kru bilong yu, bai yu no inap long toktok

long hamas alkohol i stap long taim ol i sekap long hap pispis o blut bilong man.

Waswas long kol wara o dringim planti kopi bai i no inap long mekim spak i pinis. Sapos yu pinis long dring na wet inap long bodi bilong yu i rausim ol alkohol, bai yu no inap long spak tumas.

Sapos man i bin dring planti strongpela dring tumas, bai em i painimaut olsem het bilong em i pen na bodi bilong em bai i no gat strong tru. Dispela samting i kamap bikos alkohol i posinim bodi bilong man.

Kain kain samting i save kamap long taim man i dringim planti strongpela dring na em i spak.

Yu mas save olsem alkohol em i wanpela kain marasin. Em i save mekim kru bilong man i paul liklik na mekim man i kamapim kain kain samting em i no save mekim sapos em i stap nating. Hia em sampela eksampel:

Bai yu ting yu inap mekim ol samting em yu no inap long mekim.

Bai yu paul na i no inap klia wanem samting i orait na wanem samting i kranksi.

Bai yu mekim ol samting em bihain bai yu sem gen.

Long taim alkohol i wok long kisim ples long kru bilong yu, bai yu no inap long toktok

# Sik VD i bikpela birua moa nau

Margurite Marshall i raitim

OL SIK VD i save kamap long man bipo, bipo yet i kam inap nau. Na tude bikpela wari tru i kamap long ol dispela kain sik bikos ol dokta i painim dispela nupela sik AIDS.

AIDS em i birua tru bikos i no gat marasin yet bilong stapim. Na ol pipel i ken kisim isi tru sapos ol i gat sua bilong sik gonoria o sifilis i stap long bodi bilong ol na ol i slip wantaim man na meri husat i gat jerm i save kamapim AIDS.

Hia long PNG ol dispela sik VD i wok long kamap bikpela. Long 1969, i bin gat 2,296 pipel i kisim sik gonoria. Na long 1987, dispela namba i bin surik i go antap long 22,261. Long 1969 i bin gat 49 pipel i kisim sik sifilis na long 1987 dispela namba i surik i go antap long 8,533.

Wanpela as bilong sik i kamap bikpela em bikos ol pipel i wok long muv i go long ol arapela hap bilong kantri. Na tu, ol i no bihainim ol kastam bilong ples we i gat strongpela tambu long slip nabaut wantaim ol arapela man o meri. Mekim olsem na tude, sans bilong kisim ol dispela kain sik i bikpela tru.

Dispela ol i sik i kamapim bikpela wari tu bikos planti taim man husat i karim dispela sik raun bai i no inap save olsem sik ya i stap yet long bodi bilong em. Em nau bihain long planti yia kru bilong em i ken paul o sapos meri i kisim sik ya bai em i ken kalap i go long nupela bebi.

Man i ken abrusim dispela sik sapos em i slip wantaim wanpela meri tasol. Na meri tu i wankain, Sapos em i stap wantaim wanpela man tasol bai em i no inap

wari long kisim dispela kain sik.

I tru olsem ol dispela sik i save kalap isi tru tasol planti manmeri i no save tingting long dispela birua, I gat ol rot bilong was long bodi tasol planti man i save sem long baim ol kondom o ol i no inap painim long stua we ol pipel i ken baim kondom.

Long taim ol birua sik olsem AIDS i kamap, bai ol pipel i gat dispela sik i mas klia long ples o ol haus sik i mas tokaut long nem bilong ol dispela pipel. Tasol bikpela samting tru em ol pipel i mas luksave olsem ol yet i mas was long skin bilong ol. Ol pipel i no mas ting olsem ol helt woka bai was na rausim dispela sik, nogat. Em i samting bilong wan wan man.

Sapos yu no laik kisim ol dispela sik nogut orait:

- Tingting gut na yu raun.
- I gat ol kain samting olsem kondom.
- Sapos yu ting yu gat dispela sik, orait hariap long lukim ol dokta o nes.

Ol 4-pela sik VD em Gonoria, Sifilis, Donovanosis na AIDS.

Gonoria em i wanpela sik planti manmeri i save kisim. Sik ya i ken bagarapim man o meri na stapim bodi bilong ol long kamapim pikinini. Sik ya i ken mekim ol skru bilong lek na han i solap na pen. Na em i ken bagarapim lewa na liva bilong man. Sapos meri i gat dispela sik bai sik ya inap bagarapim ai bilong bebi.

Sapos jerm bilong dispela sik i go insait long bodi, bai tri o 7 de bihain man i lukim ol dispela samting; 1. Pispis klostu, 2. Rot bilong pispis bai pen. 3. Susu bai kamaut long sem bilong man. Ol meri tu bai lukim wankain samting.

Na sampela taim bai daunbilo long bel bilong ol i pen.

Sapos man i no kisim marasin, bai ol dispela samting i pinis tasol ol jerm bai stap yet insait long bodi. Na ol jerm i ken kamapim bikpela bagarap long sampela hap bilong bodi.

Sifilis i ken kamapim bikpela bagarap long lewa, skru na bun na kilim man tu. Tasol ol dispela bagarap bai i no inap kamap ples klia inap samting olsem 20 yia bihain. Man bai pilim sik samting olsem tripela wik bihain long em i kisim jerm ya long narapela man o meri.

Bai em i lukim ol liklik sua i kamap raun long sem bilong em. Sua ya i no pen na wara bai kapsait long en. Bihain long sampela wik sua bai pinis tasol ol jerm bai muv i go long ol arapela hap bilong bodi.

2. Sampela wik bihain bai man i pilim sik. Na bai nek na sangana bilong em solap na skin bilong em bai solap liklik. Sapos man i no kisim marasin hariap bai jerm i wok long raun i go long ol arapela hap bilong bodi.

Marasin bilong dispela sik em pensilin.

Donovanosis- sapos man i no kisim marasin hariap bai sik i bagarapim sem bilong em. Man bai pilim sik samting olsem 12-pela wik bihain long jermi go insait long bodi. Na man i no gat strong moa long pait egensim ol arapela sik samting.

Orait long taim ol arapela sik ya i kamap, bai ol i bagarapim bodi na kilim man.

Ol jerm bilong sik AIDS i ken stap isi long bodi bilong man inap planti yia pinis na bihain ol i stat long kilim man.

Olsem na planti pipel husat i gat dispela sik i no save karim jerm raun na givim long ol arapela manmeri.

I gat tripela rot ol jerm bilong sik AIDS i save kalap i go long ol man.

1. Sapos man o meri i slip wantaim ol lain husat i gat dispela sik.
2. Sapos yu katim skin bilong yu long resa o nil em man husat i gat dispela sik i bin yusim.
3. Sapos mama i gat dispela sik bai bebi bilong em i kisim jerm tu.

Tude i no gat wanpela marasin yet bilong stapim dispela sik. Olgeta pipel husat i kisim dispela sik i save dai tasol.

I no gat ol sain we i ken toksave long man olsem em i gat dispela sik. Tasol planti pipel husat i gat dispela sik i save lusim skin, pekpek wara, skin bilong ol i dai, na ol i pilim sik na skin i hat. Tasol no ken guria hariap, bikos ol dispela mak tu i bilong ol arapela sik tu ya.

Sapos yu ting olsem yu gat wanpela bilong ol dispela sik VD, yu mas luksave olsem marasin inap long helpim bodi bilong yu. Go hariap long haus sik na lukim dokta. Na sapos yu gat sik AIDS, tingim - ol dokta i helpim yu bai ol i stapim dispela sik long kalap i go long ol arapela manmeri tu.

Ol dokta i painimaut olsem planti pipel i no wari tumas long kisim ol dispela sik VD. Sampela i no klia yet olsem sik ya bai kamapim bikpela bagarap tru long bodi. Long taim man i kamap long kisim marasin bai em i kisim skul tu long pasin bilong helpim em i senisim ol pasin i mekim em i painim dispela sik.

# STAP KLIN...I OLSEM STAP HELTI



Wantaim ol dispela prodak i kam long...

**COLGATE-PALMOLIVE (PNG) PTY. LTD.**

## Alkohol em i birua o pren

BIPO long taim bilong ol tumbuna, pasin bilong dringim ol strongpela dring bilong mekim man i spak, em i no wanpela pasin tumbuna bilong ol kantri long Pasifik.

Tasol tude, lapi i senis. Ol pipel i ken aim ol dring olsem bia, wain na ol arapela strongpela dring we i gat bikpela alkohol tru i stap insait long ol. Na tu, i gat planti hevi tru dispela samting i wok long kampani nau long laip bilong ol pipel.

Ol lain husat i save salim ol dispela dring i laik ol manmeri i bilip olsem ol dispela strongpela dring em i gutpela samting. Na man o meri husat i dring em i man tru, o meri tru. Ol i mekim planti pipel i ting

olsem sapos ol i man o meri bilong dring, bai ol i gat plant ol pren na tu, ol pren bai i baim dring bilong ol long dring na amamas.

Tasol samting tru em i olsem. Alkohol i save bagarapim laip bilong man o meri. Moa pipel wok long dring na i no tingting olsem na planti ol birua i wok long kamap. I gat planti ka i bam long rot ol kilim ol arapela manmeri long rot bikos draiva i spak. Ol man i dring pinis na kam bek long haus na paitim meri bilong ol. Ol marit i bruk bikos man i save spak tumas, o man i pinis long wok bikos em i save spak tumas.. Meri pikinini i no gat mani bilong baim kaikai o ol klos samting bikos olgeta mani i wok long go long dring.

## Toksave bilong sik taifoid

EM i tru olsem sik taifoid i bin stap planti yia long PNG tasol nau tasol ol pipel i wok long kisim toksave long dispela sik.

Ol toksave i wok long kamap bihain long sik taifoid i kamap bikpela long Enga long 1986, long West-en Hailans long 1986 na nau sik ya i kamap long planti setelmen raun long Mosbi siti.

Long taim dispela sik i bin kamap long Enga, moa long 600 pipel i bin kisim sik ya na kamap long haus sik na ol helt senta. Na namel long ol dispela 600 pipel, 36 pipel i bin dai.

Taifoid fiva em i wanpela bikpela sik. Na ol dokta i tok dispela sik bai i wok long kamap yet long PNG inap long taim ol pipel i luksave olsem ol i mas was gut long wara bilong dring na kuk, na tu ol i mas wokim gutpela toilet na bihainim klinpela pasin bilong wasim han na klinim gut kaikai. Hia em sampela toksave long

pasin bilong stapim sik ya i kamap long yu na famili bilong yu;

**Luksave long sik:** Oltaim bai skin i wok long hat, het i pen, man i no gat strong, retpela mak i kamap long brok na baksait, man i no inap pekpek o sampela taim bai man i pekpek wara. (Tasol tingim, i no olgeta man bai pilim olsem long taim ol i kisim sik ya).

**Wanem samting i kamapim sik taifoid:** Wanpela liklik binatang (jem).

**Sik i save kalap olsem:** Sik i save kalap long wanpela man i go long narapela sapos man i dringim wara i gat binatang bilong kamapim sik taifoid i stap long en. Na sapos hap pekpek o pispis i gat dispela binatang long en i pas long kaikai na man i kisim dispela sik. Binatang i pas long kaikai sapos man i pekpek na i no wasim gut han bilong em na em i holim kaikai, o

sapos pekpek i go insait long wara na man i dringim wara bai em i kisim sik. Ol lang tu i save karim binatang long pekpek na long taim ol i go sindaun long kaikai bai binatang i pas long kaikai na man i kaikaim na kisim sik. Ol kina samting i stap long wara we pekpek i stap long en bai i givim sik long ol man sapos man i no kukim gut kina na kaikaim.

**Wanem taim man i stat sik:** Long taim dispela binatang bilong kamapim sik taifoid i go insait long bodi, bai man i stat pilim sik bihain long wan wik o tri wik samting.

**Husat inap long kisim sik taifoid:** Olgeta manmeri na pikinini i ken kisim dispela sik taifoid. Tasol dispela sik i save birua tru long ol liklik pikinini, o ol manmeri husat i no save kaikai gutpela kaikai o ol manmeri husat i gat narapela sik pinis na bodi bilong ol i no gat inap

strong long abrusim dispel sik. Olgeta ol dispela lain inap dai long taim ol i kisim dispela sik nogut taifoid.

**Ol rot bilong stapim dispela sik:**

1. Dringim klinpela wara tasol em yu kisim long ples we i no gat ol pipa nabaut i stap long en. Sapos yu tingting planti long wara saplai bilong yu, orait yu mas boilim pastaim na dring.
2. Yu wantaim ol arapela pipel long ples bilong yu i mas bihainim klinpela pasin na pekpek stret long toilet. Na toilet i mas gat karamap bilong stapim ol lang i go sindaun long pekpek na karim ol binatang i go putim long kaikai.
3. Yu mas wasim han bilong yu gut na holim kaikai. Lukim olsem ol pikinini bilong yu na ol arapela manmeri tu i mas bihainim dispela gutpela pasin bilong wasim han. Em i gutpela sapos yu no kaikai ol kaikai em ol doti man-

meri i givim yu. Karamapim gut ol kaikai olsem bai ol lang i no inap sindaun long en na tu ol pipa i no inap pas long en.

4. Wasim gut ol frut na arapela kaikai long klinpela wara pastaim na bihain yu kaikaim.
5. No ken kaikai ol kina na arapela abus i stap long wara we i gat pekpek long en. Sapos yu ting olsem ol dispela abus i stap long kain wara olsem orait yu mas kukim gut tru pastaim na

kaikai.

**Ol samting long mekim sapos dispela sik i kamap:**

Sapos yu ting olsem yu yet o sampela arapela lain long haus bilong yu i gat dispela sik orait yu mas go wantu tasol long haus sik o klinik na lukim dokta. No ken wet na tingting olsem dispela sik bai pinis. Sapos yu wet longpela taim bai em i tulet long ol dokta i helpim yu. I gat wanpela rot bilong stapim dispela sik i

kamap long yu yet o husat ol manmeri na pikinini long komyuniti bilong yu. Yupela olgeta i mas wok bung wantaim ol wokman bilong helt dipatmen, ol tisa na komyuniti lida long lukim olsem yupela i gat gutpela wara saplai na olgeta haus i gat toilet bilong ol.

Na bikpela samting tru em olgeta manmeri i mas stap klin na bihainim stret pela pasin bilong lukautim bodi.



# Bung na winim sik malaria

MALARIA em i wanpela sik i save kilim ol manmeri na pikinini. Long Papua Niugini planti manmeri i save dai long taim ol i kisim dispela sik. Dispela sik i save kamap long ol liklik binatang em ol natnat i save karim long bel bilong ol, i go insait long blut bilong yumi.

## Dringim Marasin

Ol meri gat bel na ol liklik pikinini i save birua tru long dispela sik. Long taim jerm bilong malaria i go insait long bodi bilong ol, bai bodi i no gat strong long paig egens long dispela jerk. Em i tru olsem long taim pikinini i gat 5-pela krismas, bodi bilong em i gat strong long pait egens long jerm bilong malaria.

Tasol ol liklik pikinini na ol meri i gat bel i no gat dispela kain strong. Long taim bodi bilong ol i no gat strong bai ol arapela sik tu i ken kamap isi tru long ol. Ol meri gat bel i ken karim ol liklik bebi tumas. na sapos bebi i no strong tumas, em tu i ken dai.

Hia em sampela piksa i kam long Helt Dipatmen we i stori long malaria na wanem samting yu ken mekim long stapim dispela sik nogut.

## Wan Wik

Yu save tu long sampela manmeri husat i bin kisim dispela sik malaria? Wanem samting i bin kamap long ol? Sik malaria i save stat wan wik bihain long wanpela natnat husat i gat dispela jerm i kaikai yu. Bai man i pilim kol nogut tru na bihain bai skin bilong em i hat nogut

tru. Long taim man i tuhat bai em i pilim sik notut tru yet. Sampela taim man i sik nogut tru na em i ting bai em i dai. Dispela sik bai kamap olgeta de o bihain long wanpela de samting.

Ol meri natnat i save karim ol jerm bilong malaria raun na givim long ol man. Long taim wanpela bilong ol dispela natnat i kaikai man, bai em i spetim wara i gat ol dispela jerm i no insait long bodi bilong ol man. Orait bihain bai em i stat long pulim blut bilong man. Ol natnat i mas dringim blut na kisim strong long putim ol kiau bilong ol.

Yumi ol manmeri i ken stapim dispela sik malaria. Tasol em i hatwok tru long rausim olgeta natnat. Sapos wan wan manmeri na pikinini i kirapim helpim bai yumi inap long winim dispela sik. Sapos yumi klia long stori bilong ol natnat bai yumi inap long stapim ol long karim dispela sik i go givim ol manmeri.

Yumi save olsem ol meri natnat i save putim kiau bilong ol long wara. natnat i save putim planti handet kiau. Ol i save painim ol ples tais o ples we wara i go bung i stap. Ol kain ples olsem ol hul na ol tin na botol na ol pipia.

## Planim Pipia

Ol pipel i mas digim hul na planim ol pipia na maski long tromoi nating i stap long ples klia na ol natnat bai putim kiau long en. Inap long yu painimaut ol ples we i gat wara na ol natnat i ken putim kiau long en? Ol botol bilong

putim plaua tu em i wanpela gutpela ples we ol natnat i ken hait na putim kiau. Senisim wara long ol dispela kain ples olsem bai natnat i no inap long hait.

Yumi ken putim pis i no insait long ol wara na ol pis bai kilim ol dispela kiau bilong natnat.

Bipo, yumi save yusim ol marasin long spre na kilim indai natnat. Ol wokman i save raun na painim marasin long ol haus na ol ples we ol natnat i save hait. Tasol dispela kain rot em i hatwok tru na bikpela mani i save lus long baim ol marasin.

Sapos man i katim gras raun long haus bai ol natnat i no inap long hait. Sampela pipel i save baim ol marasin bilong rausim natnat. Tasol ol dispela samting tu i dia tumas na i no inap long pinisim ol natnat.

Yumi ken dringim marasin long stapim ol jerm bilong malaria. Tasol planti ol jerm bilong sik malaria i save winim ol dispela marasin. Sapos yumi dringim marasin long stapim malaria em i orait, tasol marasin tasol i no inap long stapim dispela sik. Ol meri gat bel i mas dringim marasin bilong malaria sapos ples we ol i stap long en i gat planti natnat.

Long taim wanpela man i kisim sik malaria, em i mas go hariat na kisim marasin bilong pinisim dispela sik. Sapos em i no pinisim marasin ol dokta i makim bai jerm i stap yet long bodi bilong em. Na long taim natnat i kaikaim em bai karim gen dispela jerm i

go givim long narapela manmeri. Maski sapos yu pilim orait, yu mas dringim olseta marasin em dokta o nes i givim yu long stapim dispela sik malaria.

Sampela pipel i save slip insait long taunam. Em i gutpela bikos ol natnat i save raun long nait na painim kaikai. Olsem na em i gutpela long man i slip insait long taunim olsem bai natnat i no inap long kaikai em. Tasol yu mas sekap oltaim long taunam na lukim olsem i no gat hul long en.

Dispela em sampela samting yumi olgeta i ken mekim long pait egens long sik malaria. Karamapim ol hul, planim ol pipia, krungutim ol tin na sel kokonas. Yumi ken katim gras raun long haus olsem bai ol natnat i no inap hait. Yumi ken slip long taunam. Ol manmeri husat i kisim sik malaria i mas go kisim marasin na dringim olgeta marasin long kilim malaria jerm insait long bodi. Ol meri gat bel i mas kisim marasin bilong stapim sik malaria. Na pikinini husat i sik i mas dring tu marasin bilong malaria.

Em i bikpela wok tru long ol pipel i mas mekim ol dispela samting sapos ol i laik stap gut na i no kisim sik olsem malaria. Long wol tude, ol saintis i wok long painim yet ol rot bilong helpim ol pipel i stap gut na tu, ol i wok long ol rot bilong kilim jerm bilong malaria.


Wanpela nupela rot ol i painim pinis em i wanpela spesel taunam bilong kilim ol natnat na ol arapela binatang olsem musmus na kokoros. Ol i wok long traim dispela nupela pasin nau long PNG.

**LONG nait ol nupela natnat ya i save raun na dringim blut bilong man. Na long taim ol i mekim olsem ol i save karim jerm bilong malaria i go givim ol manmeri.**

## HAGEN HEALTH FOODS


- + Sanitarium Helt Fud
- + Ol kaikai i no gat marasin long en.
- + Ol dring i no gat lika o suga insait long en

**OL KAIN KAIN VITAMIN  
HOL MEAL PLAUA  
SAKSAK FRES APEL  
NA KOKONAS**



**52 1672**

P O BOX 206, MT HAGEN



Dispela meri i gat ol malaria jerm long bodi bilong em. Natnat i kaikaim em na dring blut bilong em. Orait jerm bilong malaria i go insait long natnat.

Bihain dispela natnat i go kaikaim wanpela bebi. Na ol malaria jerm i go insait long bodi bilong bebi.

Dispela em i pasin bilong meri natnat ya Anopheles i save karim malaria long wanempela man i go givim long narapela.

# BAIBEL KOMIK

## Ol wok bilong ol APOSEL

### Wok bilong ol Apostel

PHILIPPIANS, I TIMOTHY, TITUS

Pol i kalabus na we i stap... em i wetim empra bilong Rom long harim kot bilong em. Ol Kristen long olgeta hap i pre long em inap wanpela de...



Gutde long yu Pol, mi karim presen bilong sios long Filipi i kam long yu.

Eparoditus! Mi amamas ol pren i tingting yet long mi.

Man ya i kam 800 mail long givim presen!

Eparoditus i kamap stap liklik na em i sik nogut tru. Ol Kristen i wok long was long em i stap...

Gutpela tru yu i kamap orait gen nau. Ol pren bilong yu long Filipi i wari na ol salim dispela pas.

Mi sori tru long mekim ol i wari.



Eparoditus i orait gen em i go lukim Pol.

Pol i salim pas i go long ol Filipins. Dispela pas i stap long Nupela Testamen.

Sios long Rom i gro bikipela hariap tru. Ating bai mi mas go bek nau long ples.

Yes, yu mas go bek. Mi raitim wanpela pas bilong ol pren long Filipi. Yu ken karim i go bek.

Griting long yupela ol brata long Filipi, Mi no save kot bilong mi bai kamap olsem wanem. Tasol mi bilip God bai larim mi lukim yupela gen. Yupela i ken amamasim mi sapos yupela i stap bel isi wantaim ol arapela manmeri. Kisim tingting bilong Kraisi. Em i God tasol em i kam stap wantaim yumi olsem man bilong graun na em i dai long kruse. Tenkyu long presen Eparoditus i karim i kam. God bai helpim yupela. Yupela i mas amamas bikos yupela i Kristen. Ol Kristen hia long Rom i salim griting bilong ol i kam long yupela.



Bihain long tupela yia, kot bilong Poli kamap. Na Nero, i harim dispela kot. Bihain long sampela de...

Pol! Poll Kot i tok yu fri man nau!

Tenkyu God. Nau mi ken mekim wok bilong God na karim tok bilong em i go long olgeta ples.



Baibel i no tokaut stret long taim Pol i lusim kalabus. Tasol ol pas em i bin raitim bihain i som olsem dispela samting i kamap.

# Resis bilong kamapim

## ol lotu singsing,

OL YANGPELA i mas yusim kain kain pasin na rot bilong mekim musik bilong litimapim nem bilong God. No ken larim Setan i yusim save na strong bilong yupela long kamapim ol song i gat tok nogut.

Pastor Israel Liwa i bin mekim dispela hap totok long taim em i opim bikipela stringben na kwaia resis long makim Yut Sande bilong ELC-PNG.

Moa long 200 yangpela bilong Madang na Karkar distrik i bin stap insait long dispela resis. Tupela kwaia grup na 15 stringben grup i makim wan wan Lutheran yut i kam long ol seket bilong Madang na Karkar wantaim.

Dairekta bilong ol yut insait long Madang distrik, Pastor Israel Liwa i tokim ol yut olsem long taim ol i mekim kain kain stail

bilong string ben ol i no ken tingting long amamasim ol tasol. Mobeta ol i tok. "O God, mi laik litimapim nem bilong yu wantaim musik mi laik mekim nau."

Madang Distrik Yut Kaunsil i bin kamapim dispela resis long kirapim ol yangpela long kamapim ol lotu song long nek bilong Papua Niugini stret. Ol i mekim olsem long kirapim na strongim ol sios musik long maus na rot bilong mekim musik long gita na kundu na garamut na ol samting bilong tumbuna stret.

Ol 5-pela lain husat i winim dispela resis bai katim song bilong ol long Tumbuna Tracks Rekoding kampani insait long Madang yet.

Na olgeta grup husat i bin stap insait long dispela resis i bin kisim prais. Em i bilong strongim tingting bilong ol long stap insait gen long kain resis olsem neks yia.

## TU MINIT TINGTING FRANK MIHALIC I RAITIM

### OL WOKDE BILONG YUMI

Yumi wokim wanpela pilai nau. Yu kisim wanpela emti katen bilong tin pis o kain samting olsem. Orait, nau yu pulapim em long ol muli. Tasol i gat planti spes i stap nating yet. Nau yu kapsaitim planti mabel i go daun pulapim ol dispela spes. Tasol planti spes i stap nating yet. Olsem na yu kisim planti smolbis na yu kapsaitim ol i go daun insait long katen. Nau yu ting wanem? Katen i pulap olgeta o nogat? Nogat. Yu inap putim wesan i go insait yet. Na bihain em i pulap long wesan, yu ken kapsaitim wara i go daun na i lus na i stap insait long dispela katen.

Dispela lain samting, olsem muli na mabel na smolbis na wesan na wara, i pulapim dispela emti katen, ol i olsem ol kain kain wok yumi save mekim insait long wanpela de. Sampela i bikipela; sampela i liklik nating.

Na ol dispela kain kain wok i gat pe bilong en. Em i pasin bilong yumi olgeta manmeri: kain kain pe i save pulim yumi long mekim wok. Maski dispela pe em i mani, o i biknem, o i gutpela taim, o i gutpela sindaun, o i gutpela malolo. Yumi olgeta i save wok bilong winim wanpela samting. Na bikipela samting yumi laik winim, em i heven tasol. Planti taim moa long Gutnius, Jisas i bin promis bai yumi kisim bikipela pe long heven, bihain long yumi dai pinis.

Jisas i bin kam daun long dispela graun bilong traim laip bilong yumi. Em i bin stap bebi na skulboi na wokman na tisa.

Long stori bilong laip bilong Jisas yumi save ritim planti tok long tripela yia em i stap tisa. Tasol olsem wanem long 18 yia samting we em i stap kamdaman? Dispela em i bikipela hap tru bilong laip bilong em. Ating em i holim wok olsem, bikos em i laik blesim wok bilong ol manmeri i no gat namba, ol i wokman na wokmeri tasol. Ating em i laik soim olsem: ol dispela manmeri i gat namba long ai bilong God. Em i bikos ol wokman na wokmeri nating i save soim tripela gutpela pasin.

Namba wan pasin bilong ol wokman em i dispela: ol i no wari tumas long kisim nem na namba long wok bilong ol. Ol i

amamas tasol long i gat wok, na long mekim gutpela wok. Bikos ol i wok gut olgeta de, kantri i go het, taun i gutpela ples, planti manmeri i ken sindaun gut. Yumi tingim tasol ol manmeri i groim kaikai, na i mekim skul, na i lukautim famili, na i lukautim ol sikman, na i draivim ol PMV, na i wokim rot, na i wok long ol kampani, na i stap insait long ol opis. Ol dispela manmeri i no save toktok planti na straik na bikmaus na mauswara. Nogat. Ol i no gat taim; ol i save wok tasol.

Namba tu pasin bilong ol wokman em i dispela: em i no save les long mekim wankain wok olgeta de. Olsem tasol na samting tru i kamap na karim kaikai. Tisa olgeta de i mekim wankain wok tasol; mama i mekim wankain wok long haus na long gaden. Plisman na nes na draiva na sumatin na soldia na graslain na fama na stuakipa na kuskus - olgeta de ol i mekim wanpela kain wok tasol. Em i no isi. Jisas i kam daun long graun na bin wok kamda bilong lainim dispela.

Namba tri pasin bilong ol wokman na wokmeri em i dispela: ol i save wok long wanpela tim o grup o lain. Liklik wok bilong ol i stap insait long wanpela bikipela wok. Hap wok bilong wanpela i hangamap long hap wok bilong narapela. Sapos wanpela i paulim wok, orait, olgeta wok i pundaun. Bung wok wantaim - em i wanpela pasin God i save laikim; long wanem, em i wanpela kain daunpasin.

Olsem tasol, na gutpela sindaun i hangamap long gutpela pasin. Na gutpela, pasin i hangamap long gutpela wok. Na gutpela wok gen i mekim gutpela pasin i kamap. Bilong dispela na Jisas i kam daun na i holim wok kamda hia long graun, namel long yumi.

Olsem na em i blesim hatwok na i givim ona long Papa bilong em inap long 18 yia long laip bilong em. Ating Papa i amamas, long wanem, long las pes tru bilong Baibel i gat dispela tok i stap: "Bai mi bekim pe long olgeta man inap long pasin em i bin mekim." (Rev 22:12).



# LUKIN TELEVISION

THURSDAY	FRIDAY	SATURDAY	SUNDAY	MONDAY	TUESDAY	WEDNESDAY
<b>EM-TV</b>						
THURSDAY 4TH MAY, 1989	FRIDAY 5TH MAY, 1989	SATURDAY 6TH MAY, 1989	SUNDAY 7TH MAY, 1989	MONDAY 8TH MAY, 1989	TUESDAY 9TH MAY, 1989	WEDNESDAY 10TH MAY, 1989
9.00 SESAME STREET (G) 3.57 EMTV STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 GENTLE BEN (G) 6.00 THE MUPPETS SHOW (G) 6.30 NATIONAL EMTV NEWS (G) 7.00 THRILLSEEKERS (G) 7.30 SIX MILLION DOLLAR MAN (G) 8.30 MASTER (PGR) 9.30 MIAMI VICE (AO) 10.30 SYDNEY RUGBY LEAGUE (G) 11.30 STATION CLOSE	9.00 SESAME STREET (G) 3.57 STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 THE JETSONS (G) 6.00 THE MUPPET SHOW (G) 6.30 NATIONAL EMTV NEWS (G) 7.00 THE EM REPORT (G) 7.30 FAME (G) 8.30 FRIDAY NIGHT MOVIE (PGR) "Take No Prisoners" Starring G.F. Russell, Edgar Reynolds and Margie Edgel 9.44 VFL - HIGHLIGHTS 10.44 STATION CLOSE	9.00 KOMYUNITI TELEVISION STATION OPEN 9.02 "TINGIM HELT" (G) 10.00 KOMYUNITI TELEVISION STATION CLOSE 2.57 EMTV STATION OPEN (G) 3.00 JAZZERCISE (G) 3.30 FRAGGLE ROCK (G) 4.00 ANIMALS, ANIMALS (G) 4.30 REAL GHOSTBUSTERS (G) 5.00 BATMAN (G) 5.30 DANIEL BOONE (G) 6.30 EMTV NATIONAL NEWS (G) 7.00 INCREDIBLE HULK (G) 8.00 LUCKY LOTTERY DRAW (G) 8.05 ROCKFORD FILES (PGR) 9.00 SATURDAY NIGHT MOVIE (PGR) "The Five Man Army" Starring James Daly, Bud Spencer and Peter Graves 10.56 STATION CLOSE	12.00 KOMYUNITI TELEVISION STATION OPEN 12.02 "TINGIM HELT" (G) 1.00 KOMYUNITI TELEVISION STATION CLOSE 2.57 EMTV STATION OPEN (G) 3.00 ADVENTURES OF TEDDY (G) 3.30 BONANZA (G) 4.30 SPORTS WORLD (G) 5.30 WONDERFUL WORLD OF DISNEY (G) 6.25 THE COLGATE TOOTHBRUSH FAMILY (G) 6.30 EMTV NATIONAL NEWS (G) 7.00 BILL COSBY SHOW (G) 7.30 SUNDAY NITE MOVIE (PGR) "The Young Winston" Starring Simon Ward, Anne Bancroft and Robert Shaw 10.32 DOCUMENTARY (G) 11.32 BISNIS (G) 12.02 STATION CLOSE	9.00 SESAME STREET (G) 3.57 EMTV STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 CURIOSITY SHOW (G) 6.00 MUPPET SHOW (G) 6.30 NATIONAL EMTV NEWS (G) 7.00 THRILLSEEKERS (G) 7.30 FLYING DOCTORS (PGR) 8.30 MINI SERIES (AO) 9.57 STATION CLOSE 9.59 KOMYUNITI TELEVISION STATION OPEN 10.03 TINGIM HELT (G) 11.03 STATION CLOSE	9.00 SESAME STREET (G) 3.57 EMTV STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 FLINTSTONES (G) 6.00 MUPPET SHOW (G) 6.30 NATIONAL EMTV NEWS (G) 7.00 THRILLSEEKERS (G) 7.30 BUCK ROGERS (PGR) 8.30 FALCON CREST (PGR) 9.30 LIFESTYLE (G) 10.00 EMTV SPORTS SCENE (G) 10.30 BUSINESS WEEK (G) 11.30 STATION CLOSE	9.00 SESAME STREET (G) 3.57 STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 FLIPPER (G) 6.00 MUPPET SHOW (G) 6.30 NATIONAL EMTV NEWS (G) 7.00 THRILLSEEKERS (G) 7.30 HARDCASTLE AND MCCORMICK (PGR) 8.30 WEDNESDAY NITE MOVIE (PGR) 11.01 STATION CLOSE

G - GENERAL EXHIBITION  
PGR - PARENTAL GUIDANCE REQUIRED  
AO - ADULTS ONLY

<b>ABC</b>						
THURSDAY 4TH MAY, 1989	FRIDAY 5TH MAY, 1989	SATURDAY 6TH MAY, 1989	SUNDAY 7TH MAY, 1989	MONDAY 8TH MAY, 1989	TUESDAY 9TH MAY, 1989	WEDNESDAY 10TH MAY, 1989
4.00 PLAY SCHOOL (G) 4.30 SWAP SHOP (G) 5.02 INSPECTOR GADGET (G) 5.30 ALIENS IN THE FAMILY (G) 6.00 THE OZ GAME (G) 6.30 T.B.A. (G) 6.35 T.B.A. (G) 7.00 ABC NEWS (G) 7.30 7.30 REPORT (G) 8.00 IN REAL LIFE (PGR) 8.28 NEWS UPDATE (G) 8.30 THE BILL (PGR) 9.22 NEWS UP-DATE (G) 9.25 BACK CHAT (G) 9.30 THE ROADS TO XANADU (G) 10.25 ABC NEWS (G) 10.45 TALKING PICTURES (PGR) 11.15 AUSTRALIAN MOVIE: "PIETA" (PGR) 12.30 CLOSE (G)	4.00 PLAY SCHOOL (G) 4.30 SWAP SHOP (G) 5.02 INSPECTOR GADGET (G) 5.30 ALIENS IN THE FAMILY (G) 6.00 THE OZ GAME (G) 6.30 T.B.A. (G) 7.00 ABC NEWS (G) 7.30 7.30 REPORT (G) 8.00 COUNTRY WIDE (G) 8.28 NEWS UP-DATE (G) 8.30 HILL STREET BLUES (G) 9.25 NEWS UP-DATE (G) 9.30 HOWARDS' WAY (G) 10.20 ABC NEWS (G) 10.40 N.B.A BASKETBALL (G) 12.00 RAGE (G)	12.00 MOVIE (G) "One Heavenly Night" 1.15 ARTISANS OF AUSTRALIA (G) 1.35 LORNE GREEN'S NEW WILDERNESS (G) 2.00 ENGLISH SOCCER, 1988/89 (G) 3.00 SATURDAY SUPER LEAGUE, 89 (G) 4.45 SPORTS NEWS (G) 5.00 SOCCER (G) 6.00 ABC NEWS (G) 6.30 HORIZONS (G) 7.25 COME AND GET IT WITH PETER RUSSELL-CLARKE (G) 7.30 UPSTAIRS, DOWNSTAIRS (G) 8.25 ABC NEWS (G) 8.30 RUMPOLE OF THE BAILEY (G) 9.30 A VERY PECULIAR PRACTICE (PGR) 10.25 JOHN HINDE PRESENTS (AO) 12.15 RAGE (G)	12.00 COMPASS (G) 1.00 SUNDAY AFTERNOON WITH PETER ROSS (G) 5.00 SUNDAY HUBBY (G) 6.00 ABC NEWS (G) 6.30 ALL CREATURES GREAT AND SMALL (G) 7.20 BACK CHAT (G) 7.30 LIVING PLANET (G) 8.25 ABC NEWS (G) 8.30 BLIND JUSTICE (AO) 10.00 SOCCER (G) 11.00 SKORPION (PGR) 11.30 TRIPPER'S DAY (PGR) 11.55 CLOSE (G)	4.00 PLAY SCHOOL (G) 4.30 SWAP SHOP (G) 5.02 INSPECTOR GADGET (G) 5.30 ALIENS IN THE FAMILY (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 DEARST ENEMY (G) 8.28 NEWS-UPDATE (G) 8.30 FOUR CORNERS (G) 9.15 MEDIA WATCH (G) 9.28 NEWS UP-DATE (G) 9.39 ENGLISH SOCCER (G) 10.20 ABC NEWS (G) 11.00 JOHN HINDE PRESENTS (G) 12.48 CLOSE (G)	4.00 PLAY SCHOOL (G) 4.30 SWAP SHOP (G) 5.02 INSPECTOR GADGET (G) 5.30 ALIENS IN THE FAMILY (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 THE INVESTIGATORS (G) 8.28 NEWS UP-DATE (G) 8.30 CP (G) 9.28 NEWS UP-DATE (G) 9.30 THE BIG GIG (G) 10.30 ABC NEWS (G) 10.50 REVIEW (G) 11.30 THE HEART OF THE DRAGON (G) 12.20 CLOSE (G)	4.00 PLAY SCHOOL (G) 4.30 SWAP SHOP: CHOPSTICKS (G) 4.50 EMMA AND GRANDPA (G) 5.02 INSPECTOR GADGET (G) 5.30 WHITE PEAK FARM (G) 6.00 THE OZ GAME (G) 6.30 KFFP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 QUANTUM (G) 8.28 NEWS UP-DATE (G) 8.30 ABC SPECIAL (G) 9.58 NEWS UP-DATE (G) 10.00 COUCHMAN (G) 10.40 ABC NEWS (G) 11.00 PLAYED IN AUSTRALIA (G) 11.55 CAROL BURNETT AND FRIENDS (G) 12.20 CLOSE (G)

<b>NQ-TV</b>						
THURSDAY 4TH MAY, 1989	FRIDAY 5TH MAY, 1989	SATURDAY 6TH MAY, 1989	SUNDAY 7TH MAY, 1989	MONDAY 8TH MAY, 1989	TUESDAY 9TH MAY, 1989	WEDNESDAY 10TH MAY, 1989
4.00 WOMBAT (G) 4.30 CURIOSITY SHOW (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 FLYING DOCTORS (PGR) 8.28 NQTV WEATHER UPDATE (G) 8.30 MATLOCK (PGR) 9.50 DALLAS (PGR) 10.30 NEWSWORLD (G) 11.30 ALLO ALLO (AO) 12.00 EASY STREET (G) 12.30 EPILOGUE (G) 12.35 STATION CLOSE	4.00 WOMBAT (G) 4.30 KIDS ARMY (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 NEWS WEEK (G) 8.00 FAMILY TIES (G) 8.28 NQTV WEATHER UP-DATE (G) 8.30 FRIDAY NIGHT MOVIE: "Bring On The Night" (PGR) 10.30 NEWSWORLD (G) 11.30 LATE MOVIE (AO) "Private School" 1.00 EPILOGUE (G) 1.05 STATION CLOSE	12.00 FABULOUS CENTURY (G) 12.30 CHARLES IN CHARGE (G) 1.00 WIDE WORLD OF SPORTS (G) 5.00 BURKE'S BACKYARD (G) 6.00 NATIONAL NINE NEWS (G) 6.30 HEY HEY IT'S SATURDAY (G) 8.28 NQTV WEATHER UP-DATE (G) 8.30 GOLD LOTTO DRAW (G) 8.35 SATURDAY NIGHT MOVIE (PGR) "Honkytonk Man" Starring Clint Eastwood 10.40 LATE MOVIE (AO) "Bachelor Party" Starring Tom Hanks. 12.10 EPILOGUE (G) 12.15 STATION CLOSE	11.00 WIDE WORLD OF SPORTS (G) 1.00 THE WALTONS (G) 2.00 SPORTS SPECIAL (G) 5.00 FIVE MILE CREEK (G) 5.50 POINT OF VIEW (G) 5.57 QUEENSLAND 2000 (G) 6.00 NATIONAL NINE NEWS (G) 6.30 THE WORLD OF DISNEY (G) 7.30 SIXTY MINUTES (G) 8.28 NQTV WEATHER UPDATE (G) 8.30 SUNDAY NIGHT MOVIE (AO) "Pennies From Heaven" 10.30 SPECIAL - "James Cleese" (AO) 11.35 SPORTS SPECIAL (G) 1.30 EPILOGUE (G) 1.35 STATION CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 LOCAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.28 WEATHER (G) 8.30 MOVIE: TBA (AO) 11.30 THE PROFESSIONALS (AO) 12.30 EPILOGUE (G) 12.35 CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 CURRENT AFFAIR (G) 7.00 SALE OF THE CENTURY (G) 7.30 COSBY (G) 8.00 THE GOLDEN GIRLS (PGR) 8.28 WEATHER (G) 8.30 BEYOND 2000 (G) 9.30 BRONX ZOO (PGR) 10.30 NEWS WORLD (G) 11.30 SCARECROW AND MRS KING (PGR) 12.25 EPILOGUE (G) 12.30 CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 GOLD LOTTO (G) 7.35 A COUNTRY PRACTICE (G) 8.33 WEATHER (G) 8.35 MOVIE: TBA (AO) 10.30 NEWSWORLD (G) 11.30 SHADOW CHASERS (AO) 12.25 EPILOGUE (G) 12.30 CLOSE

(G) - GENERAL EXHIBITION (PGR) - PARENTAL GUIDANCE REQUIRED (AO) - ADULTS ONLY

## TAIM YU PILAI TUHAT NA NEK I DRAI O TAIM BILONG AMAMAS....

DIXI COLA

Swing  
Wantaim  
Dixi Cola

I Kam Long

# Bipo ol Giniambu na Witupe i birua

BIPO bipo tru long Yangoru eria insait long Is Sepik provins, ol pipel bilong Witupe Namba 1 na Witupe Namba 2 i save bung na pait wantaim ol pipel bilong ples Giniambu.

Wanpela de ol pipel bilong Witupe i no go raun long bus long painim abus na mekim ol arapela wok. Olgeta i mamalo na stap tasol long ples.

Dispela de ol i stap na kalap nogut stret long lukim bikpela blakpela smok bilong paia i go antap long skai. Dispela smok i kam long wanpela kunai em ol pipel bilong ples Giniambu i kukim. Nem bilong dispela kunai em "Kutwi".

Ol man long tupela ples Witupe i lukim olsem na ol i save dispela paia i mas kamap stret long kunai bilong ol. Na ol pipel bilong Giniambu i statim dispela paia.

Hariap tru ol i kisim spia na ran i go banisim olgeta hap klostu long kunai. Tasol ol lain bilong Giniambu i ranawe i go pinis long ples bilong ol.

Wanpela man na meri tasol i wok long kisim pis i stap long liklik baret wara. Na



STORI bilong bipo bipo tru

ol lain Witupe i lukim olsem na kilim tupela. Bihain ol i tromoi bodi bilong tupela long kunai na paia i kukim.

Bihain ol i salim tok long ples Giniambu na toksave olsem ol i kilim wanpela meri na man bilong ol pinis. "Sapos yupela i wari long dispela orait kam na yumi i pait long kunai." Ol i tok olsem na singsing wantaim i go bek long ples bilong ol.

Taim ol Giniambu i harim olsem, man ol i wari nogut tru. Na tu ol i bel kaskas stret na tok bai ol i bekim dinau.

Orait wanpela de ol man bilong Giniambu i pasim tok long pait wantaim ol Witupe.

Ol Witupe i harim olsem na ol tu i stretim olgeta samting

bilong pait na wet tasol i stap.

Long moning olgeta i bung long lain kunai. Ol man bilong Giniambu i kam wantaim ol liklik manki tasol.

Em nau ol i tromoi spia i go i kam na stat long pait. Ol i pait i go na wanpela man bilong Witupe 1 i kirap na sutim wanpela man Giniambu long ai bilong em stret. Nem bilong dispela man em Kapmandu. Tarangu man ya i pudaun na ol Giniambu i lukim olsem na ogeta i ranawe i go bek long ples bilong ol.

Ol lain ya i ranawe pinis na ol man bilong Witupe 1 na 2 i sekim gut tru olgeta hap bilong lain kunai. Ol sekim i go na lukim ol liklik manki tasol bilong Giniambu i hait i stap. Ol i kisim ol dispela liklik manki na kilim olgeta i dai.

Ol i stap i go longpela taim liklik na wanpela taim wanpela man bilong Witupe 1 i go long Giniambu. Man ya i kamap long ples na i lukim ol manmeri wantaim pikinini i wok long singsing i stap.

Em i lukim olsem na i go antap long wanpela kokonas we i stap klostu long wanpela bikmak. Em i go

antap long dispela kokonas na kisim ol trip kokonas.

Em i kisim ol dispela trip kokonas na tromoi i go daun long graun na kilim indai ol manmeri na pikinini long graun. Taim ol arapela manmeri i lukim olsem, ol i tokim wanpela man long go antap long kokonas. Nem bilong dispela man em Sasavi.

Sasavi tu i belhat stret na tok long go antap na tromoi dispela man Witupe 1 i kam daun.

"Yupela stap. Mi bai i go antap na kilim dispela man i kam daun. Ol Witupe i laik pilai kaskas long yumi a? Dispela man em mak bilong mi. Mi yet bai mi kilim em," em i tok olsem na i go antap long kokonas.

Sasavi i singaut olsem na givim sisti i go antap long dispela kokonas. Taim em i go antap long kokonas em singaut wantaim long tokples bilong ol Giniambu olsem,

"Sasavi Unire! Kambu kambu!" Mining bilong dispela hap tok long Tok Pisin i go olsem, "Em mak bilong mi! Em mak bilong mi!"

Sasavi i singaut olsem na i go antap long kokonas. Tasol bagaros nogut antap



long kokonas i pulimapim ol trip kokonas long wanpela bilum na redi gut tru i stap.

Taim Sasavi i kamap klostu, em i kisim dispela bilum kokonas na putim long nek bilong Sasavi. Man hevi bilong kokonas i mekim na Sasavi i pudaun i go daun long graun.

Ol wantok bilong Sasavi i ting olsem Sasavi i paitim dispela man i go daun pinis. Tasol abrus ol i

kilim Sasavi nogut tru long graun na em i dai.

Na bagaros nogut bilong Witupe 1 i go daun isi tasol na ranawe i go bek long ples bilong em.

Taim em i kamap long ples, em tokim ol arapela man long wanem samting em i bin mekim na olgeta i amamas nogut tru.

Dispela stori tumbuna i pinis olsem.


Long taim bilong ol tumbuna long bipo, ol pipel bilong Witupe 1 na 2 i bikpela birua

stret bilong Giniambu. Olsem na long dispela taim, bikpela pait bilong bus na graun i save kamap namel long ol taim.


Tasol tude mipela ol pikinini i no save kros na pait olsem. Mipela i save pren wantaim na lus tingting long ol dispela samting bilong bipo.

Em tasol liklik stori bilong mi.



Isaac Wamakuara, Witupe No. 2 Village, Sepik Plain, Patrol Post Yangoru, Wewak-ESP.



ONLY ONE OF THE FOUR PIECES ABOVE FITS THE PICTURE BELOW. WHICH IS IT? ANSWER here




USING A RULER, TRY TO DRAW THREE STRAIGHT LINES DIVIDING THIS PICTURE INTO SIX PARTS, EACH CONTAINING THREE DARTS.



THE FIVE FRAGMENTS ABOVE ARE FROM THE PICTURE BELOW.

THE FIRST PIECE MATCHES THE AREA F2. WHEREABOUTS DOES THE SECOND, THIRD, FOURTH, AND FIFTH PIECE MATCH IN?



**WANTOK**

**TOKSAVE**

**BOKIS  
252500**

pes 20

**PABLIK NOTIS**

PORT MORESBY  
AMATEUR ATHLETIC ASSOCIATION  
FUNDRAISING DANCE

VENUE : BUMPERS RESTAURANT  
DATE : MAY 13, 1989  
TIME : 7.00PM TILL LATE  
GATE FEE: LADIES - K5.00  
GENTLEMEN - K7.00

MUSIC PROVIDED BY:  
HOT WHEELS MOBIL DISCO

EVERYONE IS WELCOME

DANCE DANCE DANCE  
COME AND ENJOY  
THE DANCE & SUPPORT ATHLETICS

**TOKSAVE**



**LAKI LOTTO  
RESULT OF DRAW N° 14  
FOR TICKETS N° A-004**

**WINNING NUMBERS:-**

**4 6 16 18 21 23**

**SUPPLEMENTARY NUMBER - 26**

If you have 4 or more numbers correct — you have just won a prize. To win K31,943.00 — you must have all six (6) winning numbers correct.  
For more prizes see your Wednesday's paper (this week)  
INSTANT LOTTERY  
MORE AND MORE WINNERS ARE TURNING UP THESE DAYS TO COLLECT PRIZES WON FROM THEIR \$5 or K1.50 INSTANT LOTTERY TICKETS (LAKI TICKETS)

**TALK ABOUT CASH IN A FLASH—WELL THIS IS IT— GO GET YOUR LAKI TICKET NOW!!**

**TOKSAVE**

**PROJECTS TRAINING AND CONSULTANCY SERVICES**

**HEI - WANTOK - YU SAVE TU ?**

Dispela bisnis bilong yu, em yu ronim gut o nogat ? Sapos yu no ronim gut, mi laik toksave olsem mi statim pinis wanpela skul bilong givim yu moa save long ronim gut dispela bisnis bilong yu. Olgeta Topik o Sabjek, em mi raitim na skulim yu long tok pisin. Kam tasol na save moa long sampela toktok, long kos oskul fi na yu ken lainim planti gutpela samting. Dispela skul bai stap long administrativ Koles. Bai mi lukim yu long olgeta mun olsem:

- Wik 1 - Selektim yu husat inap long kam long skul
- Wik 2 - Skul long klasrum
- Wik 3 - Skul long klasrum
- Wik 4 - Skul long wok stret

Hariap, i no gat inap spes olsem na bai yu husat i kam pas-taim bai laki stret long go na i stap insait long dispela skul.

Long mekim apoinmen, ringim  
Napoleon Chapau  
long Ph: 25 2433 o 25 2548 ext. 29 o 25 6133 ext. 235

**PABLIK NOTIS**



**SALIM OL LO-KOS HAUS  
LONG PIPEL I STAP PINIS  
LONG HAUS**

Ating yupela olgeta i save gavman bilong Namaliu i orait pinis long salim ol Lo-Kos haus bilong Nesenel Hausing Komisn, long ol pipel i stap pinis long haus, long prais i daunbilo.

Klostu olgeta NHC haus bilong rent long olgeta senta i redi pinis long baim. Em sapos lan ya i gat lis gavman inap tilim long ol pipel i laik baim haus.

Ol pipel i laikim haus i mas sitisen bilong Paua Niugini. Na tu ol pipel i laik baim i no inap papa bilong wanpela arapela haus long taun o hap papa bilong sampela haus o

kisim pinis wanpela haus long wanpela program we em i baim haus long prais i daunbilo.

Sapos gavman i orait long yu long baim wanpela haus orait mipela inap stretim tru pe bilong haus wantaim yu taim mipela sekim ol rent yu baim pinis bilong haus. Na tu sapos yu inap baim haus wantaim mipela ken daunim pe tu.

Sapos yu rentim haus na yu laim baim dispela haus orait kam lukim NHC Sales Opis long Tokarara, Nesenel Kapital Distrik.

Rait i kam long  
P O Box 1550  
BOROKO, NCD  
Telepone 24-7205/24-7300/ 24-7301

**PABLIK NOTIS**

**PABLIK NOTIS**

**SEKIM HOOVER BILONG YU**

Sapos yu gat wanpela Hoover Turbo Pawa Lark Model namba U218, U1252, U1264 o U1266 ol i wokim bihain long mun Januari 1985 yu no ken yusim moa inap wanpela sevisman bilong Brian Bell sevis senta i kam lukim masin bilong yu.

Namba bilong masin yu ken painim long wanpela plet ol i pasim long baksait long mota. Yu inap lukim gut sapos yu daunim han bilong masin.

Mipela painimaut pinis sampela rop bilong pawa oi i no pasim gut na rop inap bruk taim yu wok wantaim masin.

Brian Bell & Co. Pty Ltd  
Sevis Depamen  
Morata Street  
Gordon  
Port Moresby

Long Goroka, Edward St., Hagen - Paraka Place,  
Lae - Malekula St., Rabaul - Vulcan Street.

**Mi save stap long ples...tasol pikinini bilong mi save baim Wantok Niuspepa na karim i kam na mi save ritim na painimaut wanem samting save kamap long taun!!**



# Pablik Notis

Sapos yu laik edvataisim  
Toksave, Painum Wok,  
Pablik Notis, Ruqim.  
**Miria Ravao**  
Telepon: 25 2500  
Ext. 217.

TOK SAVE LONG SALIM OL LO KOS HAUS BILONG GAVMAN NA NESENEL HAUSING KOMISIN  
LONG OL MAN I STAP PINIS LONG HAUS

## MINISTRI OV HAUSING

Tok save i go long olgeta pipel na long ol dispela man i sindaun pinis long ol Lo Kos haus bilong gavman na NHC. Gavman bilong Namaliu i laik salim olgeta dispela haus stat long 29 Mas, 1989.

Planti pipel i ting na ol i bilip olupela gavman i laik tilim ol Lo Kos haus nating long ol pipel. Tasol mipela laik tok aut long ol pipel na ol man i stap pinis long haus, gavman i pasim tok pinis long salim ol haus bikos gavman i tingting long olgeta pipel insait long kantri. Ol lain ya i no gat haus na i stap nating na tu ol pipel i sindaun pinis long haus.

Mipela laik tok aut klia nau long ol Lo Kos haus:

1. Long ol tingting bilong olupela gavman long givim haus nating long ol pipel i sindaun pinis long en samting i go olsem:-
  - 1.1 Pastaim yumi harim dispela tok yumi ting bai gavman i givim natng haus i go long ol pipel.
  - 1.2 Yumi ting ol pipel i sindaun pinis long haus i no mas baim haus na ol inap stap inap ol i kisim pinis graun na haus.
  - 1.3 Ol pipel bai kisim haus wantu.
  - 1.4 Tasol gat liklik lain, wan pesen long ol pipel, bai kisim haus.
2. TASOL
  - 2.1 Ol haus i no fri tru na ol pipel i no inap kamap papa tru bilong haus bikos:  
Ol i mas baim -  
a) stem duti, b) ol pepa wok,  
c) baim dispela namba tu prais bilong haus aninit long toktok bilong nesenel gavman na NEC.
  - 2.2 Nesenel Gavman na NEC bai lusim 20 milien kina sapos ol i tilim haus olsem ol haus gavman i tilim nating long wan pesen long ol pipel i tekewe pawa long gavman long wokim nupela haus long mani ol i kisim long ol dispela olupela haus.
  - 2.4 I no stret sapos yumi givim haus nating long ol taim planti arapela pipel i stap aninit long wanpela arapela plen (olsem Morgan plen na plen i kam bihain long Morgan). Olsem sampela i baim haus na sampela i kisim nating haus taim ol i putim liklik mani long baim ol duti na pepa wok.
  - 2.5 Ol haus gavman i tilim nating bai i

stap long nem bilong gavman na ol papa bilong haus i no inap rausim o wokim nupela samting long dispela graun.

- 2.6 Ol haus gavman i tilim nating gavman i no inap stretim moa o skruim i go bikpela o mekim wanpela wok long en.
- 2.7 Ol haus gavman i tilim nating bai i hat tru long papa long givim long pikinini bilong em bikos haus i bilong gavman na NHC na ol i mas tingim ol lo bilong ol skwata.
3. Maski haus i fri tru i gat yet ol lo i bosim ol kain presen olsem. Na papa bilong haus i mas baim ol takis o arapela samting aninit long lo.
  - 3.1 Takis long kain presen olsem haus i bikpela. Taim ol i skelim takis ol i lukim pe tru bilong haus na ples haus i sanap long en. Na takis i bihainim ol dispela samting.
  - 3.2 Sapos ol pipel i kisim haus nating na i no baim takis kwik gavman inap tekewe dispela haus olgeta long ol pipel i sindaun pinis long haus. Olsem ol bai lusim haus olgeta.
4. Sapos yu tingim ol dispela samting bai yu ken save tingting bilong gavman bilong Namaliu i gutpela tingting na i wok long helpim planti pipel.
  - 4.1 Nupela we long tilim haus i tok aut long pe bilong haus na graun na hamas mani gavman i rausim long pe bilong haus olsem ol pipel i stap long haus inap baim.
  - 4.2 Nupela we i gutpela tru bikos i helpim tru long pipel na ol pipel inap kamap papa tru bilong haus.
  - 4.3 Nupela we i helpim ol pipel long kamap papa tru bilong ol haus na ol i no mas hangamap long gavman. Ol i papa tru bilong haus na ol i ken bosim tru haus. Olsem ol pipel i no mas lukluk olgeta taim long gavman long stretim ol wari bilong ol.

Sapos yu laik save moa long ol dispela samting na sapos yu sindaun long wanpela haus olsem kam lukim Nesenel Hausing Komisn klostu long yu na toktok wantaim mipela, Mi,

**Mista Gerard Sigulogo, MP**  
**Minista bilong Hausing**

# Pablik Notis

Sapos yu laik edvataisin  
Toksave, Painim Wok,  
Pablik Notis, Rungin.  
Miria Ravao  
Telepon: 25 2500  
Ext. 217.



## KISIM SIKORSKY S-76A HELIKOPTA

Siaman bilong Nesenel Sekyuriti Etvaiser Kaunsil (SNAC) Mista Paul Bengo i no amamas long ripot i kamap long *Post Courier* long ol dispela toktok long kisim Sikorsky S-76A helikopta long helpim Defens Fos long mekim wok long Not Solomons.

Ripot i kamap long Mande, Me 1 na i tok Gavman i lusim K900,000 bilong kisim helikopta. Tasol pe tru bilong kisim helikopta em K120,000 long wan mun. Mipela kisim helikopta long 3 mun tasol.

I tru dispela S-76A bilong mekim wok bilong ol kampani tasol i no gat arapela helikopta i stap redi long dispela taim. Wanpela Bel 212 o wanpela Bel 412 bai kisim ples bilong em insait long wanpela wik. Na tu mipela i no lusim sampela mani moa long kisim dispela Bel helikopta.

Dispela Bel helikopta i winim tru S-76A na inap mekim kain kain wok. Tasol S-76A, maski ol i wokim bilong ol wok bisnis inap kisim 12-pela pipel olgeta. Na tu yu inap rausim ol sit sapos yu laik putim wanpela bet bilong bringim wanpela sikman i go long haus sik. Na tu mipela traim pinis na helikopta ya inap pundaun long ples nating long bus.

Nesenel Eksekutiv Kaunsil i skelim planti we long kisim helikopta long helpim PNGDF. Ol i tingting long kisim dispela Plis helikopta long helpim ol Defens Fos long Not

Solomons. Tasol inap nau mipela i no inap kisim.

Nesenel Eksekutiv Kaunsil i no inap kisim helikopta hariap. Orait ol i lukluk long ol kampani nabaut hia long PNG husat i gat helikopta. Tasol i gat trabol long Not Solomons na ol kampani hia long PNG i pret long larim ol Defens Fos i yusim helikopta bilong ol. Olsem Nesenel Eksekutiv Kaunsil i mas painim wanpela ovasis.

Mipela askim olgeta helikopta kampani insait long PNG long kisim helikopta bilong ol tasol ol i tok nogat. Mipela i askim Heli-Niugini long Not Solomons na long Goroka. Tasol ol i no inap givim wanpela helikopta long mipela long dispela taim long Defens Fos i yusim.

Na tu mipela i no inap kisim dispela Lone Ranger helikopta. Dispela helikopta inap karim 8-pela pipel.

Mipela inap askim ol Australia Defens Opisa long helpim mipela aninit long Join Deklaresen ov Principals tasol mipela i no askim ol.

Long 23 Epril wanpela Sikorsky S-76A helikopta i kam pinis long Australia na i stat wok long 24 Epril long Not Solomons. Dispela samt-ing em i wanpela namel long planti samt-ing gavman i wokim long bringim gutpela sindaun long ol pipel bilong Not Solomons provins.

# Pablik Notis

Sapos yu laik edvataisin  
Toksave, Patim Wok,  
Pablik Notis, Rinqin  
Miria Ravao  
Telepon: 25 2500  
Ext. 217

## PABLIK NOTIS



NESENEL HAUSING KOMISIN

## PABLIK NOTIS

Tok save i go long olgeta pipel i rentim haus bilong Nesenel Hausing Komis. Mipela inap stretim haus bilong yu taim yu askim mipela sapos:

- a) rental egrimen bilong yu i stret
- b) yu baim pinis olgeta rent bilong yu

JAMES VUIA SIMET  
Commissioner

## PABLIK NOTIS



NESENEL HAUSING KOMISIN

## PABLIK NOTIS

Tok save i go long olgeta pipel i rentim haus bilong Nesenel Hausing Komis. Mipela inap stretim haus bilong yu taim yu askim mipela sapos:

- a) rental egrimen bilong yu i stret
- b) yu baim pinis olgeta rent bilong yu

JAMES VUIA SIMET  
Commissioner

Sapos yu laik salim

TOK SAVE

MEMORI

TOK

AMAMAS

BETDE  
GRITINS

NA

KAIN KAIN  
GRITINS

Salim i  
kam long

WANTOK

TOKSAVE



## COCOA BOARD OF PAPUA NEW GUINEA

### Tok save i go long olgeta pipel i wok long kakao.

Em mun Me, nau em i taim tru bilong kakao. Tasol dispela K4 milien i stap yet long Kakao Stabalisesen Fan bai i pinis insait long sampela wik.

PNG Benging Kopresen, husat i lukautim mani bilong Fan i tok olsem. Stat long mun Me 1, 1989 olgeta pipel i salim kakao long ovasis i mas aplai long PNGBC beng long Rabaul long kisim dispela win mani bilong kakao.

Kakao Bot i laik bai ol kampani o pipel i wok long baim kakao i filim yet dispela win mani long ol pipel olsem ol i mekim oltaim. Bot bai toktok wantaim PNGBC na bihain tokaut long wanem taim tru ol i katim win mani na wanem taim tru ol i pinisim win mani olgeta.

Long dispela taim bai Kakao Bot olsem tokman bilong ol wok kakao bai paitim toktok wantaim ol wokman bilong gavman long kisim dispela K15 milien Nesenel Eksektyutiv Kaunsil i promis pinis long givim long Kakao Stabalisesen Fan long mose n 60/89 bilong ol. Tasol sori tru, Bot i no save long wanem taim tru ol inap kisim dispela mani.

JACK OCKLEY  
SIAMAN

# Hevi bilong ples pilai givim taim long Goroka

HEVI BILONG pilai graun i wanpela bikpela hevi nau bilong Goroka Soka Asiesen. Na dispela em bikpela as bilong stapim ol nokaut fainal gems bilong pri sisen resis.

Ol eliminesen fainal i mas kamap long tupela wik i go pinis tasol bikpela ren i bin bagarapim pilai graun bilong Nesenel Spots Institut (NSI). Olsem na NSI i stapim olgeta gem long kamap.

Goroka Soka Asosiesen i save insait long dispela kibung bai mipela i painimaut sapos dispela yia bai i gat pilai soka long Goroka o nogat, Siba i tok.

Siba i tok sapos ol komiti i pasim tok long pilai yet ating ol i skelim ol tim na rausim sampela tim na divisen.

Seketeri bilong Goroyusim pilai graun bilong NSI. Bikos Asosiesen i no gat pilai graun bilong em yet.



Presiden bilong Goroka Soka Asosiesen Peter Siba i tok NSI i laik redim nau ol pilaia graun long 1991 Saut Pasifik Gems.

Olsem na dispela i wanpela as bilong ol i stapim asosiesen long yusim pilai graun.

ol komiti bilong Goroka Soka Asosiesen i bin kibung wantaim bikman bilong NSI, Jastus Joseph.

ka Soka Asosiesen, Felix Paplis i tok, asosiesen i bin askim Goroka Haikul na Goroka Teknikel Koles long yusim pilai graun bilong ol. Goroka Haikul i tok olsem ol i no inap larim Goroka Soka

Asosiesen i yusim pilai graun bilong.

Na Goroka Teknikel Koles tasol i tok orait. Olsem na ating bai ol i yusim wanpela pilaia graun bilong olgeta gem.

Dispela hevi bai i stapim tu Goroka Soka Asosiesen long pilai insait long Hailans Rijonal Soka sempionsip. Dispela sempionsip bai i kamap long Wabag long Jun.

Bikos asosiesen bai i pinisim pri sisen resis bihain. Na bai i no gat inap taim long makim wanpela skwat.

Na tu bai i no gat inap taim long bungim inap mani bilong salim skwat.

# Morobe go pas nau long Mosbi

PRIMIA tim bilong Mosbi las yia lida, Guria i slek long pilai na liklik taim em i salim kaikai long Blue Kumuls.

Guria i bin kaikaim bun wantaim Blue Kumuls long namba wan gem bilong Sarere 29 Epril.

Ol pilaia bilong Guria i no kamapim gutpela gem bikos ol i no fit. Ol i pilai olsem ol man i ai slip yet.

Guria em wanpela tim insait long Mosbi soka husat i gat plan-ti intenesenel pilaia. Tasol ol pilaia bilong Blue Kumuls i givim strongpela salens stret na tupela i dro 1-1. Kosa bilong Guria mas tingting gut long dispela na givim strongela disiplin long ol pilaia bilong em.

Guria i kisim wanpela poin tasol na i go

daun nau long namba tu ples wantaim 8-pela poin.

Morobe United wantaim Westpac i bin ran bihain long Guria wantaim 7-pela poin.

Tasol las wiken ol pilaia bilong Morobe United i kamapim strongpela gutpela pilai na i autim Westpac 2-1. Olsem na Morobe United nau i abrusim Guria na i bosim namba wan ples long poin lata.

Westpac i stap yet wantaim 7-pela poin na i sindaun nau long namba tri posisen.

Bihain long Westpac em Milen Bay United wantaim University na Rapatona long 6-pela poin, Blue Kumuls wantaim 5-pela poin, Sobou wantaim GFC long 3-pela poin na Defence wantaim tupela poin, Sunam wantaim wan-

pela poin tasol. Wanzesi i no winim yet wanpela gem.

Gutpela gem bilong Sande i bin kamap namel long GFC na Milen Bay United. Dispela pilai i bin kamap strong tru long namba hap. Olsem na tupela tim wantaim i bin dro 0-0 bipo long haptaim.

Tasol long namba tu hap GFC i skoim tripela gol olgeta na i winim dispela gem 3-0.

Tupela yangpela pilaia, Desmond Waku na Raymond Charles i kamapim gutpela pilai stret long sait bilong GFC. Waku i putim tupela gol olgeta na Raymond Charles i putim narapela.

yet. Na liklik taim dispela i statim pait namel long ol sapota bilong ol.

Narapela gem bilong wiken i bin kamap namel long Rapatona na Sobou. Rapatona i laki na i winim dispela gem 2-1.

Sobou i gat gutpela sans long dro 2-2. Tasol ol i abrusim wanpela penelti kik.

Risal bilong ol arapela prima gem bilong las wiken em University i dro wantaim Sunam 1-1 na Defence i autim Wanzesi.

Na askim i go nau olsem olgeta U18 kosa i mas givim nem bilong 4-pela top pilaia bilong ol i go long asosiesen. Dispela bai i helpim asosiesen long makim hariap trening skwat bilong Mosbi sait.

## Mosbi Sokago bek gen long olupela sistem

PLANTI toktok i bin kamap long las yia long bringim bek kain sistem we Mosbi soka i bin yusim long bipo. Mosbi Soka i mekim olsem long dispela yia. Soka bilong Mosbi i olsem wanem nau?

I longtaim liklik yupela i no lukim dispela kolom. Nau mi laik kam bek na skelim wanem ol samting i save kamap olgeta wik. Skelim na autim tingting. Bihain yupela yet i ken stretim wanem we yupela i laikim Mosbi Soka i ken go.

### Prisisen

Long prisisen, i bin i gat kompetisen. Long dispela kompetisen, yumi lukim pes bilong planti ol liklik klap. Na bihainim ol dispela liklik klap, ol i bringim lain sapota bilong ol yet.

Olsem tasol, yumi lukim olsem PMSA i apim mak bilong mani we em i givimaut olsem praismani. Mi yet mi ting bikos planti manmeri na pilaia i kam lukim soka, PMSA i mekim planti mani. Na em i givim bek hap bilong dispela mani i go long ol tim i brukim bung long kik.

### Sisen Propa

Namba 4 wik bilong sisen propa i go pinis nau. Ating wan wan ol manmeri i save go kik o lukim kik insait long Bisini ples pilai i ken lukim wanem kain ol tenis i kamap.

Namba wan bikpela samting, em PMSA i putimaut tok pinis olsem bai givim praismani long wanem tim i gohet long poin long namba wan raun. Em bai top tim long wan wan divisen.

Olsem na planti ol tim i kik strong tru long winim ol dispela praismani. Long namba tu raun, em bai wankain tasol.



Narapela samting em i wok long kamap nau, em yumi lukim planti manmeri moa i wok long kam lukim ol kik nau.

Dispela samting bai kirapim bel bilong ol pilaia long kik strong moa. Orait, spaos tupela tim i kik strong long traime winim gem, reperi na tupela lainsman bilong em i mas lukautim gut tru gem.

Na PMSA tu i mas glasim kain kain we bilong lukautim gut tru ol manmeri i kam lukim pilai. Sindaunim ol gut na mekim ol i amamas. Sapos ol sapota i stat kirapim trabel, bai kain kain asua i kamap long asosiesen bilong yumi.


Wok bilong ol sapota em i bilong sindaun isi na amamas long kik bilong tim bilong yu. Sem taim yu yet i ken singaut long kirapim bel bilong tim bilong yu i kik gut.

Maski long lukautim wok bilong reperi na lainsman. Dispela i stat long ol toktok na tingting bilong mi. Long wan wan wik, bai mi traime lukim wanem ol samting i bagarapim soka o i apim nem bilong soka na stori long en.

Husat i laik autim tingting bilong em, plis yu i ken painim mi long Bisini o wanem hap na stori wantaim mi na bai mi ken putim tingting bilong yu insait long niuspepa.

Gutpela wiken long yupela olgeta soka manmeri long kantri. Na long ol pilaia - kik gut!

## Stail lain stret!



OHAIO - Amerika: Tom Foley bilong lain Montreal Expo i kalap long abrusim Jeff Reed bilong Cincinnati Reds long taim Reed i siksti go krungutim bes. Reds i bin winim dispela besbal gem 6-5.

## Lae Soka Dro

### LIG DIVISEN DRO

Sarere 6th Me, 1989

12.00	Morobe Utd	vs	Kunta
2.00	Defence	vs	Sobou
4.00	B Kumuls	vs	Borabora

Sande 7th Me, 1989

12.00	Mitif	vs	Buresong
2.00	Gaziga	vs	Faze
4.00	Guria	vs	Mopi

SKOA: Sarere 29th Epril 1989  
B/Kumuls 3 def Defence 1  
Buresong 2 def Mopi 1  
Faze 3 def Kunta 1

• Ol gem bilong Sande 30 Epril i no bin kamap

### LIG DIVISEN LATA

Buresong	10	Morobe Utd	7
Mopi	9	Borabora	7
B/Kumuls	9	Gaziga	7
Faze	9	Sobou	6
Mitif	8	Defence	5
Guria	8	Kunta	4

• Poin lata bihain long 8-pela gem bilong nambawan raun. Mopi, Faze, Mitif, Morobe Utd, Gaziga na Sobou i pilaim 7-pela gem tasol. Guria, wantaim Borabora i pilaim 6-pela gem tasol.

**NEW  
NITE TIME  
COMPETITION**

**BENSON  
CUP**

**and HEDGES**



**KAM LUKIM OL 8-  
PELA TOP TIM I  
PILAI LONG WINIM  
K12,000 PRAIS  
MONI!**

- LONG TRINDE 10TH, ME BROTHERS NA KONE TIGERS BAI PILAI.
- GET BH1 OP LONG 5.30 P.M. LONG LLOYD ROBSON OVAL.
- K1.00 TASOL LONG OL ARA-PELA PLES BILONG SINDAUN. K2.00 LONG GRANSTAN. OL MEMBA BAI FRI.
- GRET TRI GEM BAI STAT LONG 6.00 P.M. NA MAIN GEM BAI STAT LONG 7.15 P.M.





# Arawa soka bungim namba tri wik

LONG dispela wiken ol strongpela gutpela gem bilong Arawa Soka bai i kamap namel long Momase wantaim Sunam, Chebu wantaim Morobe United na Lorengau wantaim Rapatona. Seketeri bilong Arawa Soka Asosiesen, Paul Korua, i tok, ol dispela tim i bin kamapim strongpela gem tru long tupela wik i go pinis. Momase wantaim

Sunam bai i pilai long namba wan gem bilong Sande. Dispela gem bai i stat long 9 klok moning (lukim dro). Chebu wantaim Morobe United bai i kaikaim bun long 12 klok stret. Dispela bai i wanpela strongpela gem liklik. I no isi long makim husat bai i winim dispela gem. Bikos tupela wantaim i bin kamapim gutpela gem stret long las wiken. Tasol tim husat i mekim liklik asua

## ARAWA soka ripot

### Arawa Soka Dro

Sande 6th Me 1989.

Primia

Taim	Momase	Tim	Sunam
9.00	v		Halia
10.30	v		Morobe Utd
12.00	v		Guria
1.30	v		Rapatona
3.00			

tasol i gat bikpela sans long win. Husat tim i win tu bai i win long liklik skoa tasol. Sapos nogat, bai tupela idro.

Na Lorengau wantaim kompetisen lida, Rapatona bai i bung long bikpela gem bilong dispela wiken. Dispela gem bai i

kamap long 3 klok apinun. Las wik ol sol bilong Rapatona i kamapim gutpela strongpela gem na i autim Halia 4-0. Dispela em i helpim Rapatona long winim tupela gem bilong ol nau. Olsem na ol i go pas long poin lata wantaim 4-pela poin. Lorengau i bin dro tupela taim na i stap long tupela poin yet. Las wik tasol ol i dro wantaim Morobe United. Rapatona i gat

bikpela tingting long winim dispela gem na go pas yet long lata. Tasol Lorengau tu i gat wankain tingting ya. Tupela tim wantaim i kamapim strongpela gutpela gem long tupela wik i go pinis. Resis i stat au tasol na yumi i no save gut long strong bilong wan wan tim yet. Asosiesen i makim pinis senia skwat bilong go kik long Manus long Niugini Ailans Rijonal tonamen. Kik bilong dis-

pela tonamen bai i kamap long Kwins Betde wiken long mun Jun. Keruwa i tok, ol tim ya i trening gut tru na i redi tasol long dispela kik.

### Arawa Soka Asosiesen Poin Lata

Rapatona	4
Mungkas	4
Guria	3
Morobe Utd	3
Sunam	2
Lorengau	2
Oro	1
Momase	1
Chebu	0
Halia	0

## PORT MORESBY SOCCER ASSOCIATION Mid-Week Draw

Week Two

TUESDAY 9TH MAY 1989

Time	Division	Ground	Fixture
5.00	1ST	B1	T Defence v Verave
5.00	1ST	B2	BFC v Kula

WEDNESDAY 10TH MAY 1989

5.00	1ST	B1	Steamship v Nali
5.00	1ST	B2	Maset v Golo

Week Three TUESDAY 16TH MAY 1989

5.00	1ST	B1	Air Niugini v Losegu
5.00	1ST	B2	Bornd v Waliya

WEDNESDAY 17TH MAY 1989

5.00	1ST	B1	Katamani v Tarangau
5.00	1ST	B2	Ela United v Verave

Week Four TUESDAY 23RD MAY 1989

5.00	1ST	B1	Wanzesi v Kula
5.00	1ST	B2	T Defence v Nali

WEDNESDAY 24TH MAY 1989

4.00	1ST	B1	BFC v Golo
5.00	1ST	B2	Steamship v Maset

Week Five TUESDAY 30TH MAY 1989

5.00	1ST	B1	Air Niugini v Waliya
5.00	1ST	B2	Losegu v Tarangau

WEDNESDAY 31ST MAY 1989

5.00	1ST	B1	Bornd v Verave
5.00	1ST	B2	Katamani v Kula

Week Six TUESDAY 6TH JUNE 1989

5.00	1ST	B1	Ela United v Nali
5.00	1ST	B2	Wanzesi v Golo

WEDNESDAY 7TH JUNE, 1989

5.00	1ST	B2	T Defence v Maset
5.00	1ST	B2	BFC v Steamship

Week Seven TUESDAY 13TH JUNE 1989

5.00	1ST	B1	Air Niugini v Tarangau
5.00	1ST	B2	Waliya v Verave

WEDNESDAY 14TH JUNE 1989

5.00	1ST	B1	Losegu v Kula
5.00	1ST	B2	Bornd v Nali

Week Eight TUESDAY 20TH JUNE 1989

5.00	1ST	B1	Katamani v Golo
5.00	1ST	B2	Ela United v Maset

WEDNESDAY 21ST JUNE 1989

5.00	1ST	B1	Wanzesi v Steamship
5.00	1ST	B2	T Defence v BFC

# Sisen tru bilong Madang i stat nau

MADANG Soka Asosiesen bai i statim gen sisen propa resis long dispela wiken. Bikos las wik bikpela kik bilong Madang Kap i bin kamap.

Aron Mungalio i tokim Wantok Niuspepa olsem 16 tim olgeta i bin kik insait long Madang Kap resis. Mungalio em i Siaman bilong Gems Kaunsil Komiti na Het Kosa bilong Madang Soka Asosiesen.

Dispela resis i bin bihainim nokaut sistem. Olsem na nara-pela 8-pela tim husat i bin lus long las wiken bai i no inap kik moa long dispela resis.

Namba tu raun

bilong Madang Kap bai i kamap bihain long tripela wik. Olsem na 8-pela tim tasol bai i kaikaim bun gen long lukim wanem 4-pela top tim bai i go insait long maina na mesa eliminisen fainal.

Gutpela strongpela gem stret i bin kamap namel long Admiralty na Watabag. Tupela tim wantaim i bin kamapim strongpela gem tru. Tasol Admiralty i gat gutpela stail na ol i go pas long skoa 2-0 bipo long hap taim.

Na long namba tu hap ol pilaia bilong Watabag i kamapim strongpela pilai na dro 2-2. Dispela skoa i bin stap olsem bihain long kik bilong ekstra

taim. Admiralty i laki na i winim dispela gem 6-4.

Ol gem bilong sisen bai i stat gen long dispela wiken. Na Admiralty bai i givim namba tu mekimsave gen long Watabag long bikpela gem bilong dispela wiken.

Ol pilaia bilong Watabag i bel kaskas pinis olsem Admiralty i kilim ol nogut tru long las wiken long resis bilong Madang Kap.

Olsem na ol i redi gut nau long bekim dispela dinau.

I gat bikpela bilip olsem DCA Laden bai i givim gutpela gem stret long Mimlon. Tupela tim ya bai i bung long bikpela gem bilong Sarere.

## MADANG soka ripot

### Madang Soka Asosiesen

Primia Divisen Dro

Sarere 6 Me 1989

2.00	Madang Blues	v	Gala Utd
4.30	DCA Laden	v	Mimlon

Sande 7 Me 1989

12.45	Momase	v	Nabassa
2.00	Mopi	v	Panafun
4.30	Admiralty	v	Watabag

### Madang Kap Skoa

Sarere 29 Epril

Cath. Yth 5 def Nabassa

EPC fofit Safico

Mimlon 2 def Gala Utd 0

Royals 2 def Medics 0

Mopi 1 def Waskia 0

Sande 30 Epril 1989

Madang Blues fofit Lusman

Admiralty 6 def Watabag 4

DCA Laden def Panafun 1

# Ol rijon i redi long sempiansip bilong ol

## kam long pes 28

kamap long Popondetta.

Olgeta Komiti bilong PNGFA i pasim tok pinis olsem wan wan rijon bai i makim

wanem senta em ol i laik sempionsip bilong ol bai i kamap.

Ol senta bilong Noten Rijon i pasim tok pinis olsem kik bilong ol bai i kamap long Wewak o Lae.

Seketeri bilong LFA, Yanding Yawasing i tok, sapos Wewak i no inap long holim dispela sempiosip bai kik ya i kamap long Lae.

"Mi wet tasol long harim long tupela bikman bilong Wewak Soka, Alois Mathias na Jimmy Simatap. Tasol mi no kisim wanpela bekim yet

long tupela," em i tok. Wantok Niuspepa tu i no inap toktok wantaim Alois Mathias wantaim Jimmy Simatap long dispela samting.

Ol senta husat bai i kik insait long dispela sempionsip em Wewak, Madang, Lae na Lae Country. Tasol Lae Country tasol i

makim pinis skwat bilong ol.

Benson & Hedges kik bilong Ailans em Arawa Soka Asosiesen i winim ol arapela senta na i makim pinis skwat bilong ol.

Skwat i trening gut na i redi tasol seketeri bilong Arawa Soka Asosiesen, Paul Korua, i tokim Wantok

# Lido bai autim Borderroos

I GAT Lido i gat gutpela sans lay autim Borderroos long pri sisen gren fainal bilong Vanimo Soka Asosiesen.

Dispela gren fainal bai kamap long Sarere 6 Me long 3 klok apinun.

Tupela tim wantaim i bin kamapim gutpela gem long stat bilong pri sisen i kam inap nau. Olsem na i l tim husat i kamapim liklik asua long dispela gem bai i win long liklik poin tasol.

Bikos tupela tim wantaim i gat ol gutpela pilai.

Long tim bilong Lido em Robi Tati i go pas long ol pilai. Tati i bin kamapim gutpela gem stret long las wiken.

Na tu ol pilai bilong Lido i save kisim gutpela trening na kosa klinik long olgeta wik. Wanpela man bilong Irian Jaya i save kam long Vanimo na bosim trening na ol asasait bilong Lido tim. Lido na nan ol pilai bilong Lido i redi na i wet gut tru long dispela resis.

Ol komiti bilong asosiesen i no tokaut yet long wanem kain seremoni bai kamap long taim bilong bilong gren fainal.

Seketeri bilong Vanimo Soka Asosiesen, Gabriel Dekwalen, i tok Wantok olsem asosiesen i makim tasol ol tropi bilong tim husat i winim dispela gem.

Dispela tropi em Vanimo Forest Product

## VANIMO soka ripot

### Vanimo Soka Asosiesen Pri sisen gren fainal dro

Sarere 6 Me 1989

1.00 VFP Vs Ningra

3.00 Lido Vs Borderroos

kampani i bin baim na givim long asosiesen.

Namba wan gem bilong Sarere bipo long gren fainal bai i kamap namel long VFP na Ningra.

pp. 2

VFP wantaim Ningra bai i resis bilong namba tri na 4 ples. Gem bilong tupela bai i kamap long 1 klok apinun.

Jerry Kina bai i go pas long ol pilai bilong VFP. Jerry i save kamapim gutpela pilai tru taim em i kisim bal.

Olsem na ol beklain pilai bilong Ningra i mas was gut long em.

Mista Deckwalen i bilip olsem Lido bai i autim Borderroos na kisim namba wan ples. Na Borderroos bai i kisim namba tu ples.

Long resis bilong namba tri na 4 ples em VFP i gat gutpela sans long win, Dekwalen i tok.



•Ol yangpela bilong Yunivesiti i sambai wantaim yunifom long salensim Morobe Yunited long gren fainal bilong Goroka soka. Tasol i luk olsem pawa bilong Wopa i strong tumas na ol i lus. Foto: JOHN NANGUSAUSE

**Mosbi Soka Dro**

**PORT MORESBY SOCCER ASSOCIATION**

**Season Proper**

SATURDAY 6TH MAY 1989

Time	Division	Ground	Fixture
9.30	2ND	B1	Stone Axe v Air Niugini
11.00	1ST	B1	Verave v Wanzesi
12.30	1ST	B1	Tarangau v Ela Utd
2.00	1ST	B1	Waliya v Katumani
4.00	PREM	B1	GFC v T Defence
9.30	2ND	B2	Tarangau v Ese
11.00	2ND	B2	Palif v Pema
12.30	1ST	B2	Losogu v Bornd
2.00	1ST	B2	Nali v BFC
4.00	PREM	B2	Sunam v Morobe Utd
9.30	2ND	GFC	Elcom v Mana
11.00	2ND	GFC	Lukang v BFC
12.30	2ND	GFC	Mapos v Sapphire
2.00	P/RES	GFC	Sunam v Morobe
3.30	P/RES	GFC	GFC v T Defence
12.00	U18	DEF	Sunam v Morobe Utd
1.30	WOM	DEF	Morobe Utd v Waliya
3.00	WOM	DEF	Milne Bay v Wanzesi
4.20	SEC.	DEF	Markham v Country C.

SUNDAY 7TH MAY, 1989

Time	Division	Ground	Fixture
9.30	P/RES	B1	Rapatona v M Guria
11.00	P/RES	B1	Sobou v Uni
12.30	1ST	B1	Kula v T Defence
2.00	PREM	B1	Rapatona v M Guria
4.00	PREM	B1	Sobou v Uni
9.30	P/RES	B2	Westpac v Wanzesi
11.00	1ST	B2	Air Niugini v Maset
12.30	1ST	B2	Golo v Steamship
2.00	PREM	B2	Westpac v Wanzesi
4.00	PREM	B2	B Kumul v Milne Bay
9.30	U18	GFC	B Kumul v Milne Bay
11.00	U18	GFC	Westpac v Wanzesi
12.30	U18	GFC	Sobou v Uni
2.00	U18	GFC	Rapatona v Guria
3.30	U18	GFC	GFC v T Defence
11.00	WOM	DEF	Sobou v Kula
12.30	WOM	DEF	Westpac v GFC
2.30	WOM	DEF	Guria v T Defence
4.00	P/RES	DEF	B Kumul v Milne Bay



• Lukaut long Blu Kumul. Hia em David Mune i kalap resis wantaim ol Guria long bal. Em tasol i hetim gol na klostu i autim Guria. Tupela tim i dro 1-1. Poto Joe Kau

**Manus i ful memba bilong PNGFA nau**

MANUS Soka Asosiesen bin i kamap ful memba bilong PNG Futbol Asosiesen long asde (Trinde 5 Me).

Seketeri bilong Manus Soka Asosiesen, Charles Sinel, i tokim Wantok olsem ol i salim K1000 afilaisen fii go pinis long seketeri bilong PNGFA, Andrew Waho, long Trinde apinun.

Waho i tokim Wantok Niuspepa olsem em i wet tasol long kisim dispela mani.

Olsem na Manus Manus Soka Asosiesen i redi nau long makim tupela tim bilong U19 na Niugini Ailans Rijonal sempionsip.

Kik bilong U19 sempionsip bai i kamap long Rabul long wiken bilong Me 26.

Kik bilong Niugini Ailans Rijonal sempionsip bai i kamap long Manus yet. Dispela kik bai i kamap long Jun 17 na pinis long 19 Jun.

Gutpela gem bilong Manus Soka long las wiken i bin kamap namel long Manus Haiskul wantaim Guria 2 na Waterfall wantaim Bolligas.

Gem namel long ol studen bilong Manus Haiskul wantaim Guria 2 i bin wanpela strongpela na gutpela gem stret long lukim.

Yu save ol yangpela studen i gat planti stail bilong pilai soka ya. Olsem na ol i wilwilim stret ol lapun bilong Guria 2 na i winim dispela gem 3-1.

Narapela gutpela gem i bin kamap namel long Waterfall na Bolligas.

**Ol hatpela pilai kamap long Lae**

GUTPELA strongpela gem bilong LFA las wiken i bin kamap namel long kompetisen lida, Mopi na primia tim bilong las yia, Buresong long Sarere apinun.

Buresong i go insait long fil wantaim ol gutpela sevis pilaia olsem Kule Matu long midfil wantaim tupela straiika David Laviong na Roy Banga na golkipa Kepas.

Kepas i bin golkipa Baiya bilong wanpela namba wan divisen tim. Tasol dispela sisen em i was nau long umben bilong Buresong.

Kepas i bin stapim tripela gol olgeta. Dispela tripela gol inap long helpim Mopi i winim dispela gem. Olsem na Kepas tu i bin givim bikpela hatwok stret na Buresong i winim Mopi.

Buresong i go insait long fil wantaim planti sevis pilaia. Olsem na ol i paulim na wilwilim stret ol yangpela blut bilong Mopi.

Tasol Eric Nuwo na ol boi Mopi i no wari long dispela. Ol i givim strongpela salens stret long Buresong.

Yangpela Saki Anio i bin kamapim gutpela pilai stret long banisim umben bilong Mopi. Saki Anio em i yangpela brata bilong wanpela olupela intenesenel pilaia, Manuel Anio.

Namba wan gol bilong Buresong i kamap long hatwok bilong Sangio. Sangio em wanpela U19 representativ pilaia bilong Lae.

Sangio i kisim gut dispela bal na givim long wanpela straiika. Dispela straiika i kisim bal ya na salim stret long umben bilong Mopi. Dispela gol i bringim Buresong i go pas long skoa 1-0.

Gem i bin kamap strong tru na skoa i stap olsem i go inap hap-

taim.

Long namba tu hap Mopi i kamapim strongpela pilai tru long dro wantaim Buresong.

Tasol golkipa bilong Buresong, Kepas i stapim planti gutpela gol em ol straiika bilong Mopi i kikim.

Klostu gem i laik pinis na Buresong i skoim namba tu gol bilong em long winim dispela gem, 2-0.

Ol gutpela pilaia bilong Buresong long dispela de em Roy Banga wantaim David Laviong na yangpela Sangio. Na Sagi Anio wantaim Eric Niwo i bin long fowatlain i pilai strong tru.

Namba wan gem bilong Sarere i bin kamap namel long namba tri kompetisen lida, Blue Kumuls na Defence. Blue Kumuls i strong na i winim dispela gem 3-1.

Seketeri bilong LFA, Yanding Yawasing i tok, Defence em i wanpela tim husat i gat ol gutpela fit pilaia.

Planti pilaia bilong Defence em ol soldia boi. Olsem na ol i save kisim gutpela trening na esesais.

Tasol wanpela samting i asua long gem bilong ol. Ol i save laik kikim bal i go antap tumas. Olsem na ol pilaia bilong Blue Kumuls i yusim dispela asua long winim Defence.

Bikpela gem bilong Sarere i bin kamap namel long Faze na Kunta.

Pilaia kosa Gipi i go pas long ol yangpela pilaia bilong Faze na i bagarapim stret sindaun bilong Kunta. Faze i winim dispela em 3-1. Dispela tripela gol i kam stret long lek bilong Gipi.

Olsem na ol arapela tim i mas lukaut gut long Gipi taim ol i bungim Faze long fil. Bikos dispela kain bilong wanpela man tasol i putim tripela gol long wanpela gem em mak nogut ya.

**BAND-AID Strip**  
(BRAND)  
**Bai lukautim na pinisim ol sua.**



Bilong pasim ol dispela liklik sua, yusim Band-Aid\* Bren Strip. Band-Aid\* Bren Strip i save pas gut long skin na lukautim ol liklik sua i no ken kamap bikpela.

TRADE MARK - LA 1988

HRD 8821

**Johnson & Johnson**

# WANTOK SOKA NIUS

## Buresong i go pas long Lae soka

PRIMIA tim bilong las yia, Buresong i abrusim Mopi na i go pas nau long poin lata bilong LFA bihain long ol i autim Mopi 2-0. Buresong wantaim Mopi i bin kaikaim bun long bikpela gem bilong Lae soka las wiken.

Buresong nau i go pas long lata wantaim 10-pela poin olgeta. Na Mopi i ran bihain wantaim 9-pela poin tasol.

Tasol Mopi i gat gutpela sans yet long abrusim Buresong long lata. Dispela em sapos em i win long dispela wiken na Buresong i lus long dispela wiken.

Tasol sapos tupela tim wantaim i lus long dispela wiken bai dispela i givim gutpela sans stret long ol arapela tim olsem Blue Kumuls, Faze na Guria long bungim tupela.

Bikos nau yet Blue Kumuls wantaim Faze i sindaun bihain tasol wantaim 9-pela poin na Guria i ran bihain wantaim 8-pela poin.

Olsem na gutpela gem stret bilong

lukim long dispela wiken bai i kamap namel long namba tu kompetisen lida, Mopi na rana ap bilong las yia Guria.

Tupela tim ya bai i bung long bikpela gem bilong dispela wiken long Sande (lukim dro).

I gat bilip olsem dispela gem bai i kamap strong long tupela sait wantaim. Bikos tupela tim wantaim i gat strongpela tingting long winim dispela gem.

Ol pilaia bilong Guria i bin malolo gut tru long las wiken. Bikos bikpela ren i bin kamap na ol i no bin pilai. Olsem na ol i redi tasol long givim bikpela mekimsave long ol yangpela blut bilong Mopi.

Guria bai i go aut wantaim ol gutpela sevis pilaia bilong em. Tasol Mopi i gat planti gutpela junia ripresentativ pilaia bilong Lae.

Olsem na ol bai i givim gutpela gem stret long Guria olsem ol i bin mekim long Buresong las wiken.

I gat bilip olsem ol yangpela blut

### LAE soka ripot

bilong Mopi bai i winim dispela gem long spit na long liklik poin tasol.

Bikpela gem bilong Sarere bai i wanpela gutpela gem tu bilong lukim. Dispela gem bai i kamap namel long Blue Kumuls na Borabora long 4 klok apin-un.

Tupela tim wantaim i save pilai klas futbol. Na tu tupela wantaim i gat planti sevis pilaia.

Olpela intenesenel pilaia Meremo Goropa bai i go pas long Blue Kumuls. Na ol pilaia bilong Borabora i mas was gut long em. Bikos long strong bilong em na Blue Kumuls i stap antap liklik long lata bihain long Mopi.

Ol arapela gem bilong Sarere bai yu lukim ol Finsafen nogut bilong Morobe United i nilim Kunta na Defence bai i skulim Sobou.

Sobou i gat planti U19 representativ

pilaia. Na ol i mas kamapim gutpela gem nau long winim dispela gem.

Ol pilaia bilong Defence i save kisim gutpela trening na ol i save kamapim strongpela pilai long olgeta gem. Tasol ol i mas tingting long pilaim ol graun bal tasol. Bikos planti taim ol i save pilaim ol hai bal. Na dispela i ken givim gutpela sans long Sobou i win.

Kompetisen lida, Buresong bai i bungim Mitif long namba wan gem bilong Sarere.

Ol pilaia bilong Buresong i save long wanem samting ol i mas mekim long winim dispela gem. Tasol ol i no ken daunim tumas pawa bilong Mitif.

Bihain long dispela gem Faze bai i givim gutpela mekimsave stret long Gaziga. Pilaia kosa, Gipi bai i go pas long ol pilaia bilong Faze. Las wik em i bin skorim 3-pela gol egensim Kunta. Olsem na ol pilaia bilong Gaziga i mas lukaut gut long em.

## Ol top tim bilong Mosbi i slek nau

TUPELA gutpela bikpela gem bilong Mosbi soka long dispela wiken bai i kamap namel long Rapatona wantaim Guria na Sobou wantaim University long Sande 7 Me.

Guria em i wanpela tim insait long Mosbi soka resis husat i gat planti intenesenel

pilaia. Tasol ol i wok long slek liklik nau na ol i dro wantaim ol yangpela manki bilong Blue Kumuls 1-1 las wiken Olsem na ol i lusim namba wan posisen na i go daun nau long namba tu ples.

Tupela tim wantaim i bin go insait long eliminesen fainal bilong las yia.

Tasol dispela wiken em sans bilong Guria long autim Rapatona na strongim yet posisen bilong em long namba tu posisen. Bikos Morobe United bai i bosim gen poin lata long dispela wiken. Long wanem ol ol i pilaim Sunam na bai i gat isi sans long kisim tupela moa isi poin.

Guria i no ken kisim Rapatona olsem wanpela isi tim. I tru olsem Rapatona i lusim pinis sevis bilong ol olpela pilaia. Tasol Rapatona i winim tupela gem pinis na i laik winim tu dispela gem.

Sobou wantaim University bai kamapim wanpela strongpela gem tru. University i winim tupela gem pinis na Sobou i winim wanpela tasol. University i dro wantaim Sunam 1-1 long las wiken. Na Sobou i salim kaikai long Rapatona 2-1.

Olsem na i no isi long makim husat bai i winim dispela gem. Tasol tim husat i no kamapim planti asua bai i winim dispela gem.

Gutpela bikpela gem bilong Sande bai i kamap namel long Blue Kumuls wantaim Milen Be United. Tupela tim wantaim i pretim pinis ol top tim long stat bilong sisen i kam inap riau.

Na nau em i taim bilong tupela stret long bung. Olsem na wanpela strongpela gem stret bai i kamap namel long tupela.

Long ol arapela primia gem bilong dispela wiken em GFC bai i autim Defence, Morobe United bai i autim Sunam na Westpac bai i autim Wanzesi.



• Adam Lema i tok waem ol pusi i laik skrapim mi. Em tu i soim pawa na hetim gol. Ol Guria i bekim na tupela tim i dro.



• Fulbek bilong Blu Kumul Joe Eladona i apim han nating. Em i ting em i hetim go tasol i abrus. Em i taitim bun tru long helpim Blu Kumul i win.

## Ol rijon i redi long sempiansip bilong ol

PLANTI senta nau i redi long bikpela kik bilong Benson & Hedges Rijonal Soka sempionsip.

Dispela sempionsip bilong painim 4-pela top tim bilong wan wan rijon. Na dispela 4-pela top tim bai i resis long winim PNGFA Kap long 1990.

1989 kalenda bilong PNG Football Asosiesen i tok dispela kik bai i kamap long Jun 10-12.

Tasol Seketeri bilong PNGFA, Andrew Waho i tok ol i senisim pinis de bilong sempionsip.

Dispela sempionsip bai kamap nau long Jun 17-19 em long Kwins Betde wiken.

Ol senta husat i laik kik insait long dispela sempionsip i mas baim hariap K1000 afiliaten fi wantaim K1 fi bilong olgeta pilaia. Dispela strongpela tok lukauti kam long Seketeri-Jenerel Andrew Waho.

Bihain long dispela olgeta senta i mas baim K50 nominesen fi tu sapos ol i laik pilai insait long sempionsip. Dispela lo i karapim olgeta tonamen bilong PNGFA, Andrew i tok.

Em i tok moa olsem ol senta husat i laik pilai insait long Nesenel U19 sempionsip long Rabaul i mas bihainim tu dispela lo bilong asosiesen.

Ol provinsal soka asosiesen husat i laik kamap ful memba bilong PNGFA i mas baim ol dispela fi bipo long Sarere 13 Me 1989. Dispela em long taim PNGFA bai i holim AGM bilong long Goroka.

Benson & Hedges Rijinel sempionsip bai i kamap long 4-pela pul olgeta. Ol dispela pul em Ailans, Noten, Hailans na Sauten rijon.

Kik bilong rijon Ailans bai i kamap long Lorengau, Noten rijon bai i kamap long Wewak o Lae, Hailans rijon bai i kamap long Wabag na, kik bilong Sauten rijon bai i

i go moa long pes 26



Rugby

NOT TO BE SOLD

# LEAGUE

Issue Namba 13, Fonde 4 - 10 Me, 1989

News

## Asosiesen i nogat bal

### RABAU

OL NUPELA opisal bilong Rabaul ragbi lig i mas traim long saplaim bal long taim bilong pilai. Olgeta taim ol i save strong long ol tim long kisim bal tasol dispela kain pasin i no save wok gut.

Planti ol klap i save kisim ol opela bal na tu sampela taim ol i save kisim ol giaman bal bilong ol pikinini. Na dispela i soim tru olsem dispela kain pasin i no gupela tumas long strongim ragbi lig.

Dispela kain pasin i ken giaman ol pilaia na ol i no inap pilai gut. Arapela samting

tu Rabaul Ragbi Lig i save stilim nating mani bilong ol sapota i kamap long lukim gem.

Planti taim ol pilai i stap bikos ol pilaia i kikim bal i go ausait. Na tu ol kepten i save autim wari bilong ol long bal. Bikos planti taim ol bal ol i yusim i no gupela tumas.

Wanpela ragbi lig sapota i tokim RLN olsem, "Ol i save baim mani long lukim pilai. Tasol asosiesen i no baim bal na dispela i stapim ol gem long kamap."

Em i tok ol i save mekim wanem long mani em ol i kisim long get. Planti sapota i save go insait long

lukim pilai na ol i mas gat planti mani tru.

Rabaul Ragbi Lig na Is Nu Briten Spots Atoriti i mas pilim sem ya. Bikos ol i no mekim gut wok bilong ol long saplaim ol bal. Ol i giamanim ol sapota bilong ol.

RLN i no inap kisim toktok bilong olpela presiden Amos Warekey. Tasol wanpela sinia opisal i tokaut olsem taim asosiesen i givim bal, ol bal i no save kambek. Ol bal i save kamapim lek na go wokabaut long laik bilong ol yet.

Arapela samting tu em tupela toilet aninit long grensten i sting nogut tru. Planti taim

ol smel nogut bilong tupela toilet i save bagarapim ol sapota na pilaia.

Dispela ol toilet i

bilong yia wan yet.

Sapos yu askim wanpela opisal bilong ragbi lig, ol bai tokim yu olsem em samting

bilong Spots Atoriti.

Ol Spots Atoriti i les long wokim toilet bikos pe bilong stretim ol samting i

bikpela tumas.

Mausman bilong Spot opis i tokaut olsem dispela ol toktok long toilet i bagarap i no tru.



• Pilaia bilong Magani i givim strongpela takol stret long wanpela pilaia bilong Paga Panthers. Tasol ol Panthers nogut i kam bihain na rausim ol Magani.

### Yangpela boi i dai

WANPELA Anda 17 pilaia husat i save pilai ragbi i dai las wik long Kavieng. Em i save pilai long Sea Eagles klap. Nem bilong man ya em Mark Passingan na em bilong ples Mangol klostu long Kavieng taun.

Ol i bin bamim Passingan taim klap bilong em i bin pilai egens long Snafu. Tupela tim i bin dro 10-10. Ol i kisim em i go long haus tasol em i dai taim em i wetim ol dokta.

Dispela em i namba 3 taim nau dai i kamap insait long Kavieng. Dispela em i bikpela namba tru insait long rekot bilong PNGRFL.

Ol Kavieng Lig opisel i askim olgeta klap long lukautim gut ol pilaia. Em i min olsem wanem kain ol samting olsem medikel tes i mas kamap long olgeta pilaia.

Insait long ol arapela gem i bin kamap, Muruks i mekim save long

Tarakum 42-22. Tasol long wik bipo, Muruks i waraim Sea Eagles 52-16.

Kosa bilong Muruks Nerrius Boas i tok em i bekim tru dinau. Ol opisel i lukdaun long em na i no makim em long lukautim skwat bilong Kavieng.

Em i tok em i kisim helpim tru long Luke Temeutein na dispela i helpim tru tim bilong tupela, Muruks. Na ol i sindaun pinis long winim taitel.

Nau yet Muruks i go pas long 6 poin, Snafu i bihainim long 3 poin, Tarakum 2 na Sea Eagles long 1 poin. Brothers i no brukim kiau yet.

Dispela wik Muruks na Snafu bai traim long painimaut husat i king tru bilong ragbi. Tupela sait wantaim i gat wankain strong long fowat na tu long beklain.



T.V, VIDEO, ANTENNA AND SATELLITE SALES AND SERVICE.

FOR THE BEST PRICE CONTACT

**TOLEC ELECTRONICS**

P. O BOX 822, LAE, MULA STREET,

PHONE: 42 4242 - 42 4253

# Strongpela tok lukaut Goroka i makim skwat

GOROKA ragbi lig i mekim strongpela tok lukaut long ol arapela tim insait long Hailans rijon. Oli mas redi gut na kam long dispela Hailans Inta jon sempionsip. Dispela sempionsip bai

kamap long Mt Hagen long 13-14 Me.

Oli opisal bilong Goroka lig i mekim dispela ol toktok bihain long oli tokaut long skwat bilong oli. Oli ting olsem dispela em i nambawan skwat.


Presiden bilong Goroka lig, Adian Kiage i tok ol selekta i bin kisim 5-pela awa olgeta. Oli makim 20 pilaia long trening skwat. Tasol ol bai makim tasol 17 pilaia long go pilai.

Lapun bilong Hailans rijon, Ken

Kemutafe bai go pas long tim. Oli selekta i makim em olsem kepten. Dispela tim bilong Goroka i gat ol bikipela na strongpela fowat olsem Yer Bom, Tuyo Evei, Robert Kuso, Peter Launa na Rogupe Roguo.

Sam Karara, Leslie

Hoffman, Oscar Zugu na Peter Kare bai go pas long strongim beklain bilong Goroka. Moa long tausen sapota tu bai go long Mt Hagen. Goroka Ragbi lig na sponsa bilong Goroka, Angco kampani bai lukautim haus slip.



• Tupela opisal bilong West i helpim wanpela pilaia husat i kisim bagarap long gem long las Sarere. West i autim Hawks 34-16.

## Ol studen bilong Australia bai kam pilai long Mosbi

IAN KAKARERE i raitim

WANPELA Katolik haiskul tim bilong Nu Saut Wels long Australia (NSW Catholic Combined High Schools) bai kam raun long Mosbi long mun Julai na Jun long dispela yia.

Dispela tim bilong ol yangpela ya bai salensim ol yangpela studen bilong Sentral na Nesenel Kepitel.

Seketeri bilong Nesenel Skulbois ragbi lig, Joe Aufa i tok olsem dispela ol lain bai pilaim 8-pela gem wantaim ol tim bilong Nesenel Kepitel na Sentral provins. NSW Katolik studen

bai kamap long Papua Niugini long Jun 25. Oli bai salensim Kilakila Haiskul long Llyod Robson Oval, Mosbi. Dispela gem bilong ol yangpela ya bai kamap long Tunde, 27 Jun long 3 klok apinun.

Long Fonde, 29 Jun 1989, ol studen bilong NSW bai bihainim Magi Haiwe i go na salensim Kwikila Haiskul long namba tu gem bilong oli.

Bihain long dispela, ol bai bihainim rot bilong san i go long Bereina na salensim wanpela tim bilong oli

studen bilong De La Salle Bomana na Mainohana long Sarere, 1 Julai.

Na namba 4 gem bilong oli bai kamap long Sogeri. Oli bai salensim ol studen bilong Sogeri Nesenel Haiskul long Tunde, 4 Julai, 1989.

Na bikipela las gem bilong oli bai kamap long taim oli salensim wanpela tim bilong oli studen long Sentral na Nesenel Kepitel Distrik (Combined NCD/Central provinces).

Tasol dispela i no min olsem oli lain studen ya bilong NSW bai pilai ragbi tasol. Oli bai raun na lukluk tu long oli ples em oli laik lukim long en.

Sampela bilong oli dispela ples em long bikipela Nesenel Palamen Haus long Waigani, Nesenel Misium, oli Botanikel gaden bilong Mosbi, Yunivesiti bilong Papua Niugini na oli arapela ples em oli yangpela ya i laik lukim.

## Taim bilong bekim dinau

BOMANA bai bungim Hohola long bikipela pilai bilong Nissan Nesenel Kepitel Ragbi lig long dispela wiken. Na dispela tu bai i taim bilong oli lain plisman ya long bekim dinau.

Bomana i bin lus long gren fainal bilong las sisen long han bilong Hohola. Na bihain long dispela lus, oli no winim wanpela gem bilong oli egensim Hohola yet.

Hohola i stap yet olsem sempion tim bilong NCRFL bihain long oli i autim gen Bomana 24-22 long fainal bilong pri sisen resis.

Tasol bihain long kamain stail bilong pilai em Hohola i bin kamapim las wiken egensim Waigani, planti paul tingting bai i stap nau. Waigani i bin strong tru na nekim Hohola 16-12.

long bikipela A gret gem long Sarere.

Na long bikipela gem bilong dispela wiken long Sande, bikipela lok Namba Bisare na huka Steven Palisa bai go pas long oli lain plisman ya.

Dispela tupela man bai kisim helpim i kam long Henson Tokali na Steven Marina long salim bal i go long beklain. Tupela senta ya, Siki Atayafa na Ligen Morris long beklain bai traim long givim gutpela bal long Henry Mong na Kawa Baga long wing long putim trai.

Bikipela tingting tu bai i stap long hapbek Mark Kandam long kisim bal na givim long oli pilaia bilong em long skram bes. Sapos oli dispela stail i kamap stret, Bomana bai sutim nus bilong Hohola.

## Nissan i strongim yet sapot long NCRFL

NISSAN, wanpela kampani bilong salim ka long Mosbi i strongim yet dispela sapot bilong em long Nesenel Kepitel Ragbi lig long Sarere. Nissan i bin strongim dispela sapot bilong oli taim wanpela mausman bilong oli i givim bikipela prais bilong pri sisen resis, Nissan Kap i go long pri sisen sempion tim.

Sinia sels representitiv bilong Boroko Motors, Mista Galeva Bagelo i bin givim Nissan Kap i go long


oli lain boi bilong Hohola bihain long oli daunim Bomana long pri sisen gren fainal. Kos bilong dispela kap i stap long mak bilong K207.

Mista Bagelo i bin tok olsem Boroko Motors i gat bikipela laik tru long helpim olgeta kain spot insait long kantri.

Arapela bikipela samting tru em dispela kampani i bin mekim long helpim spot insait long kantri em long helpim fan resing bilong Saut Pasifik Gems.



• Sinia sels representitiv bilong Boroko Motos Galeva Bagelo i givim pri sisen trophy i go long kepten bilong Waigani tim. Oli pilaia na wanpela opisal i lukluk i stap.



Brothersiwok long tanim i go antap yet long ragbi resis long Mosbi. Nau oli i stap antap tru. Las wik, oli i bin stail stret, maski oli tripela man ya, Eri Emei, Issac Rop na Mark Ipu i no bin stap.

Difens bilong oli i bin strong tru. Tigers i painim hat long beukim. Brothers i laki tru long kisim oli gutpela gol kika olsem Tom Jones Ningipa na yangpela Akuila Emil. Nogat planti tim i save gat oli dispela kain gutpela pilaia olsem.

Tasol 10-pela minit tasol i bin stap yet long fultaim na Kone Tigers i bin taitim bun liklik ya. Mi bin lusim ples pilai taim skoa i bin stap long sait bilong Tigers, 18-14. Mi bin ting olsem Tigers bai winim dispela gem. Tasol nogat, plet i tanim na Brothers i win.

Mipela mas givim bikipela sapot na amamas i go long oli yangpela bilong Kone Tigers long wanem oli i bin trai hat tru long stapim oli bikipela fowat bilong Brothers. Mi bai tok olsem Sopa Iko i mas kisim nem olsem gutpela pilaia bilong dispela gem. Dispela liklik man bilong Isten Hailans i save laikim tru long kisim bal na bungim oli bikipela birua bilong em. Em i save kamapim gutpela takel tu.

Pilai namel long Pagan na Magani i no gutpela tumas. Planti bilong oli i wok long tromoi bal nabaut. Dispela gem bilong oli i luk olsem oli yangpela i pilai long junia gret. Na referei tu i no bin lukautim gut dispela gem.

Long wanpela bilong oli asua bilong referi, wanpela pilaia bilong Magani i bin ron fran long pilaia i karim bal na banism oli pilaia bilong Paga Panthers long takelim em. Na referi i no mekim wanpela samting. Em i larim tasol wanpela trai long kamap.

Na dispela i no gutpela. Oli referi bilong mipela inap mekim planti samting moa long dispela.

Sapos oli sampela referi i no inap long lukautim gut gem, salim oli i go lukautim gem bilong oli junia gret. Na oli referi i mas fit long olgeta taim.

Graham Ainui i fit tru. Olgeta apinun mi save lukim em i ekasesais taim mi wantaim oli boi bilong mi i tren. Mi save olsem yupela inap long mekim wok tasol yupela i les tasol.

Oli boi bilong mipela bai salensim Kwinslen kantri Kombain nau long apinun. Planti bilong oli dispela pilaia em oli yangpela manki na oli bai kisim ples bilong oli dispela lain husat i stap insait long Presidens 13 long bihain taim.

Sampela bilong oli dispela kain pilaia em Stanley Haru, Akuila Emil, Richard Wagambie, Philip Boge, Tara Korae, Mea Morea na planti oli arapela. Olsem na yupela olgeta sapota i mas kamap na helpim tim bilong mipela long winim pilai.

Tasol wanpela bikipela asua em mi bin lukim olsem sampela bikipela memba bilong Presidens 13 i save kamap long trening long laik bilong oli yet.

SYDNEY LEAGUE

RUGBY LEAGUE

DOWN UNDER



WINFIELD CUP '89

MAKING THE BIG GAME BIGGER



ROUND 8: 6, 7 May

Brisbane	v Illawarra	Lang Park
Manly-Warringah	v Canberra	Brookvale Oval
Newcastle	v Canterbury-Banks	New Int Spts Centre
Eastern Suburbs	v Parramatta	Sydney F'ball Stad
Cronulla-Suth.	v Penrith	Callex Field
St. George	v Western Suburbs	Kogarah Oval
South Sydney	v North Sydney	Sydney F'ball Stad
Balmain	v Gold Coast-Iweed	Leichhardt Oval

□ KUMUL kepten na wanpela kontrak pilaia bilong Canterbury bai kam bek long Papua Niugini. Em i no inap stap yet bikos em i bin kisim bagarap long skru bilong em.

Toktok i kamap long ol lain wantok long arapela sait bilong solwara i tok olsem Numapo bai lusim Australia klostu. Numapo i no bin stap longpela taim tumas long pilai wantaim Canterbury. Tasol mipela i mas amamas olsem dispela man i bin makim nem bilong kantri gut tru na nem bilong em i bin kamap long sampela ragbi lig niuspepa long Australia. Mipela olgeta i amamas long lukim yu gen, Numapo.

Na long tupela arapela Papua Nigini pilaia, Arnold Krewanty na poro bilong em Dairi Kovae, mipela i harim sampela tokwin olsem dispela tupela man i wok long pilai strong yet. I bin gat sampela asua i kamap, tasol tupela i no wari tumas long dispela.

□ NA long arapela bagarap long skin, hapbek bilong Paramatta, Peter Sterling i orait pinis. Sterling i bin kisim bagarap bihain long wanpela pilaia i bin givim em strongpela takel.

Tasol nogat wanepela bun bilong em i bruk o wanem. Nek bilong em tasol i wok long pen liklik yet. Na i luk olsem kas ya i gat bikipela laik long kamap hariap gen long fil. Ol dokta long St Joseph Haus sik i bin tokaut olsem Sterling i nogat bikipela bagarap long skin bilong em.

□ LONG ol arapela samting, tok pilai i bin kamap long planti hap taim kepten bilong Brisben na Australia, Wally Lewis i bin tokaut olsem em i bin kapsaitim bia na trikim ol opisal taim ol i

laik tesim em ol marasin nogut (drug). Dispela i bin kamap bihain long wanpela gem bilong em long Brisben.

Arapela samting em Wally i bin mekim em long kosim ol referi long fil. Tasol Wally i bin autim wanpela tok; dispela kain tes bai i givim bikipela taim stret long wanpela pilaia. Em bai painim hat stret long pispis bihain long gem.

Tasol long kosim ol referi, Wally i tok olsem olgeta pilaia na sapota i save traim long mekim olsem. Dispela em i wanpela gutpela rot bilong autim ol wari bilong yu. Nogut yu haitim i stap na han bai flai bihain.

Bihain long Wally i tokaut long ol dispela samting, jenerel menesa bilong NSW, John Quayle i tok olsem lig bai i no inap long mekim wanpela samting long dispela.

□ YUPELA inap long tingim wanpela olupela pilaia bilong Newtown ragbi lig klap long Australia husat i bin kalabus long Bangkok. Na bihain wanpela niusman bilong Australia, Neil Cadigan i bin go na lukim dispela man, Paul Hayward long 1985.

Paul Hayward i wok long redi nau long lusim dispela haus kalabus bihain long em i stap inap long 10-pela yia olgeta. Tasol kot i bin makim em long stap inap long 20 yia.

□ I LUK olsem Allan Langer i wok long wokim nem bilong em long ragbi long olgeta wik. Dispela Tes hapbek bilong Broncos i wok long resis wantaim Sterling na em i win nau bihain long Sterling i bin kisim bikipela bagarap long nek bilong em long wanpela gem.



Paul Hayward

Winfield 25's

Government Warning: Smoking is Dangerous to Health



# BENSON and HEDGES

WEEKLY POINT LADDER & DRAW TABLE

## LEAGUE NEWS

### Mendi

#### MENDI RUGBY FOOTBALL LEAGUE LADDER

##### A GRADE LADDER 30.4.1989

Division	Played	Win	Draw	Lose	For	Against	Point
T Magani	3	3	-	-	52	24	6
M Brothers	3	2	-	1	57	22	4
Hawks	3	2	-	1	38	28	4
S Royals	3	1	-	2	36	36	2
TaraKames	3	1	-	2	26	42	2
IBD Bulldogs	3	1	-	2	30	67	0

##### RESERVE GRADE LADDER 30.4.1989

Division	Played	Win	Draw	Lose	For	Against	Point
T Magani	3	3	-	-	46	24	6
S Royals	3	1	2	-	28	16	4
Hawks	3	2	-	1	16	12	4
IBD Bulldogs	3	1	1	1	29	20	3
M Brothers	3	0	1	2	8	31	1
TaraKames	3	0	-	3	22	42	0

##### U17 JUNIORS LADDER 30.4.1989

Division	Played	Win	Draw	Lose	For	Against	Point
IBD Bulldogs	3	3	-	-	20	6	6
Hawks	3	2	1	-	24	12	5
TaraKames	3	2	-	1	24	26	4
M Brothers	3	1	1	1	20	18	3
T Magani	3	-	-	3	4	12	0
S Royals	3	-	-	3	6	24	0

#### Saturday 6th May, 1989

10.50	U17	Bulldogs	vs	TaraKames
12.00	U17	Magani	vs	Brothers
1.10	A/res	Hawks	vs	Royals
2.35	A/res	Bulldogs	vs	TaraKames
4.10	A	Brothers	vs	Magani

#### Sunday 7th May, 1989

12.00	U17	Hawks	vs	Royals
1.10	A/res	Magani	vs	Brothers
2.23/	A	Bulldogs	vs	TaraKames
4.10	A	Hawks	vs	Royals

### National Capital

#### National Capital Rugby Football League

#### Saturday 6th May, 1989

9.00	Res	J/Valley v Korobosea	J.Kusa
10.05	Res	Waigani v Boroko	S.Tomu
11.20	Res	Bomana v Hohola	J.Kau
12.50	A	J/Valley v Korobosea	P.Niningi
2.20	A	Waigani v Boroko	A.Solkava
4.00	A	Bomana v Hohola	B.Dou

■ NO GAMES ON SUNDAY 7/5/89

### Ramu

#### Rugby Football League

#### Sunday 6th May 1989

11.00	B	Magani v South
12.00	B	Tarangau v Hupai
1.00	B	Souths v Brothers
2.00	A	Magani v Souths
3.00	A	Tarangau v Hupai
4.00	A	Souths v Brothers



## RUGBY LEAGUE LADDER

PORT MORESBY	KIMBE	LAE
Brothers _____ 10	Muruks _____ 13	Tarangau _____ 10
West _____ 10	Umboli _____ 11	Tigers _____ 10
Defence _____ 10	Brothers _____ 11	Brothers _____ 10
Paga _____ 10	Hawks _____ 9	Panthers _____ 8
Air Niugini _____ 8	United _____ 6	Spiders _____ 4
Kone Tigers _____ 8	Tarangau _____ 6	Magani _____ 3
Magani _____ 6		Defence _____ 2
Tarangau _____ 4	<b>NORTH SOLOMONS</b>	Royals _____ 1
DCA _____ 2	Air Niugini _____ 2	
Hawks _____ 2	East _____ 2	<b>MADANG</b>
	Souths _____ 0	Panthers _____ 8
	West _____ 0	ANG _____ 8
		Brothers _____ 6
<b>NATIONAL CAPITAL</b>	<b>RABAUL</b>	Hawks _____ 4
Hohola _____ 6	Norths _____ 2	Tigers _____ 2
Korobosea _____ 6	Sea Eagles _____ 2	Tarangau _____ 2
Waigani _____ 4	Brothers _____ 2	
Bomana _____ 4	Air Niugini _____ 2	<b>RAMU</b>
Tokarara _____ 4	Balanataman _____ 0	Magani _____ 8
Boroko _____ 0	Muruks _____ 0	Yonki _____ 8
June Valley _____ 0	Crusaders _____ 0	Tarangau _____ 6
	Tarangau _____ 0	Souths _____ 4
		Hupai _____ 2
	<b>KAVIENG</b>	Brothers _____ 2
	Muruks _____ 6	
<b>MINJ</b>	Snafu _____ 3	<b>MENDI</b>
Royals _____ 8	Tarakum _____ 2	Magani _____ 6
Hawks _____ 6	Sea Eagles _____ 1	Brothers _____ 4
West _____ 5	Brothers _____ 0	Hawks _____ 4
Brothers _____ 3		Royals _____ 2
Panthers _____ 3		TaraKames _____ 2
Tigers _____ 2		Bulldogs _____ 0
Eagles _____ 1		



## PROVINCIAL LEAGUE

### Minj

#### Saturday 6th May 1989

10.00am	West v Royals	D.Dag
11.10am	Tigers v Brothers	A.Lapas
12.20pm	Hawks v Panther	A.Pui
RESERVE		
2.30pm	West v Royals	A.Kumai
A GRADE		
4.00pm	Tigers v Brothers	D.Mond

#### Sunday 6th May, 1989

Reserve		
11.30am	Tigers v Brothers	A.Kumai
1.00pm	Hawks v Panthers	B.Kaman
A Grade		
2.30pm	Hawks v Panthers	A.Pui
4.00pm	West v Royals	G.Kai

### Kavieng

#### Kavieng Draw

#### Saturday 6th, May 1989

11.00	U17	Sea Eagles	v	Brothers
12.00	U19	Sea Eagles	v	Brothers
1.00	Res	Sea Eagles	v	Brothers
2.20	A	Sea Eagles	v	Brothers

#### Sunday 7th, May 1989

11.00	U17	Snafu	v	Muruks
12.00	U19	Snafu	v	Muruks
1.00	Res	Snafu	v	Muruks
2.00	A	Snafu	v	Muruks

### Bougainville

#### Bougainville Rugby League Draw

#### Saturday 6th May, 1989

Arawa	Snafu	vs	Broncos
-------	-------	----	---------

#### Sunday 7th May, 1989

Loloho	Panthers	vs	Dolphins
Arawa	Muruks	vs	Seagulls

### Goroka

#### Saturday 5th May 1989 Sunday 7th May 1989

Saturday 5th May 1989				Sunday 7th May 1989					
Game No. 6									
9.00am	U19	Brothers	v	Country	9.00am	U17	Brothers	v	Country
9.45pm	U19	Hawks	v	Tarangau	9.45pm	U17	Hawks	v	Tarangau
10.25pm	U19	Siane	v	United	10.25pm	U17	Siane	v	United
11.05pm	U19	Tigers	v	Darno	11.05pm	U17	Tigers	v	Darno
9.00am	Res	Brothers	v	Country	9.00am	A	Brothers	v	Country
9.45pm	Res	Hawks	v	Tarangau	9.45pm	A	Hawks	v	Tarangau
10.25pm	Res	Siane	v	United	10.25pm	A	Siane	v	United
11.05pm	Res	Tigers	v	Darno	11.05pm	A	Tigers	v	Darno

## Welkam long Referi kona

### TOK I GO PAS

PAPUA Niugini Ragbi Futbal Lig Referi Asosiesen (PNGRFL RA) em wanpela bodi i lukautim wok bilong ol referi insait long Papua Niugini.

Samting olsem 6-pela mun i go pinis, Referi Asosiesen i mekim bikpela wok long mekim wok, lukautim na kamapim gut wok bilong referi insait long kantri.

Referi Asosiesen i kisim bikpela sponsa o helpim long WD & HO Wills (Benson na Hedges). Dispela i helpim wok edministresen bilong Referi Asosiesen long kamapim wankain stail na save, tis na skelim ol referi insait long kantri.

Mipela ol lain bilong *Times* na *Wantok Ragbi Lig Nius* i amamas tru long gutpela wok bilong Asosiesen. Ol i laik traim skulim ol referi long ol. Na tu ol i laik save ol bai yusim ol dispela lo na rul olsem wanem.

*Ragbi Lig Nius* i amamas na askim Referi Asosiesen long kisim tok orait long putim ol tok tok bilong Asosiesen. *Ragbi Lig Nius* nau i kisim tok orait pinis na statim long putim kamap ol tok tok bilong Asosiesen. Namba wan hap i kamap long dispela wik yet.

Ol tok tok kamap long dispela wik em Intanesenel Rul bilong Ragbi Lig, na Intanesenel Bot na Intanesenel Ruls of the Gems Komiti bai yusim ol dispela lo olsem wanem. Dispela bai tok klia long wanem ol rul na ol kain samting bai kamap long taim bilong pilai.

Ol tok klia bai gat piksa bilong ragbi lig oval na tu ol pilai. Na dispela bai i ken helpim ol rita long luksave long wanem samting i stap insait long buk.

Mipela bai putim kamap toksave long neks wik. Sapos yu laik kisim moa toksave, yu bai kisim long neks wik *Ragbi Lig Nius* long *Times* na *Wantok Niuspepa*.

### TOK KLIA LONG RAGBI LIG INSAIT LONG PNG

1. PNGRFL em
  - Kontroling Bodi
  - Memba bilong Intanesenel Bot
  - Sinia Eksekutiv na ol Opis

Sir Ignatius Kilage - Patron  
Sir James Jacobi OBE - Presiden  
Martin Adamson - Seketeri  
Rod Sweeney Hunt - Tresera.

### 2. PLEN BILONG RAGBI LIG LONG PAPUA NIUGINI

a) Aninit long mama lo (konstitusen) bilong PNGRFL, ol i save oraitim ol lig husat i laik memba. Taim ol i baim fi ol bai kamap olsem ful memba bilong Asosiesen. Tasol ol i no inap memba nating. Ol i mas bihainim sampela lo em PNGRFL i putim.

b) Arapela samting tu i kamap aninit long plen em Junia Ragbi Lig, Skulbois Ragbi Lig, Referi, Nesenel Kosing Skim, spesel kompetisen, ovasis tours, promosen. Ol arapela wok i gat komiti bilong lukautim. PNGRFL yet i makim ol dispela komiti. Ol komiti em eksekutiv memba bilong PNGRFL;

Ivan Ravu - Nesenel Kosing Darekta  
Kevin Murphy - Darekta Tours na Promosen  
Brian King - Darekta PNG Junia Ragbi Lig  
John Morrison - Darekta PNG Skulbois Ragbi Lig  
Graham Ainui - PNGRFL Referi Asosiesen.

3. Pilai resis bilong Ragbi i bruk long 4 pela rijon.

- a) Noten (Mamose)
- b) Hailans (olgeta provins long Hailans)
- c) Ailan (Olgeta provins long Niugini Ailan)
- d) Saten (olgeta provins insait long Papua rijon, Saten Hailans i joinim Hailans).

I gat ol Rijonal Vais Presiden i save lukautim

ol 4-pela rijon. Ol i memba bilong PNGRFL eksekutiv.

- a) Tony Huai (Saten Zon)
- b) George Mack (Noten Zon)
- c) John Nilkare (Hailans Zon)
- d) Paul Marshall (Ailan Zon)

4. PNGRFL i gat Nesenel Judiseri Komiti. Wok bilong em long traim daunim ol bikhet pasin long pilai ragbi.

### PNGRFL REFERI ASOSIESEN (PNGRFL RA)

1) Em i memba bilong PNGRFL. Na em i save lukautim wok bilong ol referi insait long kantri.

2) Wanem ol ragbi lig asosiesen i kamap memba bilong PNGRFL, ol Referi Asosiesen tu i kamap memba. Ol bai kamap memba bilong PNGRFL RA.

3) Ol eksekutiv na opisal PNGRFL RA em:

- Presiden - Graham Ainui
- Vais Presiden - Raymond Hoada
- Seketeri - John Reeve
- Tresera - Paul Reptario

4) Ol Referi Asosiesen insait long wanwan Asosiesen husat i memba bilong PNGRFL i memba. Tasol ol wanwan referi long ol dispela asosiesen i no memba bilong PNGRFL RA. Ol wanwan referi yet i mas memba long PNGRFL RA. Sapos ol i wokim olsem ol i kamap rejista memba. Ol i ken sindaun long winim Referi Tiket.

5) PNGRFL RA i skelim pinis pawa na sampela wok i go long ol liklik senta. Ol i traim tasol long dispela yia. Ol i mekim olsem long traim helpim tu ol arapela liklik senta. Na i no ken tingim tasol ol bikpela senta olsem NCD, Lae, na Rabaul.

Namba wan wok i kirap pinis. Ol i brukim kantri long skelim wok bilong Referi Asosiesen i go long 10-pela distrik. Ol dispela distrik bai lukautim wok bilong referi long ol dispela wanwan distrik.

- (I) Wewak (Is Sepik, Wes Sepik, Madang na Manus)
- (II) Lae (Morobe)
- (III) Rabaul (Is na Wes Nu Briten, Nu Ailan)
- (IV) Kieta (Not Solomons)
- (V) Goroka (Isten Hailans, Simbu, Minj, Banz)
- (VI) Mt Hagen (Saten Hailans, Westan Hailans na Enga)
- (VII) Daru (Westan na Galp)
- (VIII) Pot Mosbi (Sentral na Oro)
- (IX) Pot Mosbi (Nesenel Kapital)
- (X) Alotau (Milen Be)

Dispela ol plen i ken senis. Em i no bilong stap olgeta. Ol i ken sensim sapos ol arapela kain senis i kamap long wok referi. Ol kodineta i wok gut bai stap yet. Sapos ol i no wok gut bai i gat senis long wok bilong ol.

(6) Dispela yia PNGRFL RA i kamapim nupela sistem tu bilong ol referi long kisim tiket long wok bilong ol. Dispela tiket em ol bai kisim sapos ol i wokim liklik tes bilong ol na tu bai skelim wok bilong ol long fil.

Referi i ken winim provinsinel tiket sapos em i winim ol tes bilong em. Sapos em i pas em bai kisim tiket. Sapos nogat, em bai i no inap winim tiket.

Sapos em i winim namba wan tes, orait ol bai traim skelim wok bilong em long ples pilai. Wanpela sinia referi bai glasim wok bilong em na sapos em i win, ol bai givim em wanpela tiket tu.

Bai i nogat planti ol tiket kos i kamap long 1989. Tasol bai i gat ol liklik skul tasol bai kamap long 1990.

Long 1990, ol referi i mas strong long winim kos long kisim tiket bilong ol. PNGRFL RA bai i no inap luksave long referi tiket bilong 1988. Tasol bihain long 1990, ol referi i mas aplai gen long winim referi tiket bilong ol. Sapos ol i no aplai na wokim tes bilong ol, ol bai lus.

Neks wik, mipela bai putim ol plen bilong Ragbi Lig insait long Papua Niugini. Mipela bai statim ol lo na putim tok klia piksa long neks wik.


Rugby League  
**News**

Player of the Week

Proudly Sponsored by:

**The Pharmacy**

Steamships, Port Moresby. Phone: 220274.  
Stap 'n' Shop, Garden City, Boroko Phone: 259507



## Stori bilong pilai

Name: MOSES GENE  
Age: 24 Weight: 95kg  
Height: 174cm  
Club: Brothers Division: A  
Position: Prop - Centre  
No. of A grade games played: 100 plus.  
Past representative appearances: Lae side 83-85 NCRFL 1986 - 1988 Southern Zone 1988.  
Any major awards: Best and Fairest, Royals Lae 1985.

Home Province: Simbu Village: Chuave  
No. of brothers and sisters in the family: 3 sisters and 2 brothers

Any family members in the past played rugby: Linus Gene, former Goroka, Highlands Zone and Kumul Hooker

When you started playing rugby: 1972 West Goroka Community School.

## Mosbi opisal mas stapim dispela kain pasin

PLANTI klap nau i paitim tok tok long kisim bek tupela selekta bilong Mosbi. Tupela selekta ya, John Wagambie na Jack Metta i risain long wok bilong tupela bikos ol i no amamas long ol senis em ol eksekutiv bilong Mosbi Ragbi Lig i bin mekim.

Tupela i salim wanpela pas las wik olsem ol bai pinis long mekim dispela wok.

Jack Meta i tokim RLN olsem astingting

bilong makim ol yangpela manki long tim em bilong helpim ol long bihain taim. Sapos ol i go het long makim ol lapun pilai, dispela bai i no inap tru long helpim Mosbi bihain taim ol bikpela gem i kamap.

Em i tok ol senis em ol i bn mekim i no gutpela tru. Planti ol pilai i stap nau long dispela senis i no fit. Na tu ol man husat i mekim ol dispela senis i no save lukim ol pilai i pilai na mekim ol senis.

Mista Wagambie i tok presiden bilong Mosbi Ragbi i tokaut

olsem em i save wantaim i no tru.

Em i tok, em i no save helpim tim bilong Tarangau. Taim em i stap yet long arapela tim em i no save helpim ol tim bilong em. Em i save stap tru olsem wanpela selekta na dispela tok tok i kamap i no mekim em i amamas.

Kain ol pilai olsem Tony Kila na Mea Morea bilong Air Niugini i no fit tru. Mista Wagambie i no tok em i no save watpo na ol opisal i makim ol long dispela skwat.



# Royals i brukim kiau pinis

SULLIVANS Royals i kisim tu poin taim em i autim tiket bilong IBD Bulldogs. Dispela pilai i bin kamap long Mendi Ragbi Lig las wik.

John Kepeolu i winim Bes na Feres pilaia awot. Em i putim tupela trai. Dispela tupela trai i helpim tim long winim namba wan tu poin bilong klap.

Ainman bilong Roy-

als, Larry Anderson i no pilai. Tasol ol i arapela i soim tru olsem ol i gat inap strong na daunim tru difens bilong Bulldogs na winim dispela gem.

Wanpela trai bilong ol Bulldogs i kam yet long yangpela senta Francis Taropa. Taropa tu i soim olsem em bai kamap wanpela top senta tru long Mendi. Olsem na ol lain pilaia i gat nem

long senta i mas was gut.

Royals i sindaun namba 4 nau. Sapos ol i laik winim Hawks long dispela wik, ol i mas stretim difens bilong ol na tu ol i mas sensim stail bilong ol long kik.

Hawks em wanpela strongpela tim. Ol Royals i no ken pilai kaskas, nugot ol yet i kaikai das. Ol i mas traim long helpim ol

## SIMPUSI i raitim

fowat long winim dispela gem. Sapos nogat, beklain i stap.

Strong bilong Magani long yia 1970 i kambek. Ol i hamaim Tarakames 16-0. Tarakames bai painim hat liklik long resis insait long fainal bilong dispela yia.

Magani em king bilong sindaun long as

bilong poin lata. Tasol nau, ol i sindaun antap na lap long ol arapela tim insait long Mendi.

Kepten Fred Tulai, Mek Kepo na ol beklain i paia stret long helpim ol i stap antap long poin lata. John Oki na Nelson Koim i go pas long ensin rum bilong beklain.

Magani nau i bosim resis long tripela raun nau. Na ol i grisim bek ol sapota bilong ol i kambek. I luk olsem em taim bilong ol ya.

Hawks i soim yet pawa bilong ol long daunim Menduli Brothers 10-4. Tupela strongpela pilaia bilong Brothers Otmar na Noan Wale i no stap.

Tasol dispela tupela pilaia bai stap long dispela wiken long traim daunim Magani. Tupela ya, Otmar na Wale i holim strong bilong Brothers.



• Ol pilaia bilong Waigani long NCRFL lig i soim Nissan kap em ol i bin winim long pri sisen resis long dispela yia taim ol i autim Bomana.

# 4-pela klap resis long Not Solomons

## NOT SOLOMONS

HENRY MORABANG i raitim

NOT SOLOMONS ragbi lig bai autim Sea Raiders sapos ol opisal bilong ol i no wok gut.

Presiden Dannie Taka i mekim strongpela toktok bihain long Sea Raiders i no putim wanpela tim long pilai las wik. Ol opisal bilong Not Solomons ragbi lig asosiesen i no ama-

mas tru long dispela kain pasin.

Em i tok dispela i soim tru olsem Sea Raiders i no amamas tumas long ragbi. Mobeta ol i stap arere na givim spes long ol arapela tim husat i gat laik long pilai ragbi.

Mista Taka i tok ol eksekutiv bilong em i orait tu long tingting

long autim Tarakum. Dispela tim bai i no inap stap insait long ragbi resis bilong dispela yia.

Em i tok nau yet planti memba bilong Tarkum i stap insait long bikpela operesen long Not Solomons provins. Ol pilaia bilong dispela tim em ol lain plisman na woda plis.

Presiden i tok em i gat bikpela wari bikos Tarakum em wanpela strongpela na gutpela tim insait long asosiesen bilong em. Tasol em bai traim kisim bek ol long neks yia.

Mista Taka i tok asosiesen bilong em i statim pinis namba wan gem bilong ol long las wik. Nau i gat 4-pela tim tasol i soim bikpela laik long ol gem i kamap las wik. Ol dispela 4-pela tim em Air Niugini, East, West na Souths.

Air Niugini na East i putim namba wan tupela poin bilong ol. Air Niugini i bin mekim save long Souths 32-16. Na East i win long fofit. West, birua tim bilong East i no bin kamap long taim bilong pilaia.

Em i tok aninit long mama lo bilong

PNGRFL, 4-pela tim inap long kamapim asosiesen. Na dispela 4-pela tim bai strongim Not Solomons asosiesen inap olgeta trabel na hevi i pinis long provins.

Bikpela as i stapim ol wok bilong ragbi lig em long taim tambu na hevi bilong ol papa bilong graun wantaim BCL na Nesenel gavman.

Mista Taka i tokaut olsem bihain long tupela gem, ol bai traim long makim wanpela trening skwat long go pilai long Kimbe (Me 13-14).

## Kimbe makim trening skwat

KIMBE Ragbi Lig nau i pait strong long winim gen taitel olsem king bilong Ragbi long Niugini Ailan rijon.

Long dispela wik yet ol, selekta i makim wanpela strongpela skwat long pilai.

Kimbe nau i gat bikpela sans bikos Rabaul Lig i slek. Na ol lain long Not Solomons na Bougainvil i no makim yet skwat bilong ol. I luk olsem dispela taitel nau bai go bek long Kimbe.


Hia em lista bilong Kimbe trening skwat. Leo Pikop, Ben Emban, John Gorea, Akila Muna, Jacob Rowa, Amos Tauba, Nason Lavap, Elias Lolo, Dairus Apelis, Sam Nilmo, Vincent Dara, Kasin Palabitu, Pius Jerry, Robert Jack, Chris Lagisa, Francis Hannesy, Issac Cletwin, Hubert Rere, Paul Tokobai, Tony Meria, na Paul Sanga, Henry Yoma na Darius Haili. Joe Reu em kosa bilong ol.

Kimbe tu i makim Anda 19 skwat bilong em. Nem bilong ol dispela lain pilaia i sanap olsem Arnold Ulu, Peter Omba, David Augustine, Peter Bilbil, Patrick Reu, Sepa Yoma, Tinu Bani, Paul Nelson, Kevin Kantu, Daniel Samino, Nick Reu, Philip Bari, Francis Paul, Mul Rex, Ogasei Are, Manu Bomai, Paul Harry, Tomas Langa, John Tuka, Raphael Peni, Ezkiel Dubia,

Na ol i makim tu Colin Lanzaroth, na John Oae na kosa em Maniot Apelis.



• Ol pilaia bilong Magani na Paga Panthers i brukim skram long gem bilong ol long Sarere. Paga i autim Magani.



## Ai bilong mi op nau

OL pilai i kamap las wik i opim tru ai bilong mi. Tarangau em wanpela tim i tanim tru plet. Ol kosa bilong ol i tokaut olsem birua bilong ol bai winim ol.

Wok bilong Ragbi Lig i pundaun liklik. Ol lain long Rabaul i gat ol hevi. Olgeta eksekutiv na opisal bilong judiseri i kisim taim. PNGRFL i saspensim ol. Nau ol i makim pinis nupela opisal bilong ol.

Tupela olupela selekta bilong Mosbi Ragbi Lig i risain. Bikos ol i no amamas long senis em ol opisal bilong Pot Mosbi Ragbi i mekim. Dispela pasin ol i wokim i gutpela tru. Em i nambawan.

Dispela kain pasin ol opisal i wokim i no gutpela tru. Kain pasin i soim olsem ol opisal i no save long wok bilong ol. Long sapotim ol nupela selekta i kamap bihain, ol opisal i no ken traim long abrusim wok bilong ol.

Dispela kain pasin i save kamap long olgeta hap bilong kantri. Ol opisal bilong klap na tu ol komiti i save traim long senisim ol pilaia long olgeta wiken.

Tupela tim bilong mipela i mas kamap sempion long dispela wik taim ol i bungim ol Australia. Yupela ol yangpela pilaia i mas strong. Noken wari long strong bilong ol Australia.

Noken tingting long soim ol birua bilong yu olsem yu save pilai ragbi. Soim ol lain birua olsem yu inap long winim ol dispela lain pipel.

Ol tingting bilong mi long husat bai winim gem las wik i kisim 99 pesen. Tasol wanpela bikpela asua em long gem bilong Tarangau na Air Niugini. Mi ting Air Niugini bai winim Tarangau tasol Tarangau i tanim na nekim ol Air Niugini.

Gut lak long olgeta pilaia long arapela ragbi lig senta. Mi laik mekim spesel wan i go long tupela tim bilong Mosbi. Namba wan tim bai pilai long nau nait na arapela em long Sande apinun.



# Royals bai autim Wests

ROYALS ragbi lig tim i soim olsem em i wanpela strongpela tim tru insait long Minj. Dispela wik em bai bungim Wests long bikpela pilai bilong Minj.

Mausman bilong Minj, Alphonse Pui i tok olsem Royals i gat bikpela sans tru long winim dispela gem. Strong bilong Royals i stap long ol fowat bilong em.

Tripela strongpela pilai, Siwi Takai, Jonah Aring na Peter Mana bai go pas long tim bilong ol plisman.

Royals klostu i lus tasol ol i laki long tu poin. Ol i winim Tigers 22-20 tupela wik i go pinis.

Ol Royals i no ken lukdaun long Wests. Bikos West i soim pawa bilong ol las wik na dro wantaim Panthers 0-0. Em i namba wan taim tru long rekot bilong Minj Ragbi Lig.

Tupela rap man bilong Wests, Gai Numb na Not Amban

bai go pas long tim bilong tupela.

Sapos Wests i laik winim dispela gem, ol i mas was gut long Mann Teke bilong Royals. Teke i gat nem long sinbin. Em i mekim save long sampela pilai las wik na referi i tokim em long malolo long 5-pela minit long sinbin.

Panthers nau i redi tasol long sutim ol pisin nogut Hawks. Tupela brata Andy

Brum na liklik bilong em Tepi bai go pas long Panthers. Olsem na ol Hawks i mas was aut long dispela tupela pilai.

Tupela i bin kamapim bikpela bagarap tru las wik egens long Wests. Tasol ol i no sapatim tupela olsem na tupela tim i bin dro. Dispela wik, Hawks i mas was gut.

Hawks bai strong long beklain. Ol i

nogat ol hevi fowat long helpim tim long autim tiket bilong Panthers. Panthers i gat ol hevi fowat long winim gem.

Tupela stail manki bilong Hawks, Steven Du na Martin Tongap i gat spit. Ol i ken winim ol birua bilong

ol na helpim Hawks long winim Panthers.

Panthers bai winim yet dispela gem egens long Hawks.

Long Sarere, Tigers bai bungim Brothers. Tigers i bin malolo gut las wik. Olsem na olgeta strong bilong ol

i stap yet na redi long kaikai gutpela mit bilong ol Tigers.

Brothers i laik bekim dinau. Bikos las wik, Hawks i nilim ol stret long 48-14. Ol bikman bilong Brothers olsem Joe Kaima na Samuel Enn bai go pas long Brothers.

## Minj tu bai resis ya

MINJ Ragbi lig i makim pinis skwat bilong ol long stap insait long Hailans Jon sempionsip long Mt Hagen. Dispela sempionsip bai kamap long Mt Hagen long 13-14 Me.

Dispela em i namba wan taim Minj bai salim wanpela tim long resis long Hailans jon.

Siaman bilong seleksen komiti, Sam Kaima i tok em i namba wan taim na Minj i traिम tasol. Ol i no go long win. Ol i laik kisim skul long pilai.

Em i tok ol pilai bilong skwat i yangpela tru. Ol i no gat eksperiens tasol ol arapela senta olsem Mendi, Goroka na Hagen i mas was aut.

Planti ol pilai i tokim RLN olsem em i namba wan taim bilong ol. Ol i no save pilai ragbi long ol arapela ples. Olsem na ol bai traिम long putim kamap gutpela pilai.

Kosa Tony Kapil na trena bilong em Luke Sena

### HENRY MORABANG i raitim

i tokaut olsem nau yet ol pilai i tren hat tru.

Sapos wanem pilai i slek, ol arapela pilai bai kisim ples bilong ol gen ya. Hia em lista bilong ol pilai.

Bu Amban, Philip Angopa, Sam Enn, Mau Teke, Wi Tumun, Tony Yuye, Andy Brum, Siwi Takai, Gai Nunts, Tom Dama, Joe Kaima, Bob Mann, John Peng na Tony Kapil.

Long ol arapela stori, Minj Ragbi Lig Referi Asosiesen i tok amamas tru long nupela yunifom bilong ol.

Mausman Alphonse Pu i tok olgeta referi i amamas. Bipo yet ol i save mekim wok tasol ol i no gat gutpela yunifom.

Mista Pu i tok amamas long sponsa na tu het-opis long Mosbi long olgeta helpim.



• Pilaia bilong Magani, Tati Ivara wantaim poro bilong em i stapim wanpela pilai bilong Paga Panthers long rausim bal. Paga i winim dispela gem 32-24.

25-5255

# BOROKO MOTORS LIMITED

## USED CARS PORT MORESBY

25-5255

ALL VEHICLES SHOWING THIS SIGN (\*) MUST BE SOLD BEFORE JULY 1ST. DON'T MISS OUT

	LAUREL K10,250		CIVILIAN BUS *		CRESSIDA WAGON *
B/BIRD WAGON K6,950		929 * SEDAN		2.0'LAUREL K5,950	
	626 MAZDA SEDAN *		A/C TELSTAR MANUEL K5,900		TOYOTA STARLET *
MIT * LANCER		LITE ACE VAN *		CRESSIDA SEDAN K7,950	



PRICES ARE NEGOTIABLE,  
BUT THEY MUST BE SOLD  
BEFORE JULY 1ST.



WANTOK

# SPAK MAIK!



**GOODYEAR**  
The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR

GOROKA  
Ph: 72 1848  
Al's Auto Repairs Pty. Ltd

MADANG  
Ph: 82 2433

LAE  
Ph: 42 1144

KIMBE  
Ph: 935540

RABAU  
Ph: 92 2757  
92 2777


MT HAGEN  
Ph: 52 1715

POPONDETTA  
Ph 29 7175

PORT MORESBY  
Ph: 25 5255

ARAWA  
Ph: 95 1566  
95 1516

ALOTAU  
Ph: 61 1167  
Milne Bay Enterprises



**BOROKO MOTORS**

• PORT MORESBY PH: 255255 • LAE PH: 421144 • RABAU PH: 922777 • MT HAGEN PH: 521433 • KIMBE PH: 935540  
• MADANG PH: 822433 • TABUBIL PH: 583311 • ARAWA MOTORS PH: 951566 • HIGATURU MOTORS PH: 297175

# REBO

MAN, REBO KISIM 400 APOL NA LONG APINUN EM KISIM \$800 STRET...

EM NAU! MI RIS TRU NAU

REBO AMAMAS LONG WOK LONG FAM NA EM SLEK LONG TRENING.

REBO ILET LONG TRENING GEN!

KOSA I LUKIM REBO ILET GEN NA EM BELHAT NOGUT TRU LONG EM...

REBO!! YU LET GEN! YU BAI PILAI LONG RISEV OK!!

TASOL KOSA...

LONG HAUS BILONG REBO... PIKININI BILONG EM I LUKIM I SAMPELA OL LIKLIK MANGI I PILAI....

NAU EM GO AUT LONG HAUS NA LAIK GO PILAI WANTAIM OL...

TARANGU REBO SINDAUN LONG RISEV NA WETIM GEM EM LES NOGUT TRU...

MI LES LONG PILAI YA... BAI MI RONAWA NA GO WOK LONG APOL FAM!!

AIYA!... OL LIKLIK MANGI I PILAI YA... MI MAS GO PILAI WANTAIM OL...

I GO MOA NEKS WIK!

# PINKI

BHANI LIKLIK PINIKI WANTAIM PIKININI I GO RAUN NABAUT NA LONG WANPELA HAP TUPELA LUKIM WANPELA MERI PATIM PIKININI BILONG EM.

PAPA LUSIM YU NA YU NO HARIM TOK BILONG MI... YU LAIK HAMBAK LONG MI A?..

MAMA YA!

SAPUS MI LUSIM JOHN... BAI MI TUPELA PAINIM DISPELA KAIN HEVI TU O?..

PINIKI WAKABOUT I GO INSAIT LONG HAUS LOTU NA LUKIM JISAS HANGAMAP LONG KRUSE...

JISAS KARIM BIKPELA HEVI NA DAI... TASOL MI WARI WARI LONG OL LIKLIK HEVI LONG WANEM?.

PINIKI GO SLIP LONG NITE NATINGTING.

MI MAS I GO BEK LONG JOHN...

JOHN TU I WOK LONG TINGTING...

MASKI DORIS, MI MAS GO LUKIM PINIKI LONG FRAIDE.

FRAIDE FOTNITE... JOHN KISIM PE NA I GO STRET LONG HAUS KUKIM KAIKAI, KLINIM HAUS NA REDIM GUT I STAP.

BAI MI HAMAMAS IM PINIKI LIKLIK.

PINIKI KAM LUKIM NA EM HAMAMAS NOGUT TRU NA' KRAI.

HO JOHN! MI HAMAMAS LONG SOB.. SOB... LUKIM YU OLSEM, SOB.

PINIKI! MI I NO INAP BAGARAP IM SINDAUN BILONG YUMI GEN.

TUPELA I HAMAMAS I STAP NA TELEPON I RING.

HALO!

HALO!... A A A... MI I NAP TOKTOK LONG JOHN?... MI DORIS.

**GONAU!**  
**WANTAIM SHARPIES Banana Boat**  
 KAM NAU NA LUKIM LONG SO RUM LONG WAIGANI DRIVE KLOSTU LONG ISLANDER HOTEL.




NA TINGIM, MIPELA TU I GAT OL **EVINRUDE** E OUTBOARD MOTORS I STAP. PRAIS I NO DIA TUMAS

..Long painim pis, kisim kaikai i kam long maket, karim kago, i go piknik long ailan o long raun tasol... Sharpies Banana Boat tu i gat nem long ol kain kain wok long wara.

I KAM LONG  
**Boroko Motors Marine Division**  
 Phone: 255255 Ext 224.

Askim long Guy Lamont

HEPI BETIDE  
Mipela winim 37  
via tude



- \* Mipela i gat 60 balus
- \* Mipela pundaun long moa long 130 ples balus
- \* Mipela wokim moa long 600 raun long olgeta wik

*NAMBA WAN BALUS BILONG PAPUA NIUGINI*



**TALAIR**

*Stat long 1952 inap tude - Mipela givim sevis  
long Papua Niugini*

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.